

全越詩錄

卷十五之十九

A. 132/3

四

A  
132  
—  
3







全越詩錄卷第十五

翰林院承旨額城伯臣黎貴奉

旨編定

國朝

鄧鳴謙

字貞蒼号脱軒天祿縣天祿社人陳忠臣鄧悉鄧容之後徙居山園瑁浦父貼登太和癸酉科正進士鳴謙以有學行登

洪德十八年丁未科正進士與弟讚同榜仕至吏部尚書兼史館副都總裁知昭文館考林司從昭宗西幸卒於華州年七十餘曾閱南史帝后公侯庶人孺婦一夕品題以詩名越鑑詠史詩集行于世從兄矩洪德甲辰科進士官至東閣大學士翰林參掌讚亦至吏部左侍郎

近体一百二十五首

1  
涇陽王 歷代帝王以下



3  
A132



玄黃判後世鴻龐  
胄出神明有哲王  
遜國讓兄昭至  
德北南分治奠封  
駘

貉龍君

堂月世系出涇陽  
帝女來嬪定厥祥  
乾始坤生閭粵  
祖百男嗣續慶蕃  
昌

雄王

王侯相將總稱雄  
十八傳來位號同  
歲歷千餘夫派  
遠二徵還有祖威  
風

安陽王



勞築思龍百雉城謾誇神弩屈人兵  
君王自昧苞桑計女子何關國重輕

趙武帝

蜀地雄吞振土宇長沙薄伐震威風  
帝分南北猶嫌小恨不稱兵起漢中

王士

三分漢鼎據中原南國封疆賴保全  
正氣千年長不朽時人爭道士王仙

李南帝



長驅北寇掃南軍。卜世終期百萬春。一旦湖中天失險。  
還將大業付能臣。

趙越王

勇披螯瓜殪梁兵。故主散享忍恕情。城割烏鵲終定  
約。不知境外已渝盟。

後南帝

寅緣結好終忘趙。倉卒迎降竟入隋。鴉海十年遺廟  
在。渝盟羞對越王祠。

馮王



乘時撥亂號都君子育弘推父母仁沒後洋々吳氣  
在億年臣庶亦尊親

前吳王

白波藤戰後海無波王業經營早息戈可惜臨終無遠

慮誤將六尺付三哥

後吳王

王業重恢大憲清親又篤友于情素知唐阮真無  
罪何更興戎竟殞生

了先皇



瑞應黃龍啓帝王。削平十二使君強。守身不謹重門戒。  
禍起丁又國繼亡。

黎大行皇帝

輔幼權隆十道兵。袞袍加後萬方清。如何宮壺真無  
愧。不念丁皇伉儷情。

黎中宗

高明元惡稔無君。天討雍容母弟親。可笑南封姑息  
事。不知豺虎性難馴。

黎臥朝



怨父戕兄天理滅繁刑冒色眾心離  
朝中身疾猶堪臥國脉傷來豈可匡

李太祖

臣節忠形哭主時運逢五百眾心推  
宅中首姓哥龍鼎永建天南不拔基

李太宗

夢月祥開慶萬生愛民恤獄盡推誠  
紹休况值正平日立武宗文又用明

李聖宗



沉幾大畧撫盈成武備張皇禮樂明謾詫儂平增睿  
號不知堯舜德難名

李仁宗

詰武威行平土濱勸農善政惠斯民上陽殉<sub>心</sub>墓何恩  
威德蓋稱孝且仁

李神宗

趙祖宮中育孝皇太平天子運重昌中年不幸遭奇  
疾賴有明空藥味良

李英宗



秉節文通計得行。位居正嫡嗣前明。初年雖有防英武。  
末命終能委憲誠。

李高宗

年甫孩兒誤見奇。憲誠沒後祚隨衰。方知佚欲心無厭。  
已在加冠大笑時。

李惠宗

海色佳人長禍胎。禪房深處有人來。早知妻子終為累。  
肯止慈皇酒一盃。

陳太宗



判合緣諧帝業成家傳仁厚建昇平當初悔聽靈慈  
計夜向深山訪友生

陳聖宗

授劇於昭啓聖祥政弘仁恕迪民康更傳友愛為家  
法嗣續終期有道長

陳仁宗

世出金仙應運生坦當大任武功成中庸自是聖能事  
戒行何須苦用情

陳英宗



謙冲孝友本生知改過終形絕飲時恭繼守文稱威德  
內修禮樂外攘夷

陳明宗

神采飄々迥異常恪遵成憲貢前光如何不辦克終  
諧長使微雲點太陽

陳憲宗

幼冲嗣服萬幾繁父在遵承豈敢專莫虞夙成年永  
久西京無讓孝昭賢

陳裕宗



14  
西湖失脚幸全生。益肆逍遙佚樂情。閑却朱安醫國  
小都將命脉付鄒庚。

陳藝宗

登崇大盜咱謬言。昏老安能裕後昆。賣姪自誇為  
得計。不知諸子有誰存。

陳睿宗

削平內難位元良。世及雍容卷一堂。文德不修勤遠畧。  
白旄竟上白雲鄉。

陳順宗



畫將國事付蒲黃。養素期超不死鄉。休怪玉清終斷  
食。道家辟穀是仙方。

前胡

欺狐計就使遷都。狡媚深於九尾狐。北去不知天假  
手。猶稱美玉詫求沽。

後胡

徽寧久托帝家親。偽裏尊稱欲亂真。父子相傳終二  
世。方知胡亥是前身。

陳簡定帝



一自姑逋掃虜氛。聽謨選已戮功臣。西行又拾重光去。誰是君王親信人。

陳重光帝

臣庶歸心濟國屯。推尊簡矣爲仁親。吳明豈之圖回計。其奈天心不祚陳。

吳昌爰

泉室以下

幾年避亂固居東。一旦歸來富貴同。何事遽專威福柄。多慙讓國伯夷風。

李晃



八郎宗子國維城，授鉞全驩有政聲。忠謹日間遺愛在，  
洋洋英氣凜如生。

陳光啓

學識兼優相業隆，吟胡力贊太平功。子孫奕業皆榮  
顯，長與皇家共始終。

陳國峻

生逢家譽誓輸忠，懋建重興第一功。歿後威猶摧北虜，  
倚天長劍夜鳴風。

陳日燭



四紀昭文特降生。累朝鍾鼎勒勲名。子能孝感重地筆。  
終始皆由一念誠。

陳國瓚

年少軍謀不預參。手中依憤碎黃柑。報恩旗豎擁勛。  
敵降賊諸板死亦慚。

陳慶餘

驚犬謾勞詩客調。飼鷹方挾將軍心。令行一笠千端市。  
謀敵不知謀利深。

陳國項



皇嗣權宜昧遠圖一朝謬越陷非辜  
洋又傑特忠魂在何故黃蜂敢厚誣

陳元旦

早上崑山退老章  
悠々不管國興亡  
當年後與猶為托  
休賦會詩調藝皇

冲天神王

神靈以下

生來三歲未能言  
一旦其風便卓然  
掃盡武寧山下賊  
余戈鐵馬竟冲天

褚童子



天上冠升偕帝女。澤中頭助應王師。孝誠自可通神化。本是江邊一丐兒。

高魯王

龜玆機成賊壘。摧貉侯乃譖竟梯媒。武寧石窟鐘靈異。為高王八夢來。

李服蠻

平生忠烈早知名。令甫防邊萬里城。古所山川鍾秀氣。收南胡馬久無聲。

李翁仲



文武全才大丈夫。咸陽遺像懷羣胡。永康一入談經處。血  
食南天壯帝圖。

杜慧度

名臣以下

龍編擲炬殲勍敵。林邑揮戈攝外夷。政自慈祥民自  
化。一門三世擁旂麾。

范令公

外家當國築心萌。舍將重來休以兵。賴有忠臣堅大節。  
存孤無愧晉程嬰。

范兩



袍袞軍前翊聖明。赤衣夢裡受恩榮。欺孤既不堅臣節。  
主獄安能寢眾情。

黎奉曉

巨難曾蒙敬德褒。南征神武又英豪。歸來不願封侯  
印。獨上冰山擲卻刀。

李道成

七十餘人陵殉葬。一方原廟祔為徒。大臣輔政能疵  
政。顧托深慚六尺孤。

穆慎



濟難曾施應變才。人妖跡露胆心摧。誰知一艇煙波客。  
網得西湖米色來。

李常傑

弟兄咫尺侍光明。才畧兼優貌又揚。北伐南征勲策著。  
誅非門外以貂璫。

武帶

淫毒當年以就囚。天戈何事竟逋留。置金計就終遺  
患。地下多慚阮火頭。

楊嗣明



富良門地一方雄帝室連姻詠彼穠  
羨貴恨若堂封欲去權奸翻見誦遐

蘇憲誠

大節堂又可比孤百端利誘寂如無  
平生嫉惡心如在肯上陳家四輔圖

范應爰

靜夜深宮覺晏時城南一見結殊知  
徒勞四百青趺賜神指爭如帝賚奇

范五老



豹畧龍韜學素優江山橫舉氣吞牛一時雖已稱良將猶恨  
英雄志未酬

歇驕

願學屠羊許國忠堪津脩成難卒成功一生不款預知  
加朝爵黃鵠高冠六翮風

杜天觀

籌邊將畧壯西南昇疾征從死正甘何事初年曾速訟  
枉煩檢法用青衫

改汝諧



謝過文成結帝知，使旄武節預驅馳。  
自從狙勝驕心起，屑選寒江壯士悲。

鄧藻

密勿興隆侍從臣，預承永命草綵綸。  
秦陵自有遺弓在，甘老田園不厭貧。

阮柄

使索羞將一物歸，居官薄奉亦終辭。  
平生清介誠無偽，不負寧皇素簡知。

張杜



少年羞中將軍鵠壯歲曾乘御史聰  
累疏不諧身便還世傳清白作家風

陳時見

探候節操凜難欺折獄惟良累所推  
象笏賜銘承眷厚貞高深結泰陵知

范蒼檜

和柔彊矯凜南方決勝咸知將畧長  
謙退僅同馮大樹功名敢擬竊汾陽

詔寸



師駐東平善撫綏。含冤會見必伸期。可徵人事知天意。勿謂蒼天不我知。

裴夢華

厭見中原全虜塵。預知神器屬權臣。危言終不回天意。甘作林泉避世人。

鄧悉

戰罷逋姑狄。是膺陳家指日運重興。可憐見壞擎天柱。新集乾坤旋土崩。

姜公輔。名儒以下。



愛卅山水出名儒奉勅周旋屢失謨可笑唐皇徒懷諫恩教  
良將老江湖

丁。拱。垣。

崑蓬威遠總英髦何事兼收及斗筭既托黃麻快私憾  
又邀黃橘結私交

韓。詮。

弼教官崇踐斗班披沙價重擅騷壇不閑半力能移鱣  
爭得君王賜姓韓

阮。士。周。



方朔詠諧非善士子雲雕刻豈真儒才能不入當時用  
寂寞天章老畫葫

裴。水。鐸。

名姓初從改賜來四朝要近又趨陪可憐書府空遺  
像未展平生大用才

張。漢。超。

文章政事藹名流從祀儒宮禮數優排闥異端功不  
少何須責備比村毬

阮。忠。彥。



少年登第號神童，政府樞庭兩命榮。  
莫怪自誇廊廟器，令名終不負儒風。

范邁

憲臺政府展經綸，骨鯁時稱古直臣。  
堪笑弟兄嫌伯姓，不知家世屬何人。

朱安

七斬章成便掛冠，至靈終老又餘閒。  
清修苦節高千古，士望岩又仰泰山。

莫挺之



第一魁元早致身。居官不改昔清貧。扇銘又重燕臺譽。使節方知國有人。

張。叫以下。節義。

也。馬君王入水濱。弟兄忍作事。終人月江清夜高吟後。南國乾坤掃虜塵。

阮。圃。

君。瞻早已正刑章。國事容寧屬副王。仗義礪礪全大節。始終誓不負丁皇。

陳。廷。琛。



窮經學富魁登選專對才優上使軺國柄下移投紱去見  
幾君子挺高標

陳。平。仲。

甘心誓作南朝鬼反面羞称北地王  
地幕河邊收正氣堂  
少帝冒鉄為腸

陳。礼。

軍前叩馬正王師  
料咱難回竟死綏  
只恨熙陵徒自聖  
不知老婦丈夫奇

黎。梅。



虜騎憑陵逼海隅。丈夫力屈首低頭。厲聲吐氣舒忠憤。  
萬古名高罵賊侯。

陳。渴。真。

睽日休嗟解誤人。天教全節付將軍。安孫市上貞魂在。  
生作忠臣死福神。

阮。表。

重光天子久蒙塵。奉命軍前屬爭臣。慷慨正言摧虜賊。  
丈夫謀國豈謀身。

阮。景。異。



父子重揮衛社戈一門全節古無稜多太保肝如鉄堪讀  
文山正氣歌

鄧容

血戰神夜海水渾灰冠茹港賊奔徒始終徇國心無歉節  
義車轉月華一門

阮帥

半壁南天盡力扶英雄事去竟捐軀怒來不必源休笏  
直把墓枰殄賊徒

黎景詢



上庠琴劍一書生三策愧夕許國情萬里虜庭終不屈  
父忠子孝兩成名

楊三哥 奸臣以下

魚緣外戚僭稱王故主遺孤竄遠方可笑昌文思掩義  
終教滿網老張湯

杜爽

無將稔惡起宮庭眾怒爭如例外刑自笑流星祥入口  
不知萬口盡流腥

杜英武



20<sup>37</sup>  
行殺戮報私怨宿將能臣並見誣自是仁皇威不立  
平教文信追秦誅

祭文威

天理豈容妖勝德人生烏可默而襟讀書平日學何事  
君上猶懷反噬心

阮餘

玄象雖高聽則卑雷霆發處容私小人欲售欺君術  
欺世欺天又自欺

陳守度



38  
走狗當年號爪牙。皇陳奄有李山河。弑君蒸后安生亂。  
必竟功多罪亦多。

陳益稷

兄弟曾聞樂且湛。潛萌奪嫡是何心。夢中休說遭天  
譴。降賊人間責愈深。

黎輔陳

平虜功成侈異恩。君臣何事瀆天倫。賜名期作陳家輔。  
不輔陳家只為身。

黃佖



不顧君恩怨望深小人殆甚鄭羊斟罪寬萬死期來效  
方覺昭陵天地心

陳克終

十譽趣時且矯情  
党邪害正肆逢迎  
一生自負行成事  
口舌安能退虜兵

鄒庚

既因爵莖要君寵  
又起淫風逞己私  
行險小人心似鬼  
當時謾說是神醫

徵王女王以下



生前梅嶺安民勇，歿後花冠澤物功。  
種女郎能得幾英雄，出處冷真將。

昭聖公主

女主親逢國步屯，全將神器付他人。  
更為文皇賞輔陳，晚來不守長門節。

樛后

后妃以下

媚珠結好蜀國傾，樛后生心速漢兵。  
家陽報亦分明，亡國喪家由女禍。  
趙

楊后



加袍勸進老多情，義絕猶稱大勝明。  
古廟遺容相儼對，死時慚愧愈於生。

倚蘭元妃

賈來典女嫁鰥夫，佞伏樓臺剝百區。  
七十餘人膺入殉，不知雪得此冤無。

靈慈皇后

李氏宗祧因失守，陳家兄弟又興戎。  
不知史筆從何取，謾比塗山相夏功。

順慈皇后



貞貞曹明紹巢封政平李嫂位宮中  
北南垂統相符契  
誰謂閨門德不同

僊聖皇后

柔加維則主中園  
樛木仁弘福履綏  
象殿虎棲心不  
交當熊無愧漢昭儀

保慈皇后

性本仁慈冠畫儀  
外家深戒倖恩私  
晚來欲報如天  
德千載山陵苦行持

憲慈皇后



宮園興起不堪聞盡力調和撫育均千古母儀誰得似女

中堯舜宋宣仁

喜慈皇太后

黃鉞南還竟不回嗣皇福薄亦堪哀飽看世事更千變

願駕槐軒八夜臺

仙容公主以下

穩駕仙舟向海濱魚緣夫婿便成親冠升莫近廣寒殿  
中有姮娥不嫁人

媚珠



44  
萬分換機心未悟。鷺毛表道計何愚。灌珠并水千年在。  
洗盡生前玷類無。

玄珍

和我一去向天涯。失信歸來愧更多。海上迂回從別道。  
媚醯祠下莫經過。

金節婦

烈女以下

狼子難馴誨育恩。自甘耕織分長貧。不圖竟得鄉閭  
譽。詔給殘年侍養人。

阮節婦



許國良人已捨生百年契濶思忘情君恩天道知無愧地  
下相從死亦榮

媚醯

國破家亡恨未灰忍聞中使詔頻催  
累毡一入黃江水多謝君王送死來

武庠

山園程舍人初名義年二十三登洪德庚戌科狀元  
上賜今名送入翰林累遷都御史昭宗時進吏部尚書  
入侍經筵兼東閣大學士程溪侯封貞懿功臣登庸謀逆駕幸  
山西受詔集鄉兵按守地方從幸西都拜藍山陵廟飲毒卒於庸  
間之亦為感動立祠歲時致祭本朝中興景治四年褒封上等  
神賜諡廟額節義祠

近休詩七首



奉和 御製拜謁山陵

山江如畫正鮮妍。花外鶯聲柳外煙。榮戟輝煌光水底。  
旌旗旖旎拂雲邊。浪平舳舻翻星邁。心奈園陵劇旆懸。  
四海歐歌祿大孝。眉陶舜德席堯天。

奉和 御製追懷 聖祖勲業

遠同周武集元勲。仗鉞徂征拯萬民。電掃櫟槍清瘴霧。  
霆驅蓬宇破頑雲。九靈共沐堯天雨。四海胥陶舜日春。功  
與藍山傳久遠。憶年長鎮息妖氛。

奉和 御製光德殿上感成



清瑟朱絃奏樂音。雲趣百辟總駁。香浮邊豆。周儀盛念。  
切羹墻。舜孝深。青遶園陵山遠近。綠積庭院。栢陰森。億  
年宗廟昭虔薦。疊。皇王爲敬心。

奉和 御製幸建瑞堂

甍簷俯瞰萬流環。鳥跂羣冠削度寬。仙伏雲移春殿煖。  
珠簾雨捲玉鈎寒。豁軒寰宇乾坤大。蔭庇雲仍尊席。  
安積德累仁垂永。洪基億載信堪傳。

奉和 御製天域江曉發

連營曉發曙光濃。初日熹微正吐紅。鼓角喧轟青嶂外。



48  
熊羆哮吼碧流中。地扶天上供飛浪。天助樓船送惠風。何幸微  
臣陪彩蹕。喜叨周宴愧無功。

奉和 御製駐翠靄洲

鶯花兩岸弄春晴。雲簇衣冠甫拜迎。管籥聲傳千里遠。羽  
毛影照一天明。四方皞々堯仁化。萬古巍巍舜德名。凱鼓第慚  
窺聖製。願賡喜起頌昇平。

駕幸宝洲感作

旖旎旗旌掛夕陽。西宮浚治駕冠皇。亟屏戰士淹江上。服勞忠  
臣死道傍。萬里勸青林有益。三軍將穗索無糧。昇龍自古



興王地何不雌雄決一場

譚慎微

字默軒東岸翁墨人洪方庚成科進士預騷壇二十八宿襄翼帝初論應義師功陞刑部尚書翰林院侍讀參預

院事北使還進吏昭宗加少保入侍經筵川臨伯上幸山西詔受平北江兵勤王討登庸聞駕幸清華走安世飲毒卒登庸贈吏部尚書侯爵遷官詹敕諭祭至古都市偽救自焚中興後封上等神賜諡三代孫公倣位首相礼部尚書必保義郡公亦封福神

近體詩十首

奉和

御製思家將士

行又竟與故人俱寒月蕭騷對影孤斗胆酒醒那似醉  
心旌風動不勝秋幾行蘭緒縈愁切萬里魚書報信無  
料得歸來何日是坤三事到皇州



50  
奉和 御製綠雲洞

倚空翠壁竦巔巔。金朗壺天世界寬。地迥俗塵清石室。風  
高仙樂響松關。茸茅澗草迎春暖。漠漠岩雲捲暮寒。  
萬慮都從登眺息。禪關中<sub>以</sub>老僧閑。

奉和 御<sub>製</sub>英才子

雨露偏承寵渥新。誓將忠孝報明君。天低花蓋依紅日。地近蓬  
山擁瑞雲。黼黻大猷推鉅手。鋪張盛治展雄文。于今欣奏登  
封草。遙指南山勒聖勲。

奉和 御製追懷 聖祖勲業



聖祖開基集大勲端由一念為生民堂久帝祇三千畧樹  
鬱靈山五色雲蓬字掃除恢土宇乾坤整頓布陽春  
聖皇孝治揚前烈四海融久絕侵氛

奉和

御製光德殿上感成



殿上鏗鏘玉瑟音雲移翠蓋正駸久鎬京基業千年在  
虞帝羹牆一念深踞地固壘相傑僥參天松柏總陰森  
文謨武烈隆五緒萬古昭久繼述心

奉和

御製幸建瑞堂

令甫貌貅萬隊環瑞堂親幸孝心寬依久華渚流虹煖湛



仙洲玉浸寒，積慶定知基本固。承休終見子孫安，徽臣遭際陪清蹕，矜效鯤鵬奮翼搏。

奉和 御製駐翠謁洲

木綿時節正芳晴，翕集衣冠遠拜迎。風動羽旄光璀璨，雲攢羅綺色鮮明。周延秩，嘉賓樂舜德，魏，大孝名。管籥聲中民志悅，群方鼓舞樂昇平。

奉和 御製君道

奉許領睦近雅餘亦隨人

勵精圖治妙幾研，德洽人心澤配天。議礼考文邦國政，治兵振旅帝王旰。九疇哀淑尋倫道，八柄公操造化權。日月



29<sup>53</sup>  
光明躋聖壽。皇夕寶曆萬斯年。

奉和

御製臣節

奉評破結意好餘亦平常

許國昭日月。臨壯恢耿夕。爰憂深子卿。大節堅臣漢。  
武穆精忠誓滅金。堯舜君民伊尹志。綱常今古伯夷心。  
聖神撫運隆培植。林立英才正鬱森。

奉和

御製法宮感成

奉評落句意好餘亦尋常

祖功宗德繼天名。上下相交治道成。心腹良平等漢幄。水  
牙方召詰周兵。五夕帝業傳悠久。滴夕人才沐寵榮。聖  
壽萬年洪德曆。四時玉燭泰階平。



奉和 御製奇氣 奉評頌頤迺雅餘總平常

濟世經邦誓服勞 莫又氣際萬人豪  
呼噪謾論鳴陽鳳 騰蹠咸稜得雨蛟  
金馬玉堂承寵厚 清都紫府策名高  
聖神鼓舞機緘妙 始用包瓜奉茹毛

奉和 御製文人 奉評頌頤佳麗餘亦不腐

薰馥含英宿夜勤 挽回淳厚落尖新  
華笺炳月騎鯨客 藻筆甄才吐鳳人  
韶虞正声金調度 江山秀氣玉精神  
笙鏞妙贊文明治 八表同風萬物春

奉和 御製梅花 奉評音韻清諧落句可絕



綃裳玉骨韻清孤。枝北枝南信雷珠。羌塞雲深龍角咽。  
漢宮粧曉燕釵癯。香飄東閣詩多少。影蘸西湖月有  
無。天意欲資調鼎鴈。早教春信到寒株。

楊直源

上福縣上福社人洪德庚戌科正進士送入翰林仕歷  
兵部左侍郎都御史滿慶末平兵拒襄翼帝戰於

株橋後有靈應封上等神子願

偽大正壬辰科正進士仕至寺卿

近体詩十三首

奉和御製拜謁山陵

雨過芳叢錦綉妍。晴嵐以翠歛雲煙。迢迢舸艦滄波裡。  
縹緲旌旗夕照邊。鎬上山河春靄久。帝中園寢日懸懸。清明



文物今欣覩四海同歸孝治天

奉和 御製天域江曉發

熙々淑氣滿天濃曉起春江日正紅  
雷響神威千里外雲攢虎旅八屯中  
奇山晴抹參差樹香水光含浩蕩風  
料想神心思望切仰惟啓土建邦功

奉和 御製追懷 聖祖勲業

啓迪英明集大勲掃除凶惡膺蒸民  
魏々漢業銘書券萬々堯天望日雲  
萬古山河鍾瑞氣九垓花草登陽春  
聖神繼述揚前烈四塞風澄絕浸氛



奉和 御製光德殿上感成

百轉流鶯柳外陰。雲移仙杖止駸。又煮寫在上神明格。  
洞屬由中孝感深。排漢樓臺春艷麗。倚岩松柏綠陰森。  
國家並泰本支茂。百世弘恢緒述心。

奉和 御製幸建瑞堂

堂前一帶水萦環。隱約蓬壺八望寬。暮雨空濛芳樹暗。搖風  
浩蕩碧雲寒。慶源滾久多年曆。孝治巍久百世安。扈蹕小臣  
蒙顧遇。甄久鯤化。溟搏。

奉和 御製駐翠靄洲



江頭花草弄春晴。邈迤衣冠就拜迎。孝治昭々光海宇。德馨穆々感神明。聖皇尤謹勲賢禮。義士思垂竹帛名。四境無虞陶至理。乾坤清朗泰階平。

奉和

御製百穀豐登

奉評涸步長衢未知歸宿

中和懋建聖人能。天應休徵百穀登。八極乾坤光玉燭。九閭虎豹壯金繩。弛張文武風聲遠。損益虞周剏度弘。民物阜康諸福集。萬幾圖治日乾々。

奉和

御製君道

奉評尋常食飯足以療飢

高瞻義旌廣覃妍。慶賞威刑一憲天。九叙日躋熙代



威、參、驅、時、謹、聖、王、畋、外、攘、立、武、思、名、將、內、治、修、文、攬、化、權、  
推、致、中、和、弘、育、物、迹、遐、同、樂、阜、康、年、

奉和御製臣節

奉和御製奇氣  
奉評雖近清高頗能鍛鍊

桓、壯、志、樹、勲、勞、挺、特、中、人、一、世、豪、勁、節、崢、嶸、軒、徙、鱗、  
雄、文、烜、爛、孟、騰、蛟、月、移、北、海、青、蛇、臺、風、送、陽、州、白、鶴、高、  
雲、夢、虹、霓、吞、吐、後、胸、懷、拔、盡、塞、心、茅、



奉和 御製書牘戲成 奉評徒欲高奇還嫌迂泛

冠古多能屬聖人 華笺揮日初西曛 湯盤奎斗光銀

漢周鼓鼉蛇耀彩雲 追電遙凌恢素手 憑虛絕勝伯

英筋 一天錦繡山川麗 快觀龜疇馬魚文

奉和 御製文人 奉評領聯對的餘亦平常

焚膏繼晷業加勤 吐白吞甘藻思新 恭杖攻書芸閣客

花溪摘艷牘堂人 孤騫蛟鳳詞鋒健 雄制鯨鯢筆力神

妙展經綸裨至治 和風甘雨九州春

奉和 御梅花



疎枝冷葉月同孤。照水依○徑寸珠。淡泊精神姑射媚。怪  
清骨骼杜陵癯。湖邊逸客情多少。牕外騷人各有無。誰  
說天工生意厚。臘前春水瀟冰株。

武曷

青林漫內人二十二中洪另二十四年癸丑狀元授翰林侍讀奉  
使仕至尚書

近体詩十首

奉和

御製思家將士

桑蓬志氣更誰俱。匪奈天邊鴈孤影。萬里玉關空見月。數  
聲鉄笛易驚秋。風寒鷄店愁多少。雨挹霜袍夢有無。  
會待勤勞王事了。瓜期應已到皇州。



奉和 御製綠雲洞

壺天深处倚巔峴，納月乾坤四望寬。  
燭爛野花開夕徑，徘徊岩月照松關。  
烹茶灶冷蒼苔合，洗耳泉清白石寒。  
最愛山僧塵夢少，江邊掃葉夕陽閑。

奉和 御製英才子

天祐皇家脊命新，生賢祇欲輔明君。  
麗詞妙吐丹山鳳，豪氣遙凌碧漢雲。  
華國曾推燕許事，清時肯讓富軒文。  
始終誓益忠勤念，踏世雍熙叶放勳。

奉和 御製君道 奉評緩步康衢自無蹤跡



聖學高明聖慮妍  
巍々蕩々配皇天  
衣冠五闡鈞臺會  
車馬休脩洛水畋  
建極建中今古道  
作威作福帝王權  
馨香至治爭遐迹  
洪德璿圖億萬年

奉和  
御製臣節  
奉許構作室堂規模畧備

義胆忠肝數日臨  
攻々尊主庇民深  
鹽梅重望調商鼎  
帷幄奇謀間楚金  
爲國爲賢文惠出  
師討賊武侯心  
皇家相將等英俊  
天上三垣象緯森

奉和  
御製法宮感成

高皇祐廟建勲名  
聖孝巍々集大成  
日月光明貞帝業



山河鞏固壯天兵。莫又將闕聯樞要藹。又儒門疊寵榮。上下奉  
交登至治。八紘欽化九叶平。

奉和 御製遙想英賢 奉評雖已慎密已費心思

伊周身佩國安危。方召勤勞定四陲。機杼無忘唐李靖。網  
維道學永楊時。月明金浦詩才逸。箭落天山凱奏馳。聖代  
蒐羅皆俊傑。祥麟威鳳世間奇。

奉和 御製奇氣 奉評用心推敲語意雅寔

鼎彝擢欲勒勲勞。氣岸稜稜入蓋豪。山下炳彪藏雪豹。  
池中奮迅得雲蛟。羽馳沙漠千屯肅。劍倚崆峒萬仞高。



65  
滾月廟堂登俊入青霞壯志謝衡茅

奉和

御製書草戲成

奉評意順無疵

帝藻天然大過人  
燕閑肆筆日方曛  
騫翔爲鳳章騰漢  
起伏龍蛇落紙雲  
八妙驚超恢素骨  
出神豪奪伯英筋  
操觚視草何多幸  
預覩龜呈馬負文

奉和

御製文人

奉評領聯可嘉落句亦好

焚膏繼晷積年勤  
氣逸詞雄調度新  
秋月華星才煥世  
落霞孤鶩語驚人  
溜橋風雪吟恢壯  
燕國江山筆力神  
俊秀

34  
登庸文運泰祥雲麗日九州春



吳忱

東岸山人洪武癸丑科榜眼授翰林侍中子勉紹狀元孫續

# 近體詩五首

奉和

御製法宮感成

奉評平淡無特

皇又聖祖肇鴻名  
祐廟丕承治道成  
陪帷運壽詢漢相  
十城術社飭周兵  
明良際遇垂勲業  
賢俊登庸沐寵榮  
緒述喜覩光世孝  
璿圖億載享昇平

奉和

御製遙想英賢

奉評西聯亦順落句未融

阿衡大節力扶危  
南仲雄風振遠夷  
瘳又蕭張登漢日  
英又姚朱渚唐時  
二程道學諸儒唱  
一范威名四塞馳  
景仰



昔賢欽帝訓，絲毫庶答聖恩奇。

奉和

御製奇氣奉評碌碌隨人誰為優劣

王事周旋不憚勞，千霄胆氣挺人豪。  
雄姿矯矯搏風鶚，逸勢淩淩得雨蛟。  
吹月鳳蕭秋夜靜，朝天鳬舫曉雲高。  
聖明在御弘施攬，瑞世賢才奋草茅。

奉和

御製斗竹戲成奉評領聯迎受

聖性天然遠逼人，昭回奎壁映餘曛。  
飄飄花落箋中錦，矯矯蛟騰笔下雲。  
雄逸易迷蒼頡眼，縱橫盡束伯英筋。  
小臣何幸叨持橐，快覩皇王有煥文。



奉和 御製文人 奉評西睡清雅落句純美

藝苑蒐異志業勤孰才思彩華新  
溜橋寒雪騎駝客  
赤壁清風愛鶴人興入江山詩骨健  
詞摘錦綉毫鋒神萬年  
天子增培養渚人皆陶棧朴春

阮琬 青林仁里人洪武癸丑科正進士選入東閣

近体詩七首

奉和 御製百穀豐登 奉評雖未逼真亦猶泛畧

對時育物聖人能  
至治馨香歲屢登  
道契龜疇成寶  
慶綿蜚羽永繩  
雨暘順序天心應  
日月貞明帝業弘



四海雍熙陶舜化，幾康一念益兢乂。

奉和 御製唐道

奉和 御製臣節 奉評領二聯清雅可愛

一生忠赤日星臨，愛國憂君寸念深。  
起夕堂平登大漢，桓夕武穆殄餘金。  
噤口不改冰霜操，衽革那移鉄石心。  
簞壺長松堅晚節，歲寒老幹自蕭森。



奉和 御製法宮感成 奉評措辭迥雅

高皇肇造炳勳名聖子相承大業成  
朔運贊元登相將保邦制治詰戎兵  
其才渚子征茅吉宝徙綿子奕葉承億載  
基圖增鞏固群方鼓舞樂昇平

奉和 御製奇氣 奉評領聯稍優餘亦近可

四海經書著茂芳吳王一世挺人豪  
輝華瑞世丹山鳳奮迅騰空碧水蛟  
神裡青蛇湖海潤胸中赤羽日星高  
太平天子增培養渚子群才拔泰茅

奉和 御製卡什戲成 奉評語皆無疵結亦得休



天縱多能屬聖人。閑中草罷日初曛。揮毫寫鳳神超漢。落  
紙龍蛇勢捲雲。豪逸掃空元祐迹。勁強抽出伯英筋。微臣  
日愧詩依淺。莫狀神章炳煥文。

奉和御製文人

奉評頌聯落句鍊字耐清

青灯黃卷業精勤。詞麗光華格調新。氣骨孤高東野客。襟  
懷空潔北牕人。垓森旗鼓詩中伯。紙落雲煙筆下神。登永  
西軒清晏燕池塘。叩色一般春。

朱頊 武寧玉堆人。洪武癸丑科進士。送入翰林。仕至承使。

37  
近体詩六首



奉和

御製不君道

奉評雖未善美亦無疵瑕

高明聖學妙罕妍德在安民在致天九叙九歌虞帝治一  
這一豫夏王政宅中廣布恢柔德御下公操予奪權四  
海謐寧陶至化巍々寶祚萬斯年

奉和

御製臣節

奉評領軀傳當餘亦庸常

平生氣節尙夏臨愛國忠君一念深漢比將軍三羽箭  
關西夫子四知金鞠躬靡憚馳驅力同德常恢致澤心  
廊廟旁求樑棟老歲寒松柏正陰森

奉和

御製遙想英賢

奉評落句意佳餘亦辭達



聖主居安更慮危，遐思英俊贊清夷。  
皋夔事業光千古，賈才名冠一時。  
塞口致興勤獻替，說口諸葛許驅馳。  
中原魏鳳兔羅盡，會作皇家瑞世奇。

奉和

御製奇氣

奉評白雲調高後和愈寡

簪籬介鷁笑徒勞，爭似鵬程逸氣豪。  
岐下鳴和山有鳳，沔陽去害水無蛟。  
筆橫燕國江神助，戈指軒天日舍高。  
渚口濟洲多俊彥，金陵何必訪三茅。

奉和

御製文人

奉評全篇平坦落句美麗

赤軸黃琮志業勤，珠璣咳唾彩光新。  
詞源澎湃流三峽，筆陣



縱橫掃萬人應制詩成蜀錦千戎策就泣江神清特粉飾多

儒四序調和玉燭春

奉和御製梅花奉許梅花詠中魯衛之政

擬風標占小孤枝頭錯落綴明珠清高節操伯夷老基業

風流顏子癯疾嶺香魂詩興動吳浮仙客俗塵無天心

正待調羹用方信初傳玉一株

附錄無名氏名海門紀程詩載明良錦綉集相傳御親征占城時作今細玩詩語不類御製似類順廣守臣口吻但不知作者茲附於此

近体詩十四首

神符海門旅次



穿雲嶼徑一條紆重駕輶車作遠迤地浚江沱通工國天將砥柱

障顏流章皇載滿填河石累援徑乘壓浪舟此去海門三

十九計程何日到烏巾神符海門有凇港通于慶河又有双筋山在河門中胡季聲稱國祖章皇聞明兵未侵

命載石填凇港以塞水道不果累援確王時道士南征至神符海口門阻凡兩日餘王系戎舍前乘舟海為無波王師汲利涉及凱還援已即世詔封壓浪真人後以王與三相于神符海門門南妃山下冊中繫神自清華海門戶耐海門九三十九海望門

### 夾海孤次

萬頃玻璃漾溶客帆高泛玉壺中浸天細裊音邑迎

朝雨薄海寒吹起船風康樂塢田飽暮雪豪門月掛新

弓茫然不悟歸何處移歛憑虛跨閭蓬康樂豪門二社在夾海門之左右



# 喻海門旅次

朝宗一派水消又浩渺洪濤接海梁月盡河明蟾尋影瑀盤  
春煖玉生煙娉娉嬈岸漁村網迢迢衝風賈客船日暮波心翻  
首望蓬萊从尺夕陽邊

月盡瑀盤二社在喻海之東西

## 乾海門旅次

潮頭泛月綠舟移并海川頭想到時一水白攢天  
整陰群山翠結石屏危風波久醒吳淞晏香火猶欽聖母祠  
在在衛童歌帝

德遐荒無處不從容

乾門陳以國諱改為并海門陳吳宗南征駐驛乾門  
夜夢見女子曰妾趙娘子為凡波所迫至此奉上帝命

為海神久矣今因陛下南征願翊贊聖功明日帝問諸故老祠然後行海為無  
波及凱還詔立祠宇命官致祭至今典祀上等神靈應尤顯



卅崖海門旅次

青龍潮漲水連天，奉檄南來暫繫船。  
祥海晏時妖蜃息，心机無處渚鷗眠。  
希奇三座清岩景，新續雙魚紫翠巔。  
楚魄依沙終古恨，憑誰作賦吊湘川。  
又安益山竟河二座，李太宗第八子諱晃，封明威大王，嘗鎮大安，有善政，及召還，民立祠祀之，今祀為上等神。

南界海門旅次

南界湘頭雪乳翻，停舟把纜系雲根。  
橋邊商舶竟膏火，洲外人蒿犢鼻褌。  
遺廟謾傳今武穆，谷山猶說古瓊園。  
乍來偶醒

40 江湖夢，準拟乘槎叩帝閭。

黎朝司馬參預國政，歷魏謐武穆，乃太祖高皇帝之姪，太和人年，帝南征，於占城主責。



該還至海門病寃民立祠于南界海口之南竟吟上下至今為福神南界奇異二  
 海門因鄉人祠四位聖娘祠配享瓊園即沐山在海外又傳有褚童子之庵今上清  
 泉在焉

### 奇羅海門旅次

破曉承風到海門。鹹潮洶湧怒濤奔。圍還水國魚鰕市。檣鏃江

湖畧網村。福地靈昭參預廟。空山晏斷李群魂。不勝慷慨中

流念。李楫重申古推言。

參預見前奇異海門之左有山挺秀特奇山上有寺世傳晉確王嘗過于此因天籟聲故名琴山至胡李聲

南奔為明人所珍名曰天珍山

### 河華海門旅次

河華到處雨霏朝。寧海茫然四望遙。觸石悠々雲恋岫。排崖



79  
淘月浪隨潮水仙潭上翔霞古制勝祠中草木嬌醉倚蓬窓吟  
興發旅懷客思倍無聊河口之左有盤瘦山山有泉水停瀦鄉人嘗覓  
仙女二人從潭口出逢石盤上制勝陳夫人唐宗  
宴帝南征至河華阻凡每行不利帝齋禱以宮人置金盤中泛于水上為灣神  
因沒于此嘗有灵感人為立祠于海門之左今祀典上等神灣下曰灣娘

### 介國海門旅次

介國江中泛客船旅懷鄉思共茫然濤頭海戍河為堡岸崑

人家懶作楊昌雨帆山漁子國沿流潮漲貉侯田壯依剩

杉希前哲跨浪乘風快著鞭綱目集覽云貉侯之田隨潮上下  
宋宗懿曰願乘長風破巨浪元嘉

二十五年為前鋒將軍徙交州刺史討林邑制獅子形其象拒戰  
象驚走林邑大敗林邑占城國即枋栢

### 布政海門旅次



山抱回環海渺渺布征從古號荒陲並河村落茅為屋截浦

開津竹作旗女挾蜂情誇婉婉民調鴉舌語侏僂暨南

聖化弘柔遠首限提封外島夷李聖宗時天賜寶象二年親征占城珍國主制矩以山制矩諸

以地哩麻令布征三州賈誼許之放還國仁宗太平四年改地哩為臨平州麻今為  
靈州布征為市政州陳唐宗時改始臨平州為臨平府

### 日麗海門旅次

曉跨樓船度尾閭翩又征旆駐河渠沙寒地老斜陽岸霜

凜風冠宿草墟竜御久傳先李迹鯨封猶記後陳書只今

召伯迄南國日辟封疆萬里餘按大越史記李朝明道二年親征占城抵姑山祥雲捧日過河

腦灣有雲覆御舟隨其行止是日駐驛住牙海口勞軍次日發行過大小二長  
以住牙即日麗海門之南有住牙河渠等社社陳簡定帝珍明偽官范世孫



范棟高于此詩云昔有  
周公召公日辟百里

# 思客海門旅次

樓船奉鼓到烏龍百二關河此要衝  
列幃懸崖青真又  
天柏浪碧重又先朝事業傳遺跡  
南國輿圖認首封  
納垢藏  
汚河海量人人無處不朝宗  
李朝烏龍海門陳仁宗以玄珍公主嫁占城  
主制是至此因改思客諸海門惟此名雄俊  
波濤險惡近代帝王如李聖宗太宗陳吳宗  
宗並于此駐驛占城主制是聘玄  
珍公主以鷓鴣里二所為細米社界于此  
吳宗改為順州化州洪秀改為順州為海陵武昌  
二縣化州為金康思榮二縣皆屬為紹豐府  
後偽莫以容同聲諱改為思客

# 海雲閣旅次

42  
混一車書共幅幘海雲橫界越南天  
三更夜銅龍月五鼓風清



路鶴船夷落奉琛期款塞忠臣愛國巧等過此身那得生還幸

敢望班超到酒泉帝平占城國於其國主桑全桑遂以此改并華州為河東縣屬思夏府分占城故地圖標城為蓬山符離綏遠三縣屬懷仁府置三府二流

所徒三等罪因以安邊初置海雲關以訊察出入者銅龍灣名在海雲之再津產湧海波清路鶴國名

嘗過此販鴉

### 彌淪海門旅次

橫山西望是彌淪浩又平沙接海瀕煙水步頭分驛次風清

江上過開津看塩場圍邀商客魯酒盃盤醉市人欲訪麻姑

憑寄語南溟今已息揚塵弘化社交趾國之南界南詔常據于此拒唐麻姑山在布政司去彌淪海口一百里俗

日祀梯山列仙傳麻姑回到蓬萊山淡於前者過丰東海其復揚塵字有有塩色舊有詩烟



右國朝人詩近体共二百十首



武國隨人貳百餘人



世如何要路要接踪

蘆旗

尋收号令報秋期。處。蘆花到作旗。低拂月宮初掛夜。  
高張鴈陣半橫時。權。歸風伯神厨卷。机。任天工。妙轉移。  
物類無知还有用。了。皇一舉摩丕基。

紙鳶

身外功名一線牽。閑中托興自悠然。青雲得路疑無地。  
白日乘風欲上天。韓信神机人莫測。楊暮妙手世猶傳。夕  
陽幾度凭栏处。恍訝飄。羽化仙。



# 蜻蛉

紫弱亦是物中奇，欵々風前得可依。  
碧玉眼高閑宿霧，生綃氣薄弄晴暉。  
綠楊庭院花去<sup>穿</sup>芳，草池塘點水光<sup>誰</sup>自。  
色自形隨處著，這般<sup>誰</sup>說有天機。

## 蝶使

頷畧繁華富貴場，東塗西抹太匆忙。  
既隨柳陌披晴絮，又趁花房詠粉香。  
十道風光歸采訪，一天紅紫任平章。  
芳期有約歸來早，知是東皇作主張。



自形自色自光輝。腐草蜉蝣成本化機。  
木末上隨風寒閃爍。空中和月影依稀。  
車囊幾度侵書幌。肘苑多情點客衣。  
餘燭只能相照映。清朝敢近太陽光。

蝸

有物原來得氣先。芳涎滿殼自渾然。  
風回庭院銀泥合。雨洗垣牆室篆圓。  
會上功名如再地。閑中日月一壺天。  
升高記取詩箴在。世路休誇步月前。

蚊

庭上陰。夏月時。無端豹脚繞牕兒。  
飢來柳絮因風起。飽去樓

樓



桃蒂雨肥。成市謾誇。曾始令負山堪笑。力終微。區々口腹為身累。不覺膈腹是禍机。

### 土牛

名留月令不尋常。質取諸坤出丑方。搏埴工夫隨日就。丹青顏色接年粧。比郊畢送寒威去。南畝勤農催事忙。轉得洪鈞机太妙。熙又萬字總春光。

### 黃牛

水牛黑白物之常。爭似沙牛色正黃。綠野雨餘鋤曉日。平汀草嫩卧晴陽。遠辭即墨功名會。閑伴桃林歲月長。中順



自持能固志。庖犧氏易。独称揚。

艾虎

阿誰結艾虎為形。香霧中藏宛若生。蒲酒門牕驅毒氣。  
蘭湯庭院逐邪精。鍾嶸近討曾相狎。馮婦遙看不敢撓。  
往事流傳荆楚俗。端陽辰節震威聲。

芥

45  
莫口佳種占秋光。菜譜知名歲月長。薑助青香偏帶辣。  
菊分正色自含黃。春盤雖未同蒿蕪。晚圃猶能傲雪霜。  
菜重高騰聲價好。調羹風味不尋常。



苦瓜

質比於瓜冷比霜。北方價重又南方。廉隅体槁真堪愛。冰蘖風流独異常。曉色登盤堆翠玉。清芬熨齒溢瓊漿。莫嫌適口無佳味。長有丹心向太陽。

蘿蔔

土酥名菜出名園。長養偏承雨露恩。玄圃濃雲蒸茂葉。藍田美玉出陳根。笑談坐上留詩客。宴飲筵中對酒樽。秋到年久聲價重。好將清白遠兒孫。

覓



見陸名曾著易經色含紫白最分明春初處日善根發雨後  
叢又奕葉生國子宿師膺久習吳興賢守節尤清江南自是  
好風味仍續東坡玉糝羹

蔬

鴻會名稱蔬又同菜園承露翠交叢精萃肯讓春盤添趣味  
堪脩社日菊渤海萬畦苗善種漢陽一本起清風迺來悅色盈  
筐采盪酒相將時復中

芹

46  
楚葵種類異尋常菜譜標名歲月長雨過樞泉滋綠色風來



泮水迤清香。仙人玉指曾言采。華屋金盤可備嘗。顧我亦知鄉  
味美。笑恍然欲獻君王。

### 決明

幻出寬閑廣漠塲。因又一梳異尋常。金釘卓々凡前立。寶蓋  
亭々雨後張。校俗清標端可尚。調羹佳味止堪嘗。樹鷄底事  
耽私欲。竟使奸萌亂李唐。

### 決明

決明佳種倍鮮妍。占得繁華孟夏天。茂葉抽時張翠蓋。好花  
開處簇金錢。雨添顏色簷階下。風遞馨香俎豆前。更把善根資



藥品活人功德世間傳

水塵

有此乾坤有此形。水中活潑自生。人。徑。竈。鯨。室。十。分。白。軟。研。  
漁。磯。萬。點。清。洛。戰。凌。波。香。浩。蕩。湘。衣。濯。月。影。怪。盈。江。南。最。  
是。身。微。物。一。上。金。盞。便。得。名。

唾壺

大。冶。陶。成。體。繞。橈。奇。賓。筵。左。右。任。咸。宜。雅。裒。素。質。人。皆。美。  
獨。抱。丹。心。世。所。希。量。廣。納。污。藏。垢。日。用。隨。鉅。畜。發。宏。時。滿。前。  
咳。唾。珠。璣。好。喉。舌。年。日。荷。毫。私。



尺

一新制度自皇王累代能成績尺長素節堅貞明準則直躬  
溫潤異尋常工師掌上施十巧織女机前定七襄功業在人  
堪羨處唐堯宮殿舜衣裳

釵子

金相玉質自渾純大冶陶成作樣新喉舌款資吾出納齒  
牙先借汝調鈞剛柔允合時宜用濃淡曾知世味真變理功  
成還袖手一生長伴老成人

鞋



下邳歸矣。首家聲萬里，青雲足下生。起曉朝天和月著，尋芳得  
 路傍花行。陰夷到處心無間，動止隨時義益明。會上衣冠諧  
 素願，好同杖屨樂昇平。

### 權

皇王制度合時宜，用處均平屬稱錢。執此便能明準則，差之奚啻  
 謬毫釐。物情怪重從中得，主柄操持肯下移。欲會萬殊歸  
 一本，吾心方寸有成規。

### 山行

48 踉蹌攀雲取次行，平安一路使星明。石田似櫛殘茅塞，樵徑



如鉤古水橫。鄙俚淋漓棄婦語。鉤輻格磔野禽聲。肩輿  
笑倚春風外。草樹茫々四望平。

### 江行

怪雲上下漾扁舟。客興匆匆快遠遊。萬劫青山鍾秀氣。三  
岐碧水遠寒流。風回錦里簾斜卷。雨過魚洲網乍收。畏此  
簡書懷靡及。他鄉信美肯淹留。

### 閑述

親朋對語省襟期。山可移節不可移。口耳相傳非是學。皮  
毛盡落始言詩。朝回鈴閣偷閒日。浴罷兒童得意時。二十



餘年行止處滿腔忠赤有天知

餞翰林院檢討慈廉阮公奉北使

蓬矢桑弧志氣豪。担当國事屬<sup>吾曹</sup>。濟河十八通仙籍。驛路三千擁使

旄。詩興未闌江月白。鄉情長望嶺雲高。平心預喜<sup>吾曹</sup>以來後。天

語溫<sup>吾曹</sup>。荷<sup>吾曹</sup>毫髮。

餞刑科給事中<sup>吾曹</sup>青沔張公奉往北使

葩經<sup>吾曹</sup>藉富胸。依載詠皇華。屬俊才。諸案紅雲。辭玉陛。袞衣肥

馬上金臺。<sup>吾曹</sup>交層五嶺高。詩筆浩蕩三湘。當酒<sup>吾曹</sup>。誠得使君清

白節。臨行為贈一枝梅。



餞礼部尚書<sup>書</sup>橘溪曾先生致仕

仕途文武久周旋。礼重懸車荷眷怜。体具周儒者事。宦成名立大  
夫賢。漢都雲集衣冠會。竹塢春隨杖屨年。笑指橘溪為洛社。耆英  
會作神仙<sup>上</sup>。

正心

格論昭又貫古今。修身務在正其心。擴充要使天君泰。探子寧  
容物累侵。大學八條知準則。廣川三策寓規箴。後來欲底治平  
效。誠敬工夫豈外尋。

慎獨



己所獨知人不知。孔門垂教慎於斯。雖居去暗隱微處。常在操存省察時。誠正工夫從此得。治平效驗就中推。欲求君子修身要。端在吾心毋自欺。

阮文泰

字彙真。号竹寮。永賴前烈人。景統王成科探花。仕至左侍郎。昭宗西幸。從莫登庸立恭皇。復尊禪位。登庸詔陞工部尚書。

### 古体詩一首

餞翰林院侍講纂澤武公回鄉

洪州之水深而清。洪州之地坦而平。唐安名邑纂澤里。水又奇秀地又靈。間生人傑為時用。先後接武贊登闕。仆射武公行誼謝陳朝。宰輔推賢明。審刑黎公尚書武。今朝人物重典型。公家古來



稱望族世有令德難為名楊震自傳清白吏常買不用黃金簞  
嚴父斗山高士望伯父憲使叔總兵木之就規章梓匠玉以比德瑞琚  
珩匠氏擇才先杞梓送家用藥貴參苓公才高邁又傑出文訓蓄  
奮力學經熊凡蓋勵寔前志墨帳常存座右銘芸苑滋培仁作  
種紙田灌溉毫為耕惜陰竹簡消長日繼晷蘭膈便短擎手腹  
蜀五經多儲蓄言泉百氏發清冷鳬魯諸子言旁達漁達獵十  
家手不停瀛溪圖書窺太極海濤硯滴驅陶泓文學大年積  
峯業弱冠已蜚鳴屋聲吞牛志氣千人傑吐鳳才華五彩綢萬選  
青錢應萬中駕陵張旌為駉霜矧春序儒林論秀士秋園歲解



全越詩集卷第十六

翰林院承旨潁城伯臣蔡貴奉

旨編定

偽莫

范謙柄

桂陽見山人景統壬戌科進士累陞禮部尚書參預朝政昭宗出幸山西莫忌庸立恭王謙柄來謁貶戶部右侍郎

近體詩一首

戲詠過君果

此生已分老林泉遇主誰知別有緣風味高騰千萬古  
聲名密到九重天留侯見高皇日好時親迎世祖年  
知同一品得時自有妙機權



丁貞

青蘆青溪人景統壬戌科進士累陞礼部尚書清川伯仕莫加  
以保侯爵

近体詩一首

自述

鈍叟行年六十餘營生計太迂疎漢庭錢穀猶叨問

何日南山歸弊蘆廬

阮茂

清河界秋人景統壬戌科進士歷官都御史文達伯仕莫歷陞工部  
尚書

近体詩五首

客中

燃指光陰五十餘。可堪堂構愧先茆。廬尊吾天貴為天爵。



103  
撫我安仁是廣居。送疾謾儲三歲文。濟時空負五車書。  
良工寸朽終誰棄。樗櫟仇才浪笑予。

走筆贈同年武幹

丈夫志氣好相期。貴不能淫賤不移。要說吉凶須玩易。  
未聞風化豈為詩。春風淡沲初晴日。天理昭融款目時。風  
月無邊庭草翠。濂溪樂處有誰知。

述依簡宏礼伯范嘉謨

52  
已分悠久付此生。豈期復得預簪纓。怜才當日恩何厚。觀  
聖今朝眼又明。義在隨時非枉道。人於知己更多情。扶持實



賴斯文力幸保殘年享太平

預朝堂自述

隨朝幸得預清光。豈意重趨政事堂。商確喜覓新治体。  
周旋惟守舊官常。欲扶公論知何力。自拙凡才愧獨當。造  
命聽由與相<sup>君</sup>。窮通誰道在蒼天。

按國史昭宗幸外。茂預從駕。帝為登庸相家。愛其才。請釋之。故此  
回京待罪將誅。范<sup>美</sup>嘉謨乃登庸相家。愛其才。請釋之。故此  
二詩皆道欣幸贊之意。以媚嘉謨。士風至此亦可嘆也。

簡同年



潦草城南屋數椽，眷留喜復娶前緣。官閑抄辦終身計，室白堆辭半俸錢。家有圖書常滿架，門無干謁足高眠。平生經術知何補，慚負廷吳首謁延。

武幹

唐安募澤人，瓊之子。景統壬戌科進士，以侍中北使還，遷侍謁掌翰林院。登庸立恭皇，從幸海陽，陞礼部左侍郎。祿庸篡，遷刑部尚書，封礼度伯。軒礼部，平意成蜀。

有松軒集十二卷

# 古体詩四首

旱田料

於切音居，挹也。廣韻，酌也。又水斗也。以角為之，可容四升。俗作爽誤。

歲在己酉月夏五，天道恒暘嗇時雨。暑氣憑誰野馬驅，水微河處商羊舞。田家望雨惜兩乾，渴深爭携料水具。日夜從事



襜褕音鉢音釋襜褕雨衣也裳裳也以細絹為之加以油帛今雨衣也 老翁哺兒夫喚婦

挹彼注茲冀消滴音 拮音 穉音 寧辭伸而俯 溫公盡用旋乾力付

岩大展為霖年有水決東又決西 其耕澤口田千畝三農就緒

穀用成有秋可望盈倉庾 信知天下無難事當然理勝適然

數多少這手這食人誰知粒音皆辛苦

餞青沔張公字說北使

清朝遴選使名寔素孚方得預 有美吾洪張使君  
孤矢四方名鳳著士成我亦登甲科 乙丑公入中乙舉我從翰  
苑登還閣公自花城趨密署往年我自北京回今年公又北



京去前路我曾知到來今日為公先畧叙憑祥起閣到會  
頭驛一百一十里呂梁洪兼自步決危如巫峽石叢踞烏濱  
洲及十八灘險過瞿唐并灩澦剗楊徐充及雍梁淮河汶  
渚兼洙泗沿流三度邇流三官船四漾私船四明月清風  
伴我行奇山秀水都如此只今周原初起程臨餞慇懃重寄語  
惟公方可服人心惟忍乃能濟國事提身慎是誨身符接物  
利為祿物肆勉將忠孝一生心管得平安兩字使軺今日送  
君行

端直述詩中史



惠安邦承宣使張公孚說

古稱朋友人大倫相應相求同聲氣况是斯文骨肉情四海  
之人皆兄弟我貫上洪公下洪洪州本是同鄉里景統我登壬戌  
科端慶公擢乙丑第公第於我輸一等我年於公長一歲我亦翰  
苑玉堂位公亦玉堂香案吏洪順庚子癸酉年皇華接武燕京使四  
方專對君命全萬里生還同朝喜統元東幸海陽時間聞香  
度又洪市辛苦備嘗日非一患難相從人有幾客程伴宿夜聯  
床戎幕贊籌秋共被送曹左右並升階銓衡人物兩無愧聖人有  
作廣蒐才惟我與公蒙器使秋卿分職我平屬亞卿共事公左侍



新獄得情師孔訓明刑弼教期虞治官途踐歷卅餘年行合志  
同情夙契東野望我金石交叔雲同我青雲器求之古人相友中  
管鮑陳雷真若是清華昨日預從戎桑蓬共展男兒志余  
山時命喜公升金江載酒餞公未暮雲春樹大多情宿夜思公  
耿不寐西處相望月一輪清光長照余樽裏長安今日更相逢  
海物必佳先我遺商緘如見使君面多謝使公相厚意年少  
但願長相見始終勿負交朋義

按武幹送張子說古風二首從此推之則是子說與幹先  
後奉使嘗昭宗西幸時並從登庸立奉皇於海陽及登庸塞



陞幹為刑部尚書而迂字說刑部左侍郎登瀛李黎意於馬  
江令二人從行尋又迂字說為安邦承宣使顛末歷又可考今國史  
僅載不肯草禪位詔一節其他迂軼沒而不錄遂使字說以助逆  
奸臣而溫得本朝忠臣義士之名殊為踈謬幸有此詩可証謹表  
而出之竊嘗以為昭宗幸外文臣皆應從駕其從登庸立統元者  
皆叛臣也既居逆臣門下復能不草詔禪乎國史所錄想亦非實也

### 感興

皇天生蒸民有物必有則仁義禮智信人又之所得不以賢而豐  
不以愚而嗇惟習與性成可趨逐異域物我立町畦驕吝生之蟲



賊或流為伏老或逃在楊墨刑名與術數權謀並詐力異途遂  
蜂起聖道異煙塞猗哉吾皇王懋建中和盍欲使天下人皆  
有矜式我今繹聖言傳道并解惑所望諸士子日夜勤學殖  
天理所當服已私所當克見善脣黽勉見惡脣戒飭平稽我  
恒性進修我明德願為君子儒共守弟子職誦之多賢才  
無負我鄉國

近体詩四十四首

禁中除夕

步古詩韻

俯仰乾坤康健身  
洋洋已鑒縱脩鱗  
同參祀樂永冠會



本是東西南北人。火樹光中天不夜。紅椒花下物皆春。祢孟更  
讓屠蘇飲。笑岸風前彭澤巾。

新年戲笔

圖書左右作良朋。懶散閒情淡似僧。逸興未尋三徑竹。清  
銜猶作一條冰。自知道合為時用。却喜家貧免盜憎。頂  
踵君恩山岳重。區區報答愧無能。

春首葆神

聖代緣情酌會通。新春醴設穆清宮。喧闐銅鼓歡聲  
應。錯落金爐瑞氣濃。仙杖千官陪暖日。公庭百戲醉和風。



113  
化覃普平民歸厚盛治權輿孝念中

迎萬歲樹

春滿瓊雲珥水清邊  
十官翕集艷陽天  
光回壽域浮佳氣  
暖入香條裊瑞煙  
舜殿九重舒舜日  
堯封三祝慶堯年  
微臣何幸叨清宴  
敬捧霞杯進御筵

柑子

57  
覓得龍陽異種分  
金盞玉指破甘辛  
清泉漱又能留客香  
霧露夕歆噴人品味  
增高坡老傳風流  
故作洞庭春上元  
佳節陪花宴  
記得年夕賜近臣



東

堆盤女贊謾稱奇。珍菓風流最得宜。安邑煙和珠顆顆。  
信都露結玉累累。價高老子西筵日。名重曾參孝感時。木  
品笑他徒戰栗。赤心幸有聖賢知。

五廉果

萬物流形天地間。楊桃爭似五廉難。端臣梗縣元非偶。君  
子風流喜太酸。玉指纔全辨部。冰心細嚼水晶寒。調羹  
只有為時用。勿作尋常眾果看。

菱



兩角嶄然一梳成，鷄頭誰弟藕誰兄。  
 根從渤海湖邊種，花向秦宮鏡裡生。  
 逐浪隨波多變態，依珠韜玉好留情。  
 公孫最是知風味，永把流黃作美名。

芋

岷嶺鴻陂出芋魁，也知天意厚栽培。  
 雨餘葉蘖青雲色，霜裡根盤白玉堆。  
 聲價曾經坡老詠，風流青落懶殘煨。  
 故園亂後喜猶在，特地清香對酒盃。

新荷

中通外直異凡吳，太液西湖取次生。  
 疊疊青錢波暗動，低低



綠蓋雨初擎。水宮繆霧仙人面。澤國先傳君子名。濯出清漣泥。  
不染。漁翁應為汝留情。

天留殘

賓初礼物恰相歡。頰上紅潮醉未闌。世味淡濃嘗慣見。人情  
冷暖總閑看。莫嫌陋質拋塵表。急得芳名滿世間。用舍行藏安  
所遇。始終不改寸心丹。

縫草

經綸手段敢論功。底事臨行密又縫。岸草斜穿霜殼細。度頭  
亂著雨重尋芳。送子塞裳早。拾翠平佳。人捲袖慵。却笑一生無補。



59

貢鄉吳其楚見幻方翹又者我得養何著又駒方皎又辟場  
霍鹿已幻又食野羊奉水三千揚巨鬣得風九萬奮修翎  
壬戌重開進士榜又中龍虎並題名希奇盛會真千載  
稠疊醴恩備五榮宝笥並祀宮樣裂瓊林葆宴御厨烹  
余爲應制才無愧翰苑除書喜有零廿地深嚴趨粉署王  
堂高還俯雕甍燕間侍從承處問鴻碩追陪預使令宗  
廟祀容語贊相侍書拾級聲碌碌東宮同謁時僚屬說  
書疊組珮玕玲瑤臺縹緲身騎鶴碧海聯翩手掣鯨欣  
奉鸞章登漢殿祇將龍節上燕京胸吞雲夢者八九泛又



湖湘揚我舠。懸河辨水翻。騰寫倒峽詞。原食汙澎。過魯  
 欣覩盧樂盛。適者快著赤裘狂。竒逢司馬遙千里。豪氣  
 元龍溢八溟。四牡勞還應懋賞。兩銓課最奏朝廷。儒林兼  
 綰戶師職。陞榮戟將登近砌。侍謁院參時。望矣煌々敕賜  
 此軺。作朝詞頭預典青雲重。文焰炯々貫元精。紅葉當階  
 春入案。黃麻奉詔夜付鈴。周旋筆橐陪天杖。焜耀牙排  
 照日晶。承眷方紆新綰。寔憶岵已動故鄉情。殿陛拜辭  
 香惹袖。軺門飲餞酒盈甌。漢橋槐陌玉人送。維廣蘭橈舟  
 子橫。停輪三馬風偏穩。過舍掀簾日正精。平樂當封包苜醬。



安仁茗碗浮曾抗東山意逐遼川水北向心留丹舍亭易  
使奚奴囊有錦中立仙妹隔重屏舞伎青衫遙笑問  
歌兒金縷恰歡迎喚郎細語華堂老呼火低斟玉弓甥  
杏塢逢人情滾又楊階系馬步盈又梅開富裕南枝綻  
竹根平安冬筍萌葦揭又邊鯁潑又木丁又裏鳥嚶又  
時物珍奇堆陸海土蠟鮮美出江汀一年好景好鄉味青  
角紫羊羹黃橙三寸金柑珠錯落千行綠橘玉琮琤香梗  
香似曾芽裏紅柿紅於杜蜀櫻笠澤魚梭銀尺大蓮塘  
藕辨碧絲紫嫩糯香米堪為饌紫蔗甘醬可解斟醉醉鄉



中嘉釀熟敗鮮市上晚風腥。擘鵝炙鴨麻姑瓜。蒸豕羔羊  
 力士鎗。紫蟹兩螯宜點酒。黃鷄一肋自沾罌。香炙馬鞍  
 透黃甲。剥開龜脚濕紅腥。猩散帛分金均厚貺。焚黃  
 酌白祭先靈。栢障為芳羔作俎。萱堂稱壽兒為觥。莊  
 山喬梓生春色。謝砌芝蘭播香馨。優老肆筵兼授几。  
 樂賓鼓瑟又吹笙。共鄰連諸女。四美又具二。誰并揮塵  
 特言燕異俗。高談雄辯四筵焉。月滿庭前歌窈窕。春回  
 萬里舞娉婷。赤脚蒼頭鋪越席。明將皓齒按秦箏。晚宴  
 盃盤猶枕藉。夜筵燈火已晶熒。昼靜拂<sub>拭</sub>庭障。興來<sub>扶</sub>冠袍。



響棋枰無敵詩壇李太白有神酒德頌劉伶醅顏盎又凭  
 雕檻喜色融夕照曲榭顧我與君為益友四同道義有誰  
 爭科名甲乙曾同榜年紀甲乙又同庚同是鄉閭為里閭同  
 登館閣仰皇局高坡十載聯床話驛路三千並行日  
 揮毫廣御製年年連袂拜新正宮尉並賜金鱗贈天廐均  
 頒玉鼻騂幾度客房秋共被三遭將幕月連營斷金易利  
 同心契伐木詩因肥壯廣西了麒麟這苑囿一雙鸛鶚奮南  
 溟同車更外襟依合結綬彈冠義槩形相勸相思相勉勵  
 愈文愈久愈叮嚀珍諸景仁與君實異姓真為我弟兄我



今亦有榮鄉樂。高蓋前村指日傾。鷄豚黍稷張堂圓。宿約衣冠洛  
 社締前盟。太平盛事饒吾樂。雅曲停雲為尔聆。乘興載遠休  
 反棹。路逢伍序為班荆。昇仙橋認首題在。駟馬高車新制宏。  
 昼錦軒堂連錦昼。鳴珂張里佩珂鳴。牛橋莊上生和氣。百  
 里江東聚德星。我喜双親俱鶴髮。公欣慈侍亦龜齡。我兄為  
 我回驄馬。公族多公詠鵲鵲。尊主力能安九鼎。養親日可用三  
 牲。相知意味適好伯仲墳。篋倡和咱官廷。具慶風雲會。鄉  
 增光月旦評。高卷絃歌閑取次。寺樓鐘鼓忽鏗鏘。優游未足  
 家山興。愛繞釣詔夜五更。舞罷親庭懸戲彩。月澄魏闕



動心旌命仆促裝金闕曉孰々仙客上蓬瀛同僚握手多相  
 賀候吏臨門草又呈。麗景明霜排鉄甲青陽曉日掛銅鉤  
 午門清々垂紳立寅陛蹌々佩玉鏗明月夜陪鸛鵲殿和風  
 春煖鳳凰城高登霽閣重霄迤々平步雲衢萬里亨腰下  
 朱簾來宿燕谷迂喬小喜迂鶯光回東極三台耀位列南  
 天八柱擎華國文章拔大手清辰事業有前程經綸妙用  
 拓奇策致澤初心展寸誠魏子諫章藥陳石陸公奏議  
 炳丹青胸襟軼軻范蟠兵甲心腹良平次建旣政婉蕭曹  
 兼丙魏文高軻柳倒孫丁發揮聖學恢賢業參贊王猷



聞帝統青綾見賜唐皇被商斯時調傳說美桃李公門培善  
 類梧桐家世衰休複畢陶劇佩聲相應堯舜君民志竟成他  
 日錦回榮更耀此時盃酒飲重轟功成名遂身應退德邵年尊  
 道自棄七十餘齡俱致事者英會上總康寧勉企前脩為準則  
 孝忠不負我平生

近体詩一首

答同年武幹

與公同甲慶生辰萬物從來備我身會盡人情頭只點哉  
 窮天理禮當循聯床頓覺襟依契看鏡相期事業新記取



庭前松竹友青又留得四時春

阮簡清

字巨源号朴軒東岸翁墨人進士簡廉之子端慶戊辰科狀元仕歷翰林侍讀掌院事從莫奉使官至礼部尚書封忠輔伯

嘗撰錄古今詠史詩名

滄崑珠玉集行于世

# 近体詩一首

述怀

天賦生民若有恒疎狂於我独加增仕途落魄長為客生計羊條  
半已僧腹餓誰言鱗不噬技窮自笑鼠無能一毫苦寐無遺棄  
全賴洪鈞播物弘

許三省

字豐人望月人端慶戊辰科榜眼仕歷國子監司業從莫奉使仕至兵部尚書兼教伯



近体詩一首

贈同志武幹

用藥名

迹甘草野敢言雄，偶得通官桂籍中。  
紫苑從容曾視草，赤車躑躅又免風。  
忍冬衣褐無憂患，半夏談經益智聰。  
義理密蒙常見示，雖無名異悅心同。

阮專美

安老梅溪人進士阮舍之子與弟篤信並登洪順甲戌科進士仕莫官至尚書文斗候篤信亦至尚書最方候

近体詩一首

自述呈同差師友

父而子又弟而兄，泥古徒勞守一經。  
幸際風雲鴻奮翼，敢言詩



禮鯉庭密依天日心常赤近对家山眼謾青勿論蒙恩難進教  
餘光深望提文星

裴伯戰 溫溪人仕歷長慶府知府充膠水縣營贊理授司訓仕真

近体詩五首

新年戲筆

甲申年

冷官門戶少賓朋却喜詩壇自有僧弄煖鴛鴦催午枕尋芳  
馬足響春冰繩留白日知無計鏡奪朱顏不復憎妻語机心何  
太苦孝忠於我是良能

元旦



清曉膏吁祝紫宸。朝回光賞帝城春。金花貼勝應為貴。紅綬盤堆未是貧。世道已同天運泰。詩村好逐物華新。盃前賓主都康健。誰是屠蘇後飲人。

遇君果

金盞華屋夢頻圓。為與君王有夙緣。禁苑低承新雨露。空山遙謝昔雲天。香生牙齒先容日。紅著衣裳大用年。軟美只應沽眷愛。何如苦口効陳前。

題所居

只緣恋主未心灰。可是門臨好处開。天近拳頭頻見日。



牕前陰對月便吟梅朝回香袖誇官貶客到茶甌當酒盃欲  
 禱詩神了詩債春風又向筆床催

### 答武幹

地並儲胥寄數椽這紛然裡自羊然功名肯為貪心使  
 忠義深期節晚望髮有二毛侵老境筆無五色起詩權  
 古來造命多君相肯把窮通問老天

陳棐

号雲岩彰方芝泥人寺卿致仕陳榮之子端慶乙丑科探花仕  
 真正礼部尚書兼都御史以傳棐郡公年七十三致仕加少師封功臣

### 近体詩一首

致仕簡同朝



世科早擢預魁三四十餘官味諳懃拙自慚樗櫟久迂疎敢  
謂棟樑堪中天日月功何補千載風雲爵誤儋魏闕江湖原  
槩知心好與德公談

阮拔萃

良才破浪人二十四歲登端慶戊辰科進士辟乞四學洪順三年辛未科應試再登第從莫仕至同德功臣吏部尚書太保郡公致仕

近休詩一首

賀少師陳雲岩致仕

先生行庚七十二德業文章時有幾天下咸稱參預公朝中其仰  
儲良士師模望重冠三台致澤功弘餘四紀父子明農世罕聞  
蹊踪我亦尋高志



阮仲效

超類大同人洪順甲戌科進士仕真正禮部尚書掌翰林院  
兼國子監祭酒文彬侯年七十四致仕

近休詩一首

次韻饒少師陳雲岩

先生兼有達尊三知古知今事又諧  
喬岳泰山時景仰榮根錯節力能堪  
功成重播恢英杖祿養休論文正儼  
若問世科俱得謝且將積善對人談

阮有猷

以進內南人光紹五年庚辰科進士仕偽真官至尚書

近休詩一首

賀禮部尚書阮仲效致仕



早擢危科結主知。郡朝出入用咸宜。高文大冊詞臣帥。碩德耆年  
國子師。家有貯儲書是寶。道隨仕止易之時。分明會得先生  
意。忠愛拳拳老不衰。

阮瑩

近体詩一首

次韻餞少師陳雲老致仕

引年章上殆餘三。得謝歸休馬路諳。芝紫滿山風味好。松蒼  
猶徑歲寒堪。無權宰相閑中隱。有祿神仙分內儋。父子兩

朝榮。杖盛名留些士林談。



陳嶠

仕偽莫景歷同官西軍都統掌府事潮局公

近体詩一首

次韻陳賀雲岩先生

斗南名傑歸如山，叶力匡扶國步艰。  
日月重光功有補，風塵四表策  
攸閑。敬手天偉烈，洪碑勒行甬。  
靈雲碧岫還，會得玉時吾亦讓。  
瓊盃聊勸祖庭間。

陶儼

仙侶善片人，入內大行謹。公侯之曾孫，登統元二年癸未科。會元同進士，仕莫北使正。陞兵部左侍郎，兼東閣大學士。達美侯有美川。

莫光集子範，登偽莫淳。福戊辰科進士，正禮部侍郎。歸順本朝，授文安參政。

古体詩二首



江村早行次委官姚經歷詩韻

星泛太平津。微從潮半落。月渚碧煙籠。霜汀紅葉薄。江山  
 笔有神。聖賢酒非惡。怪又遡漢槎。矯又乘風鶴。一路坦然行。平  
 安日還昨。

秋懷次委官姚經歷詩韻

人間一葉飄。天際孤霞落。吹外水光濃。望中煙障薄。清風約  
 不孤。明月鄰非惡。書憑度塞鴻。興寓隨村鶴。霜改鬢華  
 新。壯志渾如昨。

近体詩二十五首



鳳城早發

天衢如水曙光濃，使節初辭鳳閣東。  
花浦衝寒裘帶月，柳橋趨曉馬嘶風。  
賓朋繾綣三盃酒，身世平安一路通。  
手轡徐夕回首望，長安咫尺五雲紅。

諒山道中

蒼又樹色詭深山，一路迢迢瀟灑間。  
寶馬易衝霜氣肅，錦裘輕帶月光寒。  
平生自許功名易，此去寧辭道路難。  
堪笑數條溪畔竹，爲余先已報平安。

宿破墨驛



重九碧水更青山。千里曾為想馬鞍。泉引琤箏歸枕簟。月將  
玉鏡住欄杆。匠心自覺惟天沁。白客舍寧知有歲寒。一陣西  
風何處起。好吹清夢到長安。

思明江行

偶因公事到思明。泛月聊憑桂棹輕。一水白拖冰練洗。群山翠結  
玉簪橫。雲隨孤雁當空影。風送寒猿振晚聲。孤矢四方男  
子事。壯懷應不負平生。

登太平城

形勝初來祇兩廬。太平一境流居上。湯池自酌秋水干。尋金碧



137  
69  
岸巖山萬丈，叢桂樓題進士名。植松而壘，宣尼像，北南無限。  
望中寬，綢綢乾坤，歸指掌。

太平江津夜宿

水路迢迢，顧外羨仙舟。曾此住蒼茫，漁汀焰冷，侵沙渚。樵舟  
聲低度粉墻，明月滿船和酒興。清風半枕，起詩腸。客中自  
有平安夢，已逐秋鴻到故鄉。

江州

灝氣浮空景物殊，掉夫狼道是江州。迎風亭有依崖路，得月  
軒多枕水流。紅蓼汀收漁子網，綠楊津系買人舟。無端



行色相招引。聊為停橈作勝筵。

響湖

江之右岸有一水從上下注江流如瀑布狀俗云響湖

竟天銀漢水過又一派誰將下九霄。遙望恍如冰練洗。近聞  
僅是玉梁調。細流越自群岫壑。大海終歸作巨潮。這有清  
珍堪把處。注茲應可滌煩囂。

秋江

用藥名

寒水長空一色看。隨風何處唱金鷄。從容孤雁汀前宿。斷  
續哀猿岸上啼。青黛影涵山遠近。丹砂點綴樹高低。秋  
來我快當歸路。遙指天津日未西。



永淳津晚望

廿纈江風葉半冠。滿空

暮煙微。鷺霞魚又隨波躍。衝雪

禽多隔岸歸。笔下山川。酹勝景。酒中賢聖。對斜暉。清風莫  
透相知意。拂。又西來。裏客衣。

三十里灘

江流曲。又逐回灘。水勢奔騰激石湍。洶。又風隨斑虎嘯。驟。又雪噴  
玉龍寒。浮槎快我。搖蘭漿。倚岸何人把釣竿。自有滿腔忠義  
在這般。道路。覽。此。灘。

伏波廟



才大初非一藝拘，筆乘欵段老萊蕪。  
 遨遊來為尋真玉，矍鑠能教壯夫自信男兒。  
 尚裹革，豈期薏苡作明珠。烏壘  
 萬古崇祠在，高屋雲臺幾畝圖。

烏壘灘

嵯峨老石坪江干，水逐棠迴五浙灘。  
 殷々雷滿從地響，孰々雪浪滿空寒。  
 槎快得乘風便，灘急何憂水路難。  
 知是往還消息好，試從今日驗安瀾。

潯江舟行

萬里遙馳北臺星，嵯風吹自南來。  
 雲連巖樹重天抱，水



逐江流曲又回。猿穴

城前猿穴所居前穴

骨寒溪草合。戍城迹古野花開。

顧予壯志降誰得。仗劍時常對酒盃。

### 經柳村

崎嶇嶺外嘆投荒。萬里無聊思渺茫。浙溼兼含秋雨岸。玲瓏  
橘透夕陽牆。河東路遠頻蒿目。江山樓高幾斷腸。累又天涯人  
去後。孤城依舊水雲鄉。

### 桂江月

城下長江碧水溶。媒來丹桂影重又。一壺夜靜玉蕤兜。萬頃  
秋澄珠抱鼉。五嶺寒籠山色淡。三湘晴帶水光濃。清輝邀



得仙槎客。浩月詩脾酒滿鍾。

次韻答姚繼歷送行

風來桂渚桂花香。客裡招邀共異鄉。底事紅裙娛酒興。直須白  
雪和歌章。一時傾蓋天猶雨。萬里書懷鴈已霜。送遠不忘南  
撫使。秋來月色好相望。

鷄菴山

浩月長江四淼漫。孤洲幻出小重巒。密陰有樹藏烏窰。圓頂  
無煙露絳冠。羽客遠來風跨鶴。仙娥媒得日騎鸞。少以一  
段真奇絕。總教飄入筆端。



和尚山

秋深屏嶂淨無煙。七寶牀高頂露圓。老石數拳擎手色。  
相江流一帶洗塵緣。四時猿鶴殊知己。萬古乾坤不  
記年。見說三十六。宛然覺是一禪天。

邕州晚行次姚經歷韻

邕州移桂棹。帆柁晚風西。霞遠世崖媚。煙毫碧樹低。壯  
懷攻漢遠。勁節傲霜凄。理察荆魚躍。聲聞山鵲啼。秋  
光供勝覽。笔下快留題。

簡委官姚良知



中天日月普光明，小國期伸就望情。  
迢迢關山十萬里，客程何日到神京。

三公廟

廟在南寧城北

鬼門一里，宋皇祐中，樞密使狄青直

學士孫沔，廣西經畧使余靖，帥師討儂智高，有功，民

為立祠，号三公廟。

今有石碑在。

邕江一派餘波在，宣廟千年止氣存。  
仰窅碑長討此乾坤，滅賊功高當代

黃范驛



水綿影裏任徘徊，四顧雲煙眼界開。  
笑向江岐何處去，舟人道自永安來。



火煙驛

瘦了三寸十二砵錦袍紅襯半山禪  
白雲談得中心事出  
岫油然向我冠

海棠球

姓祝家東小洞春海棠零落夕陽秋  
板橋長對石碑  
在撫景能無憶少游

阮瑤

近休詩三首

北使市橋早起  
箇正使陶懽



鷄鳴咀嚙報來朝。早起那堪逸興饒。南望桑榆鄉思近。  
北牕嶺曉使程遙。綢繆勝席頻留客。蹊蹠怪輶促駕。  
輶不盡長亭人送遠。寄言來日好相邀。

經三十里灘

迤邐江心起浪灘。鼉吟虎嘯響奔湍。層層雪出花冠  
白。疊疊雲牙玉漱寒。遡岸任他搖月槳。沿流快我相  
風竿。清舟自有傳名楫。到處何憂水路難。

次桂江中秋月夜作

客夜欣逢三五天。清光融起興悠然。索吟對酌難成



寐畲得仙娥在枕邊

七

147

全盛年錄

三







全越詩錄卷第十七

翰林院承旨顏城伯臣黎貴奉

旨編定

真



A132

阮秉謙

字亨甫永賴中庵人大正乙未科狀元五場並第一八年中  
超迂吏部左侍郎程泉候辭官乞休復起為工部尚書累

遷少保國公致仕年九十餘好為詩多至千  
首有白雲庵集傳于世

古詩體十首

麥門冬

在昔神農嘗百草溫涼寒熱差以別子諒君子稱和平



快駿將軍剛決藥，又中見說麥門冬。解渴益心開鬱結，調和只要與參苓。攻存不要如蝮蝎，五音福爲參爲苓。冠而鄧爲蝮，爲蝎信與越。天下彫瘵久未蘇，試收一匕洗勞熱。

松

長松十丈昂且聳，礪砢不與百植共。明堂削度方一新，左撐右柱稱梁棟。若言匡國與匡民，神斧琥珀備藥匱。上声董切老萊却伴双鶴樓，少時曾記三公夢。自娛泉石風獨高，長傲雪霜色不動。用之則行舍則藏，誰云才

大雅爲用。



富興

人村館西南江水館東北。中有半畝園。又在雲庵側。輪鞅  
塵不到。花竹手自植。杖屨裏花香。錢竿侵花色。遣興  
任詩狂。扶衰多酒力。人巧我獨拙。誰知拙者德。我拙人皆  
巧。誰知巧者賊。乾坤靜裏雅。今古困中得。險莫險世途。  
不剪便荆棘。危莫危人心。一放便鬼蜮。嗟哉斗筭流情  
田。自茅塞君子求所正。至善斯為極。

感時

世一治一亂。道有伸有屈。倚伏無終窮。滿項見虛實。吾家



全唐詩集

東隣見。蚤歲事強嶮。捕魚供饔餐。編蒲作宮室。自許

健武材。未脫拘率質。風雲一感會。音僖音主。庶祿秩天

香。動紫袍。朝露爛朱紱。前呼兵千夫。後擁馬百匹。印第

环方石。池臺列甲乙。嬖倖閹綺紈。陸士衡粵敷訝寃密多客侵

紈綺器。四施鉛漆房。掩音音音房室之疏。牕也。小曰牕。濁曰掩。班烟連

星。廩庾燦比櫛。夕時接朱日。鷄鳴清池。鼃鵲聲。奴婢棄

張鎧。音童稚厭森栗。肉食怪蒸藿。永四安無貌侯。門小蓬華富家

勤有等。經國笑無術。歛勝理自消。氣驕志隨逸。一旬大敵

來。懦焉服先采。迺適委草萊。蓋藏賈理掘。妻子重流離。



致人事巧乞魚鼈雖充腸鶉衣不蔽膝貧賤遭此時富貴  
 昔日富貴非足恃貧賤亦誰恤獨不見天地本無盈悖入亦  
 悖出又不見鬼神亦無盈暴得還失從頭色是空本來一  
 無物

### 感興

太極初肇分三才是欲位極清上為天重濁下為地中焉而為人  
 稟受是一氣惟聖法乎天萬世立人紀克從五典徽攸叙九疇  
 備君臣義町在父子親之至夫婦唱而隨長幼恭且悌友  
 交止於信教化斯為美帝則順不知皇極遵無陂耕作安食



息令生各自遂。俗厚屋可封。政脩邦作乂。真元慶會合。小  
 民蒙至治。世道一以降。人心自產異。風雨特悔冥。綱常日彫  
 弛。礼分嘆弛張。冠履隨倒置。事君臣不臣。事父子不子。  
 射者<sup>為</sup>是思分。美亦周愧。楚帝外陽尊。隋宮內私侍。欺禪  
 崇元治。逼受靈武至。長髮流淫毒。更衣事箠弑。費等  
 思子宮。悔向見母隨。慈孝羞豺獍。君長愧蜂蟻。並石瀆  
 非倫。同席賤凌貴。失序<sup>次子</sup>辱代宗<sup>長子</sup>。過愛妾為似。教不始周  
 回。等豈辨床第。淫風狐綏。弊苟魚唯。笑諠侯城隅。奔  
 魚涉溱洧。化無復鵲巢。詩不用詩既。讓桑笑終疎。賣



新嘆見棄不友兄匪兄不弟弟匪弟堆刀慘喋血爭食傷  
殄殍斗米為興訟釜豆可流涕冰炭骨肉親瓦礫朋友義  
分珰幾駭軒同母誰郭李立敵多廉補交兵盡餘耳  
斗居不相親八朝反見忌同心非斷舍異論別三幟治日漏  
汚下人自無廉耻士志青紫得雕虫事末技農業失所本

不復諳耒耜工者尚淫巧利用非竹器盲者較銖兩貿易

無居肆四民失分守舉世趨功利汲又務營求往又事怙憤周書

怙憤日欽根也鼎反音溪  
田區畔墀

情田生町畦欲海汨涯涘自謂人不知不

畏十手指自謂人莫覩不畏十目視明也又音狂罔念滔又舉

金匱要略



皆是一康斯尤雅四知鮮克畏  
指括帛為囊堆積金成櫃銅臭

日流腥鉄壁夜假寐貪多寡  
少斷過房勞再從金麓音六障

貌非牙等役心計  
瘠跨滄海船詐屬平津被  
偃豹怒於室張音挺倭不伸音豹跳躍也

皇色於市曉夕親匪親  
悻夕嫉勝己強辨足文奸  
陰巧多舞

智梓澤汨鰕貪朱門厭鰕  
魚辰四音候海中介魚似蟹雌嘗負雄且相負風雨不解又号鰕婦媚青

黃盲双睛薰痛鰕音重鼻塞西塞並接雜  
鵠鵠同稅同稅輓輓端橫木紉軌以駕牛

混牛驢甘苦錯養音慈寒清濁混涇渭  
賣詭寧被贅倭寔甘

舐痔紙四以舌取物也網罟不知辟  
殆同踐附珉不成魚死餌矜驕自

為買恬靜世能幾叩馬之義人  
蹈海鮮高士秦罔有儀衍



商者去夏季誰掛神武冠誰序天台帳音香誰從松子造萬戶

怪弊履誰把桐江綠十百漂清謫故山得言還在唐幾李泌

急流中勇退在宋幾若水不有持名檢反相尚奢靡復閣

烟星連長廊森櫺比楸步楹相蟬連二藻稅競華詭甲乙

環清池左右列朱戟紙切堂簾日祀眩目錦被屋曳趾珠飭履

器且施貝玉簾幕絢紉綺妙弓金彈凡青驄紫耳赤紅鞍

度管絃香街拾珠翠銀紅照奩眉后服飭歌妓施日鬱金裙

重又積羽既細腰步沉核重斛倍珠琲猶犬棄銀鍠腰委於瑜珥

蔗汁魚胞羔人乳飲養豕反痛玉蟾蜍脰斫金鯽鯉玉薦黃



雀美俎登鴈鴈哉

音容切  
內日哉

萬錢去下筋八珍厭厚味竈婢羹魚

鯖

報切音燕  
而考之

庖丁爛羊胃

一又闔濃鮮厭又足飽牂愚甚將宋留愛

那恤周緇氣滿隨驕逸位極又借巧臺榭美吾玷車馬廢

封軌大纛黃龍牙嚴驛路馬柴雍撤歌三家庭偕舞李

氏怙竈二都嫌席貴五侯侈俗益趨媮薄氏尽化魑魅

上下相仇譽內外縱奸兇傷奪人牛牯誘竊人妾婢墻墉

爭踰趨廩庾更炆燬一僅有保全又能無勞費恣毒爭會飲

縱暴加鞭箠股盡民膏血痛入民骨髓長劍快一逞天下皆瘡

病

顧真卿傳  
瘡痛未平

携持抱婦子流離棄童稚癰老轉渴壑餓孱



腐閭里不啻鳥焚巢殆甚魴鱖尾此時斯為極生民甚憔悴  
 天地此常經古今此通誼不死者人心不泯者天理仁端是所推  
 至善是所止誰是最樂處為善而已矣明不非於人者不責  
 於鬼平格者必壽剛強者必死福善其禍淫何莫非天意  
 克之而四海亦舉此指彼自古成功所畢竟由禍恐易辭危使安  
 王道誰而易礼教範民心刑政奠民庶燕又日自新猶又久  
 則肆仁義効力行太平可身致顧我太踈狂老病更亂音骸  
皮上声重尋泉石娛謝却軒冕寄津館仕逍遙雲庵閑從  
居西也倚一窻明月間半枕清風裏不愛草堂迤只愛華山疾忘憂



借酒盃臨卷憑書几。潔已寧休官。候人的修。獲內得身心。  
樂外無形役。累乘閒托吟咏。一自言志。固陋寡見。相遺誚。  
笑竄吹。只為詩成癖。敢云詩即失。寄言後君子。相恕莫相鄙。

### 示網兒

禽魚雖至微。生殺机在我。從天高者高。從地下者下。或欲右者  
右。或欲左者左。此外罹吾網。惟不用命者。縱非愛物仁。此

德知者寡。飼雀得報恩。放龜能脫禍。慙慙示網兒。多

殺殊不可。飼雀

漢楊宝六歲兒。見黃雀瘡。被蜂螫。得之。宝怜之。因置

箱中。採菊花葉食之。雀瘡愈。冠去。一日化為黃衣少年。

持玉環來報宝恩。

放龜。搜神記。毛宝見人釣得白龜。贖而放之江中。宝后為將

戰敗。投江。如鰲者物。漸海至岸。宝復見之。乃昔日所放龜也。



憎鼠

惟天蒸斯民，飽煖各有歆。於皇古聖人，教以藝五穀。父母仰斯  
事，妻子俯斯育。碩鼠胡不仁，草竄恣陰毒。原野有稿苗，  
廩庾無餘粟。勞費農夫嘆，飢瘠田妇泣。寧嚙魏馬鞍，  
寧盜魯牛角。民命為至重，戕害何太酷。城社倚為奸，神  
人怨滿腹。饒失天下心，必受天下僂。市朝肆尔力，烏為磔  
尔肉。盡使凋瘵民，共享太平福。

觀魚

羣物有洪纖，莫非天生育。聖主惟所愛，各使蒙其福。魯宣釣



不網殷陽網致祝惻怛擴仁端。寇潛遂所欲云胡已口魚恃強食弱  
 肉不啻蛇吞蠃。殆同獺驅逐污池為一空。養心未厭足。只要為身肥。  
 不知還自毒。天網一羅布。無處可藏伏。鮒音同魚名魚圓長頭斑點有七作北斗之象夜則仰首向  
 拱北而餌音餽縮頭鮒鮒何貪魚似鮒而大。頸今何縮。雖云惡跋扈。亦可憐窮促。  
 聊述我狂吟。示警尔鱗族。大小宜相安。机智莫相觸。帝德本好生。  
 慎勿妄殺戮。

## 有感

上帝降厥衷。恒性民時若。平是者為善。反是者為惡。甚至鳩妓流。  
 下賤人所薄。雨雲多變態。萍蓬寄漂泊。吻喙同鳥鳶。燕奔



頰鵲鵲外飭妖脂粉內藏奸囊橐顯又誰家子日又事桃譜

羣居恣荒娛百技逞羞虐低聲唱鷓鴣顧影舞孔雀駢頭

覓鬪鷄鷄聲相腦膊音傳歐季声軒父公圖鷄聯句腦膊戰声欄手喧古詩腦又膊又鷄初鳴

爭走馬又飾相璫錯唯又魚出筍翻又燕入幕沉迷溺愛河

汨沒淪歎望千金買一笑萬錢換一醵唐切音噉歎通宵浅共飲酒

度管弦癘日爭飲博唾面人所恥耽心已自樂糟醢以為醉

不知有醴酪泉底以為暖不知有狐貉青黃味駕驥汚

索絃驚鶴音秋水鳥似鶴性貪更嗜好蛇胡以虎豹皮易此犬羊羈音羈皮去毛也

始不謹閨門終見穢帷箔既迄于迄足又不當不獲一或迫飢



寒恐將流寓。心奚顧恥廉。義豈能裁度。目怒益睚眦。音涯音恣 忤目相視貌

心放隨揮霍。豚肘大鯢貪。免啖飢鷹肘。性無異豺虎。行殆同跼

蹐。跼秦之大盜也 跼楚之大盜也罔昼夜額。又惟傲虐是作。遑知父母恩。見辱朝

廷爵。忠孝兩皆虧。俯仰寧無怍。昏又色是荒。駸又家將索。豈

不勤訓誨。但無可救藥。顧我太踈狂。於人何倚著。處士愛陶

潛。純臣慚石碣。軒見本無心。溪泉原有約。庵館任優游。胸次隨

洒落。夜月詠寒梅。春花拾芳藹。音約各四音 聲嘯又聲真樂就中尋。浮榮都

外却。天命既如此。有酒聊自酌。醉起偶成詩。抵掌笑嘯。音嘯叫聲又 教切 美同又音 學子美同

石假山



南山有奇石，可愛好重尋。來從青嶂遠，對立碧池深。痕帶綠苔潤，涼生翠竹陰。渾然中自固，確尔外難侵。至靜知真樂，無瑕見德音。美渠有坐孫，先我不動心。乘閒聊賞玩，隨意伴高吟。

近體詩

寓興

半依村市半人鄉，中有園池一畝強。庵館長閒春不老，江山八叠笔生香。清流借響琴声潤，古木留陰客夢涼。剩喜斯文天未喪，至今幸得拜秋陽。

江館登臨日向斜，乘閒把酒啖漁歌。半天涼迤清風好，兩



岸晴添綠樹多興劇野情偏愛菊醉僧老眼易生花何時  
再覩唐虞治依首乾坤一泰和

數椽茆館雪溪傍泉石清老草樹香一握老夫留戶牖十  
章古木陰池塘杯含竹色春三醉衣裛荷風九夏涼欲卧  
陰陽消長處吹流艮止設行藏

柴門半掩日遲又正是偷閑穩睡時此外勞形無案牘之中  
遺興有琴棋鶯花杜曲詩千首風月桐江釣一絲剝喜故  
園松竹在歲寒節緊老相期

覓得村溪地一廛閑居吾亦樂吾天曉來桑柘圍雲黏履夜



167  
向漁磯月滿船、動靜自知、素有等、卷舒誰為釣、無權、寄言紫  
閣紅樓客、莫把笙歌、牯醉眠、

茅齋隱約綠陰中、樓得殘霞一抹紅、宿鳥擇枝啼晚日、寒花  
倚樹笑東風、村煙溪水濃、還淡、江月山雲色是空、世事人情徒  
若此、命途休怪有窮通、

津館重臨俯碧流、閑來聊且覓閑遊、清風有約魚吞村笛、  
明月無心野渡舟、山樹高低青客眼、江湖今古白人頭、這般  
欲會吾真樂、認取忘机兩狎鷗、

道是亨衢古又今、多岐反惑却他尋、求沽人重連城璧、致



謹誰怪暮夜金。花柳無私聊寓興。江山有味足供吟。岳陽樓  
上風前笛。吹起先憂後樂心。

自述

萬里鯢溟早奮身。窮時聊且戢修鱗。音聯金馬玉堂客。今  
伴青山碧水人。醉裏梁棋長度日。困中花草足供春。斜陽獨  
立都無事。笑被東風岸葛巾。

重招物議為殊慵。歸意誰留馬首東。冷怯秋霜以鬢異。暖  
添春酒數盃同。利名自古終為累。文字從今不要工。若問  
首家何所有。白雲庵月雪江風。



感興

勾萌不折便成林。說得機微戒懼深。草過疾風知有操。  
雲歸遠岫本無心。道原中正同天地。世運興衰亙古今。  
大雅自從遺響息。高山流水幾知音。

官令人皆笑。庶文貧中試。獨取斯云。丰泓賸水流。明月  
數點殘。卷山白雲。曾把釣竿。扶九鼎。休誇筆力。掃千軍。  
占饒春意十分好。留待東風又一分。

自述

共高友人共臥。時有各妓抱琴而歌。

旅館春多對榻眠。兩忘窮達思悠然。休論得喪眼前事。



且作安閑世上仙。靜等羸輪基度日。醉地憂慮酒為  
牛。高山何遇知音客。特接瑤琴致耳邊。

偶成

祇用<sup>長</sup>閒買賦金。閑中聊且富閒吟。門前楊柳春風  
面。窗外芭蕉夜雨心。釣具茶甌新活計。山光水色舊知  
音。<sup>歲</sup>寒更約松筠友。肯受嚴霜傲雪侵。

栽竹長纔漉酒<sup>中</sup>。生涯隨足不為貧。夜深犬吠仙家  
月。風細鶯啼古木春。一代衣冠多貴客。五湖煙水絕閑  
人。從前已約魚蝦侶。豈謂窮居德有鄰。



天人相與又相符，得喪窮通是會途。莫把功名論管葛，  
休將成敗說曹劉。半輪明月孤舟客，一片閒雲萬戶侯。  
世遠宣尼無著述，百年公論是春秋。

人又其面又其心，誠得淳淳古與今。眉上眼前誰上看，道  
非身外却他尋。儒秦雄辯多完璧，誤楚竒謀重間金。誠  
偽西般真莫掩，誰知暗室有天臨。

人  
亂後憶高舍友人

36  
自笑田園老病身，魚蝦為侶鳥為隣。水邊茅屋灘聲  
近，竹外柴門月色新。暮日看來消九夏，酒斗醉把樂餘



春休論行已隨清濁道大方能混世塵

人  
老狂

古來貧賤士之常得喪休言富貴場月下覓書窓有  
影花間煮藥竈生香雕詞才子誇雄麗逞劇奇男事殺  
傷試問桃源又上客秦今晉晉幾興亡

第敬泉溪老病身窮通得喪豈由人行窩寔几堯夫樂  
陋巷單簞顏子貧流水浮雲千古事落花啼鳥幾番  
春袒袒袒非吾說欠書方能見一真

人  
感興



聖遠空嘆嗟道失真智謀相尚苦勞神先污豈料鴻羅  
網不忍誰怜獸食人仁義片言終王漢富強奇計反忘秦  
古來國以民為本得國應知在得民  
津館春深醉似泥東風吹起強扶藜教聲啼鳥寒村外  
一葉扁舟月度西濃把溪花紅雨細怪粘野水白雲低生  
涯樂事都忘了惟有詩囊手重携

中津館富興

虛室渾無半點埃柴門盡掃傍江開漁舟晚向漁溪泊  
野菽香隨野客來亂世苟全知有幸危時思渚愧非才



乘閒却借東風力。畱取春光入壽盃。

津館居常午睡近。一天正是好春時。醉中紅近千秋眼。吟  
外青分兩岫眉。野色竹光相映帶。溪煙樹影共參差。  
文章每恨文章語。惹起虛名四海知。

雨後誅茅蓋小簷。檣頭早矮不為嫌。松風瑟瑟微擎枕。  
竹日暉々半入簾。望眼遠舒塗海阔。吟肩高聳蓋山尖。  
誰知至善有真樂。天下推之達可兼。

雲庵養拙自安貧。得喪翛然分外身。老徑有香花是  
客。閑門無事草常春。武侯未死猶王漢。魯仲寧逃肯



175  
帝秦每懷古人求古道。懷時敢謂得今人。

道此時行達。變通一流適。莫使冰中。天機靜會。梧桐月。春意動。隨楊柳風。花竹有園多。疎疎水樓臺。無地美萊公。古人仕止皆希是。向上須求學問功。

38  
茫茫天地一蘊炊。笑我檣頭矮室居。溪鳥往來知早暮。江湖進退驗盈虛。簞瓢陋巷老貧而樂。煙浪扁舟興有餘。半遣胸中無奈累。老萊自笑老慵疎。

之餘地小絕纖埃。近水柴扉盡日開。明月於人隨處有。白雲與我送閒來。吟多不覺秋容瘦。醉劇那知雪鬢催。作惜。



問歲寒誰是伴。一軒修竹。一窗梅。

重憶田園。詠去歸。老來休說事多違。春光秋月空而色。世  
故人情是更非。長健老身。那有樂。自閑真性。本無機。津亭  
醉倚。高吟足。時看江禽溪鳥飛。

理從費隱。察乎天。魚躍鸞飛。契自然。春菜面肥。供野味。  
秋山雪瘦。簪吟肩。遺際久已。辭軒冕。行已期無愧。聖賢。  
流水桃花。千古事。清風依舊。武陵仙。

自笑區區。老病身。依然家。又素清貧。溪花野草。皆隨意。  
水色山光。最可人。莫向桑榆。嗟晚景。好將松菊。醉餘春。



177  
上經火後多師說，統一誰能會聖真。

聖學秦蕪久失真，誰知利刃與塵刃。是非休說眼前事，  
得喪何憂分外身。水竹肯居聊自樂，詩書遺澤不為貧。  
逢人只道休官去，畢竟休官有幾人。

曾覓江溪得要津，歸來結屋樂吾貧。功名歛就多隨世，  
山水能閑有幾人。自在一身無繫累，不勞四体任舒伸。夕陽  
樓上高吟罷，冷怯秋風白髮新。

39  
覓得江津小洞仙，歸來結屋樂殘年。園花春晚鶯聲老，庭  
院秋深兔影圓。天地有形四醉裡，雲烟变态逐吟邊。這般



誰伴詞中樂。雲渚漁翁野寺禪。

一頃寒江是雪餘。江邊結屋伴行吟。汲泉煮藥僧厨靜。  
掃篆焚香道院深。松下風聞知有徑。竹邊月照却無心。  
漁翁不遇桃源客。豈識興亡幾古今。

崎嶇世事苦躋攀。重覓老居借得閑。門枕寒潮魚漲退。  
庭留修竹看凋班。到秋天已來新月。成雨雲隨返故山。却洗  
塵囂無外想。春風盡在笑談間。

春晚鶯花已漸希。醉吟聊且借餘暉。遠山日看孤雲住。春徑  
夜携明月歸。未伏那知無有到。禪得悟本來机。世間萬事空



而色。恬。又。空。勞。說。是。非。

雲庵養拙老區又半掩柴門一事無未試先知安得智退思  
終日不如愚清風明月為吾友碧水青山獨自娛每懷古人  
求古道希之則是與之俱

小亭以櫺倚卷齋面又門隨水次開吟外詩成囊有錦  
閑中已定鏡無臺迴还北拱千峯在演迤東流萬水來  
致澤未酬吾夙志區又深愧老非才

最愛金江景致出重臨首處且歸休天寒風急雲長在  
山好花開客自留半枕松風涼正夏數杯菊月晚宜秋



蕭然做得貧中樂何必勞神役所求

浮萍幾度寄閑河只指寒江是故家  
曾把孤舟懸景日休將一艇釣頽波  
僧厨慣煮鷓鴣頭芽雪水新烹雀舌茶  
借問雲庵何所在滿園松菊是生涯

仕途誰謂坦然登幾度崎嶇嘆昔曾  
四世空孤元老望一鄉無愧善人稱  
林梢自笑鷓鴣寄澤下空勞欵欵版乘  
涼入東牕眠正穩不知紅日已初升

暮山香靄紫煙深猶倚江樓伴醉吟  
野老村童皆識面春陽雪白恍知音  
寒潭靜處無非性明月圓時只箇心  
於善



187  
無机聊警悟。道非身外莫他尋。

半庵別占小乾坤。此外無車馬喧。行客向津知野渡。斜陽  
間笛覺漁村。春江隨曲波千頃。秋夜窺簾月一痕。石老岩  
峯人復靜。這般與誰好景言。

不要人知處泰然。窮通得喪莫悲天。亭輪過眼消棋日。霞樂  
無心度酒年。綠樹煙深老宿鳥。碧潭夜靜老龍眠。欲知  
道体無窮處。坐有清風井有泉。

51  
心無戚又自休。聊向溪邊覓勝遊。夜月松陰涼更好。曉煙  
山色淡何求。文章與世相高下。義便於人有比周。實踐工



182  
夫由學古。做來弄得幾清修。

別占田園一畝餘。閑居吾亦愛吾廬。香風不斷松花老。  
明月長留竹影疎。客到携壺時向酒。窗虛隱几日觀  
書。欲知生意無窮處。認取庭前草不除。

餽粥曾供有薄田。困來更飽肯溪泉。千花爭媚長春在。  
兩耀交輝不夜天。樂共心融塵外景。興隨意足醉中仙。  
生涯消却降終而始。甲子那知斗又年。

50  
貧賤重逢此亂離。區區憂國髮成絲。彭顏壽夭樽前酒。

劉項贏輸局面棋。八卦兔推天柱復。數声鶯別世興衰。



183  
傍人莫笑癯狂客。只要吟多老更癯。

宜覺田園有首踪。閑來無事不從容。雪余江靜吟依澗。  
安子山高望眼濃。野草閑花春意軒。車駟馬官情悞。  
留侯若匪人中傑。豈識先知訪赤松。

庵館雖非綠野岡。宛然別有小村庄。龍眠石洞雲無跡。  
魚躍桃源水自香。酒俠詩狂隨逸致。吹流艮止見行藏。  
生又欲談天機妙。認取寒梅卧一陽。

42  
曾記休官載道東。溪邊小築伴溪翁。盃浮桂影三秋月。  
衣惹荷香九夏風。野度孤舟茅草外。漁村短笛夕陽中。



184  
人  
世間誰謂無公道，到老方知白髮公。

擺却簷頭名利网，溪泉重憶舊言還。  
門前觀海誰為水，樓上看雲易見山。  
富貴何求三樂足，王侯不事一身闲。  
古來平格知天壽，誰謂甘砂可駐顏。

弱水天台豈易尋，偶於澤畔寓行吟。  
臨風溪唱漁歌晚，避暑庭留古樹陰。  
山色上樓青更遠，江流入井碧還深。  
聖賢仕止終為準，畢竟初無適莫心。

數間江館俯江津，知水微茫兩岸分。  
凡穩帆歸寒浦月，天晴龍見遠山雲。  
漁村樹影斜陽掛，野寺鐘聲半夜聞。



檢點行年踰七十。只緣衰老意君忘。

心無物我了机開。月館雲庵相對閑。路蔭賜人多綠樹。門分曙色有青山。飄蕭秋月功名外。洒落春風門戶間。剩喜故園松菊在。年年好借駐衰顏。

新涼初入氣為秋。夜向津亭覓勝遊。枕落春風花不扫。盃浮桂影月長留。一天清興袁宏渚。萬里寬閑庾亮樓。醉劇那知身外事。死生窮達又何憂。

重逢亂世幸全安。庵館偷閑強自寬。潦盡盡寒潭雲彩瘦。秋深黃葉雨聲乾。有親誰謂多顏閱。處有人將幾冠。



翰有子休言萬事足吾知教子亦為非

陽和萬物館生輝佳興非吾所独私  
乍雨園林花作態半晴堤岸柳舒眉  
東風易醉重携酒春色誰徕却借詩  
誰哉雨中真樂處一窻啼鳥午眠時

一年留得幾光陰肯隱携書好重尋  
津館春風花有態寒江秋水月無心  
數莖白髮惟人老半點青灯伴客吟  
世事到頭休說著剝終而復復而臨

誰家弦管醉風流爭似偷閒覓勝逕  
頭白未能圖報國腰余真是愛封侯  
供吟剡喜梅猶雪得醉重逢菊正秋



187  
照破無窮今古事，年又新月滿書樓。  
剛柔吐納兩皆偏，誰足無心處泰然。  
笑庭樓千樹雪，醉攀溪柳萬條煙。  
名為公器尤難取，道不虛生豈易傳。  
修短富貧都是命，窮通得喪莫悲天。

自嘆

也不尤人不怨天，安吾性命養吾年。  
為聲見伐多伶竹，自色而香獨愛蓮。  
座上清風千古在，樓前明月幾時圓。  
兒孫自有兒孫福，只恐孫兒未必賢。

寓意



名遂功成休笑休。乘閑世故一虛舟。風來宮館涼宜夏。  
月到書樓明正秋。紅日東升知大海。白雲西望是神州。  
溪山亦足供吾樂。忍負前盟萬里鷗。

清濁扶危愧不才。故園有物重吟來。潔身只恐聲名  
大。醉劇那知老病催。山帶秋容清射瘦。江涵月影白相  
猶。猜机閑了却都無事。津館柴門盡日開。

彭澤秋深詠去歸。年光又與老相違。曉窺淨綠觀魚戲。  
晚摘香香看馬肥。天有四時終復始。人於萬事是還非。  
窮通得喪君休說。聊看餘春醉晚暉。



田園首約好重尋此外都忘利達心酒力微月添劇醉詩懷浩又足  
高吟紫濃翠淡寒遠浪靜波平大海深風月有情看更好絕無  
冰炭到胸襟

聖賢道体富行藏俗子那容喙否臧三畧曾稱周呂尚一絲却  
愛溪簾光清風到枕松聲細明月侵窗竹色涼實踐工夫  
求在我笑他賣履與分香

小月葦池俯大灘登臨聊且強為歡紅樓古木山容瘦碧浸長  
流水色寒秋月滿樓人醉劇春風入戶客眠安欄杆偏倚吟懷潤  
天地無窮眼界寬占饒山水作心鄰寓得閑中老病身翠竹



羊疎塵外景。碧桃洞中春。几樽有酒人皆醉。阮杖無  
錢。獨負何幸。再逢堯舜治。一塵願作太平民。

言 讀伏經有感

聞說如之是釋迦。隨緣功德等河沙。無窮出沒年年  
月。幾度榮枯樹又花。天幸富嫌十里古。數逢貧恨一身多。  
心中縱有兩田地。為便剪荼蕪植覺華。

讀易經有感

奇偶從來盈更虛。陰陽消長駢乘除。始初在下防羸豕。  
剝五居中得貫魚。綜錯萬殊今古事。統宗一理聖賢書。



世無三絕帝編著，數墨尋行笑太踈。

寓意

山水重尋翠首盟，休官更覺一身榮。  
鯢魚尊菜有鄉味，林鳥溪花無世情。  
窗外寒梅真勝潔，門前修竹但夷清。  
儒冠自古多為累，莫把才疎笑賈生。

自述

乘閒散步到中津，江岸晴添綠樹春。  
今古往來行路客，晨昏聚散起墟人。  
才疎自笑時無用，身在應知家未<sub>貧</sub>。  
劉項興亡休說著，數盃聊且醉餘春。



箇中藜杖趣閑情。况又無官老更榮。醉傲乾坤忘酒債。吟多  
風月誤詩名。溪魚上釣肥應鱠。野蕨登筵美可羹。試得此  
懷無一定。翱翔道亦甚時行。

累朝久已荷榮施。更拉松筠與約期。海近水声奔瀨急。天  
高月色上楼迟。山光鳥徑雨晴後。潭影人心風定時。富貴  
不淫貧賤樂。這般意味有誰知。

葦帶編蒲作室家。青山碧水是生涯。激湍濁浪敲寒谷。  
遠樹清風送落花。煨笋研鮮留野客。斫笋煨香啖樵  
歛。疎狂到老詩成癖。吟苦秋添白髮多。



193  
寒江笑指是吾家。更卜老居近水涯。老妻曝背新晨粥。小童  
汲井日烹茶。規祠三徑栽新竹。墾破傍溪去首荷。借問園中  
無所樂。靜苟見物醉狂歌。

白雲庵寓興

雲庵之近小溪泉。買斷初無費一錢。高潔誰為天下士。安閑我  
便地行仙。晚香三徑陶彭澤。破屋數間盧玉川。別有這般真  
樂處。清風明月醉吟邊。

故園歸去路冰賒。別構新亭傍水涯。滿院杏花留宿鳥。一樓  
曙色掛晴霞。到窻紅日天邊近。排闥青山雨後多。富貴功名



都是夢。今來古往幾臧娥。

遣興

江山有約老相期。至樂非吾所得私。  
曲徑夷根岐路遠。薄田沃瘠麥辭宜。  
鷓鴣枝上尤難辨。熊黿洲中豈易知。  
憂國饒添雙髮白。流年無道恨衰遲。

茅庵隱約白雲間。門外春來海外山。  
巨飯羹藜貪自樂。繩趨尺步祇為閑。  
重携詩客供吟興。矢把春風上醉顏。  
心事机心都却了。曹刘勝負不相關。

寄友人



河汾負笈共從師，器業將相遠大期。  
 季世棄才雖暫屈，興王良佐已前知。  
 仁人望屬收竿日，元聖功高釋耒時。  
 久速看來隨所遇，晚成君莫恨衰遲。

禱雨

亢陽民憂旱魃災，愚忱叩叩帝閭闔。  
 山頭甫見雲膚合，天腹俄聞雨脚來。  
 溥海均霑新惠澤，積年尽洗舊塵埃。  
 旋乾歛戩神功大，听取一聲平地雷。

望湖樓

海天杳淼海潮生，一上高樓萬里情。  
 滂忽興雲龍氣



令飄飄風起客帆輕鳥冠煙外山無影魚躍波間水有聲  
既倒狂瀾誰障得之東會看百川平

露洗雲收大海清高樓醉倚望潮生噴山晴雪看無跡  
吹浪祥飈聽有聲進退豈由鰈出入往來長與月虧盈  
古今至信天然在翻復奔流笑世情

石假山

一堆蒼玉簇閑庭至道無形富有形草色和煙含宿潤  
苔痕帶雨助新青曾資傳相為金礪更伴章公憩水  
亭月下時時相對啣酌盡劇酒醉還醒



觀棋

偶得象戲寓長閑。仁智都從運用間。動處隨危誰措手。  
靜時得意易詞顏。英雄百戰饒成敗。日月雙輪任往還。此  
處輸休說著。好看將一局挽江山。

重修中津館

重構茅齋傍水村。竹為欄檻石為門。箇中自有田園樂。此  
外而無車馬喧。兔走烏飛閑日月。復來垢往小乾坤。天時人  
事相終始。至道料源豈易言。

秋思



昨夜金風一陣吹。閑庭兀坐動秋思。雪邊鴈過渾無叙。天上月  
明庭有期。光景逐人年似矢。危時憂國髮成絲。田園自笑以來  
晚。松菊猶存是故知。

### 秋興

一聲新鴈報秋涼。杵滿江城天正霜。淅<sub>2</sub>又余風吹髮冷。灤<sub>2</sub>王  
露<sub>2</sub>匝衣香。興饒茱菊還醒醉。節<sub>2</sub>村松筠晚更芳。最愛樓前  
<sup>明</sup>月在。捲簾夜夜看清光。

### 秋風

天外孤雲片日颺。飈飈漸瀝不禁吹。淒涼向夜砧聲遠。羊



199  
50  
飄爲寒鴈影遲。唐曲禁終庭葉墜。楚臺賦就客心悲。丈夫應爲分陰惜。努力當於少壯時。

### 賞春

春光九十恰重逢。佳興都勝賞中。翠竹橋邊邀素月。碧桃樹下弄香風。閑來買笑錢神力。醉裡忘憂酒聖功。天地無私誰會得。吾推吾樂與人同。

### 石假山

一拳老石小地東。大朴渾然寓靜中。重厚有同仁者壽。剛堅無愧直臣風。補天曾試媧皇手。作礪誰磨傅相功。翰却



輝光歸首隱。磻溪長伴釣璜翁。

春日即事

天地融怡淑氣多。靜觀萬物卧時和。兒花送酒携香  
舞。啼鳥迎人向晚歌。詩癖未醫今剩夏。年光不再髮  
生花。乘閑且勸樽前客。劇醉相將奈何老。

元旦偶成

佳節終臨萬事通。靜覓天意試時中。庭添紅紫供春色。樹匝  
鶯花弄好風。門館無私賓客共。詩書有澤子孫同。偷閒一飲  
須穰醉。聊寫書懷示小童。



才疎誠又未該通。聊且偷閑陋室中。耻役利名隨世態。好  
將清白遺家風。春深謝宅蘭茅秀。月霽霽周庭草色同。  
但願歲添吾壽祉。長成會見尔羣童。

一元嘉會際亨通。大造難窺斡運中。歌吹樓臺和援日。鞦  
韆庭院舞香風。青年不再光陰老。白髮無私貴賤同。剛笑  
區區名利者。苦勞形役似狂童。

膺門鼓瑟笑王通。仕止隨時酌此中。陋巷清貧顏子樂。高山  
仰止伯夷風。心無冰炭私邪盡。興有琴樽玩賞同。剩喜新  
春康健在。朗吟終日戲兒童。



人事天時未通。苟性全命，亂離中寒梅自信名。清操勁草，誰言偃疾風。君父綱常，千古在士農。分守四民同。今春還此，前春勝。歲又添，冷髮未童。

陽升且喜地天通。造化從頭向一中。洞物無私添好雨，辟寒有意送和風。今看花態春心少，暖著韶光酒興同。歲旦重臨，登我壽。羨唐休說老還童。

一剌洪鈞淑氣通。陽和布護滿寰中。祛寒先破欺梅雪，報暖潛吹擘柳風。思逐雲煙光景異，道參天地古今同。拙來厭听鶯聲巧，何異庭前喚小童。



陽生天地氣，階通動靜元。從太極中，深著華花書。瑞旦滿斟  
椒酒，醉春風。詩書遺澤，掛源在。兄弟連枝，友愛同。左有哥男，  
非可望。晨昏望汝，企企金童。

有形之外道，能通此理。誰知微妙中，雪淨天心來。皓月波澄  
水面，迎涼風。化工不宰，三春共生意。無私萬物同，別有這般  
興在。斜陽一笛，遠村童。

52  
自微而顯，曲而通。動處都從至，虛靜中。點白梅花香，帶雪供  
詩草。色綠採風心，隨理契。一能貫，事與時違。萬物同，不身外  
未貪知道在。往來求我，有蒙童。



元旦

一氣伊誰幹大鈞泰和景象慶重新古今不盡閑中樂  
天地無窮道外身寓物靜見知剝復對時深望布寬仁  
化二別有生意白屋朱門總是春

春日偶成

外却浮名更外身偶乘餘暇樂來春青邱池草吟依足  
紅入庭花醉臉新滿座梨棋閒度日一天光景老隨人  
傳家且喜詩書在談得家貧道未貧

春風



無限韶光好物花。東風吹處扇陽和。細穿綉陌搖青草。  
 怪度寒塘散綠波。堯舜雍容天德合。周程吟咏道心多。  
 動時猶物功為大。休說朱樓燕子斜。

春花

韶光暖送好風來。萬紫千紅次第開。余谷日晴園錦障。  
 玉樓人醉放粧臺。曾供宗苑電顏賞。肯啗唐園羯鼓催。  
 留得年夕春色好。信知天意厚栽培。

二月遇寒感興

斜峭怪寒二月天。天津亭留客伴調眠。琴声煖了隨吟外。



酒力微又到醉邊。久矣吾人罹凍餒。苟於亂世幸生全。這般別  
有棋中趣。換得江山著又花。

寂微薄雪攪長空。放作餘寒二月中。庭草和煙含淺綠。  
園花欺雪弄深紅。生消升降天為道。輔相裁成聖極功。  
一幹大鈞回暖律。江山無處不春風。

初冬偶成

津亭冷冽不禁風。老鬢飄羊恰似蓬。安寢只緣書愛癖。  
辟寒頓覺酒為功。江山到處皆吾有。造化無心與物同。  
剝往靜覓知必後。復一陽已駢地雷中。



卽事

些小園池傍雪溪。春深古木自成蹊。紅添晴態千花醉。  
碧繞寒聲萬竹低。日與笑談無俗客。時供春汲有  
妻貧。老狂况又耽詩癖。風月双清八品題。

秋夜樹下納涼

老樹經年長綠陰。夜來寄傲富閑吟。清風颭月消塵  
想。明月娟娟會道心。白髮催人嗟歲晏。黃花入酒覺秋  
深。泊名名利何為者。回首興亡幾古今。

二月津亭感興作



津亭徙倚俯長江。佳景供吟興滿腔。暖簇千花紅步障。  
晴同萬竹碧幢幢。相催已過青陰半。共宿偏多白鷺双。  
點檢胸中無一事。日高睡穩正東窗。

誰將妙手斡洪鈞。昔雨今晴宇宙新。尺日洞明無寸霧。  
一天和煦有陽春。香隨紫陌看花客。暖圍康衢享壤民。  
依首千山青更好。靜覓亦足會詩神。

### 李花

和煙濃抹粉初勻。自笑東風帶得春。越高怪綃裁悅。  
耐東吳白紵下机新。廣寒宮妬嬌粧女。碧落堂留。



勝賞人最愛滿前皆玉樹千枝繞屋不為貧

### 隱逸花

花中隱逸伴耆癯肯向東風借艷開避俗長留空節  
在凌寒独抱晚香來繁花香換秋三徑玩賞曾供酒一  
盃誰說這般清絕處孤吳初不到塵埃

### 牡丹花

穠花初不泥塵埃繁朵重又傍水祠蠟燭花搖金步障  
香爐薰滿玉樓臺雕蘭春晚佳人妬錦瑟声低彩鳳來  
富貴花中健尔独信知天意厚栽培



## 野花

謝却紅樓紫陌間。任隨野逸伴溪山。東風借艷蜂先到。老  
徑留香鳥倦還。縱入品題應見重。只緣疎散便為閒。化工  
亦有生生意。萬物無私春一般。

## 雪花

輕於柳絮白於梅。六出花隨頃刻開。借月綻為銀世界。  
因風冠匝玉樓臺。別諸地道知消長。試得天工巧剪裁。  
泥叶西窗非偶應。屠豐已卜有年來。

## 十月菊



221  
61  
那嫌秋已過重陽猶傲籬東十月霜  
惜却眼花看晚節  
參來鼻兒嗅餘香  
孤英冒雪蕊又老  
寒色侵盃點  
又黃  
更拉先天梅是女  
千紅萬紫敢爭芳

番薇花

肯同百卉闕春光  
繁子偏宜九夏涼  
曉霧千枝堆紫艷  
清風滿架逗微香  
密依綸閣紅雲近  
獨對仙郎白晝長  
洞古景  
甚看更好  
醉吟重憶牛橋莊

梅

天與清香萬斛儲  
百花頭上占春初  
堅貞獨耐霜威重  
潔



白偏宜月影疎。東閣曾供前度賞。西湖好覓此老居。後  
朱欵。談調美事。認取三篇說命書。

### 白鷺

洗却塵埃半點空。孤高標格似冥鴻。雪衣曉掛松梢  
月。霜頂暗牽蓼岸風。靈沼優游陶聖化。桐江棲息伴  
漁翁。玉溪自有清處。肯把池塘入夢中。

### 嬌鶯

曉別余衣日正晴。清陰高處逐新聲。弄花好語紅猶澁。  
織柳怪綠未成。姪婢也羞隨世態。綿蠻亦是祢詩。



情立陽自有老栖處肯向朱門掉舌鳴

胡蝶

生育全資造化工年又得意弄春風  
丹崖碧洞老栖處紫陌紅樓採訪中  
柳底曾窺青眼客花間却伴白頭翁  
尋芳浪說貴公子爭似商山羽翼功

一年又是一清明  
樽末双冠戲嫩晴  
日暖粧樓歌扇薄  
風微香閣舞衣輕  
衛公部曲臨花陣  
漢將旌旗甫柳營  
到處繁花都占盡  
三春光景有誰爭

蝶



橘橐胚成色是空。双冠豈易辨雌雄。何郎傳粉朱樓上。賈  
女偷香青鎖中。冷宿花房悲夜雨。暖隨蕙<sup>徑</sup>尋春風。好時節到  
饒生意。誰說乾坤長養功。

紙鷲

誰製怪鷲寓仰見。孰揭迹接五雲端。乘空自信棲身便。  
就日人皆拭目看。別有經綸心上起。絕無矰繳分中安。笑他未  
脫拘牽外。遠舉高冠覺更雅。

硯鴨

胎卵雖殊羽翮齊。竄然<sup>亦</sup>不顧出鷄。春深好向潘江戲。夜



靜那閒。奈雪啼迹。謝以泥知地遠。是承雨露。覺天低。傍

人欲。試樓身處。認取龍樓鳳沼西。

鷓鴣

羨渠聰慧。異彩禽。曾向朱門弄好音。綠翅輕搖。欺舞袖。  
紅唇低語。妬瑤瑟。趁踏也解隨人意。寤寐無忘。戀  
主心。欲試樓身高處穩。春濃障樹煙深。

欲試禽中有慧禽。善隨人意弄清音。緩歌娘子含朱  
吻。鮮語仙郎轉翠衿。障樹依稀春夢斷。唐宮眷戀主  
恩深。三緘往事如能戒。應勝高冠避陸沉。



# 秋鷹

剛健蒼鷹倏且豪。先秋得快入雲高。星眸曉滯光如  
電。金爪霜磨利似刀。耻役楚文要厚賞。曾師周武展  
奇韜。冲霄自有軒昂處。莫問牢籠鎖羽毛。

## 蛙

錦襖鮮又暎綠渠。偷閒聊可伴龜魚。碧苔芳草居無  
迹。明月清風喜有餘。妄大恥言誇蜀井。怒鳴見說式  
王車。溪泉自有優游處。何必登天問老蜍。

## 鷄



227  
64  
幾年養養感朱翁。名號傳呼異。竟目為善。多資虞。  
聖德談玄會。助永儒功。我冠特重文。聲價超距人。稱武  
健雄。爭似天邊栖穩處。蟠龍樹下有清風。

燕

年又莫笑去來頻。只為年夕惜艷春。煙暝刀冠花徑暖。  
日晴對語吉梁新。恥隨紫陌紅樓客。好伴青山碧水人。  
記得高媒遺卯月。降商猶卧誕生辰。

蟬

自許清和北惠夷。美祿五德取諸斯。遠螳避鶚栖喬木。



說霧談雲過別枝。庭樹曾鳴香女怨。駘金見重漢官  
俊。一生寡欲兼知足。豈飭虛文謾有虧。矮。

盤

一輪晴旭弄嬌鴉。移向鍾鳴鼎食家。明月照來天外  
鏡。紅菱擎出水中花。曾將捧水持驕志。更把藏冰戒  
覆車。置器古來尤致謹。中之為度莫歌斜。

團扇

團圓寶月上瑤宮。妙用誰知造化工。薌屋窮同多酷  
暑。朱簾黃閣有清風。軒旋巨測<sub>回</sub>天力。把穩居多捧日



功。莫向炎涼隨世態。聖賢出處一時中。  
一樣團圓表裏通。碧荷擎手水仙宮。銀紈天外姪娥鏡。  
碧詠人間宰相毫。參贊化權曰妙手。簞揭至治圃和風。  
回天力量斯為大。舉世胥陶和樂中。

寶蓋

香滿龍樓。氣瑞烟亭。又擎出寶華圓。清光密擁。無塵  
地靜。影長留不暑天。坤輅乾旋。多力量。義標仁縱。合  
机權。帡幪所及。人咸仰。紅日昭依。儼在前。

紙



渾然朴素又徑清自色從來亦自形方寸靜時存潔白  
 英華發處炳丹青雄文粉藻資王化大道精微寓  
 聖賢經世用莫云無小補含和曾已吐明庭

鉢

杯污自昔古餘風夏竦周文西得中  
 體備方圓精且粹心無錮蔽擴而充  
 隨辰舉措閑輕重因物<sub>虛</sub>盈達變  
 通四海人皆望陶冶好施世用策奇功

竹杖

最愛琅玕碧玉枝一生多病賴扶持  
 携來未忝徑花香囊柱



上南庭月影隨勁節肯容風俗靡虛心自有老天知化龍有日  
君須記未要怪我向高坡

鞋

弥綸足見妙經綸日月多資新又新早張青雲采得路  
晚尋嵒徑援生春楚延重價三千客漢殿名高第一人  
飲却仙踪眠處穩覽來猶記上星辰

在昔任途豈不云人惟求旨器求新行藏可卜特輕重久速  
應隨道屈伸蹈矩每追前聖躅履仁無愧古名臣就中認  
取弥縫處足見安危佩一身



奉跟從過洮江

自古交南形勝邦，西條最愛此名山。  
江光帶暝紅池樹，水色涵寒碧繞江。  
清陰何人舟作楫，臨流有客月為窗。  
此行好展安邊策，休道多年擁旌幢。

過桑麻苗城

半墟村落翳禾麻，依舊無城迹未磨。  
山送青來排古堞，水將白遶帶洪河。  
妖氛昔已清胡虜，形勝今猶壯帝家。  
記取西陲從事了，登臨聊且重酣歌。

錢思明府公差



233  
67  
萬里江山萬里程。吟鞭快著重行。又書憑玉字傳新信。  
義締金交固首盟。光範喚人明月。共秋風接物瘴煙。  
清歸米若詞交南事。為道親情篤弟兄。  
迢遞交南一宦臨。達人聲價重千金。來時好又伸前約。  
歸思匆匆動浪吟。快馬惜程嘶曉月。老鶯留客對春  
陰。比南相厚殊無限。萬古江山萬古心。

餞清華參政高香楊公

西土遺寧未復寧。九重暫屈我公行。明時共慶朝無事。  
素月方覓政有成。錯節無根知利器。寒梅晚菊試交情。



萱庭依舊春風在。最是榮中又更榮。

餞宣先丈曹郎榮鄉。

柔荑依久入憂深。此鞭快著動行吟。小紅向暖低又唱。太白  
衝寒淺又斟。地出酒泉人醉玉。日彰君賜客分金。孝忠堂  
有西敏義。償了平生抱負心。

西庵步清威狀頭阮杲川韻。

昨與君曾把笑談。不才自揣我應慚。魁三先我君多幸。  
等一輸君我未甘。湖學昔時曾共講。漢帷今日又相參。前  
程遠大君須記。誰是功名重越南。



235  
68  
亂中寄阮果川

昔年曾與我公談，朋交君臣誓不慙。  
顧我存孤惟義在，知公處變堂心肯。  
青天對越斯无愧，黃閣論思好共參。  
氣運一周離必合，長江堂有限東南。

懷古

故宮城闕黍離又，風景人民半已非。  
江曲漁翁隨處泊，樓前燕子停誰冠。  
金陵地古多秋草，銅雀臺空幾夕暉。  
莫怪聖賢無意必，人生十願九常違。

病後書懷



偶要一病正奄<sup>々</sup>况又憂時百慮添世味冷於秋水淡吟  
肩瘦些暮山尖天於平格無私壽家素素清貧豈強康  
聞道朝廷多故老若<sup>々</sup>誰可具民貺

時以有太師濟國公馮長樂為詩嘲予<sup>々</sup>因有詩

解嘲云

草庵高臥白雲稠野性疎慵亦自羞危行肯為清節累  
潔身耻共俗塵流釣名豈擬終南徑極孔曾施渭北籌  
俯仰天人無愧怍置然誰怨又誰尤

解嘲



第慚倏往忽來頻，眉又徒勞老病身。其世寡諧寧避世，  
因人成事敢言人。維持清議公多力，栖息衡門我獨貧。  
蔗境雖佳嫌未到，相違恐負故園春。

### 休亭

白雲庵外小休亭，準彳三休此得名。倚檻紅蓮擎玉蓋，  
繞窻翠竹送寒聲。興饒梨劇圖書樂，吟到風花雪月  
清。誰說這般真意味，閑中今古會閒情。

### 遂亭

無官始覺一身空，旋構茲亭遂自名。貧賤不移財所遇，



芳華歛却有誰爭。雲成雨後還山遠。水縵餘到海清誰  
 說這般真意味。野花啼鳥稱詩情。

戲作

君子投身得所依。智明所已說先機。吟邊春色梅花  
 瘦。醉裡秋風竹葉稀。千里回梁心未艾。四方經遠志多  
 違。西南會看民蘇息。卜日當以君始。

君子何求道外身。從容自得不要貧。秋深藥圃携  
 蓀杖。晝永茅齋弄葛巾。一時片梅花簪短髮。數盃  
 芍藥醉餘春。田園記取四卿日。松菊猶存是主人。



人

歸老寄吏部尚書前溪伯

點檢行年七十三，懸車差往也應慚。  
馳驅自許無嗟力，涼利何求豈是貪。  
勉力望公扶日轂，偷閑笑我老雲庵。  
壽星共仰光芒在，前後相輝照越南。

桐江綠

桐江曾把釣絲絳，不事王侯節獨清。  
月到波心微有影，風來水面細無聲。  
半竿肯換三公貴，一線曾扶九鼎傾。  
惹得高名千古在，豈因文叔惹虛名。

中津館



晨臨津館上，晚泊雪溪邊。  
殘照漁村笛，清風野渡船。  
詞中消日月，吟外逐雲煙。  
無限春光好，今年勝昔年。

### 秋晚偶成

一天秋正好，白髮老相催。  
津館無人到，柴門盡日開。  
但看金橘熟，不見土蠅來。  
世事只如此，忘憂惜酒盃。  
津亭秋欲暮，光景為人催。  
庵外閑雲住，籬邊晚菊開。  
惟將黃卷讀，不見白丁來。  
更覺家中醞，時又復一盃。  
天時終復始，秋信為誰催。  
道院憑風扫，書樓借月開。  
水光將白遶，山色送青來。  
歲晏嗟吾老，那辭醉酒盃。



241  
衰髮秋相晚。堂上歲月催。風高松葉瘦。霜重雪花稠。溪  
有清流響。門無俗客來。魚蝦攜首侶。且勸西三盃。  
颯々涼颺至。戢戢霜節序。催碧梧霜半落。黃菊晚猶開。  
騷客時吟詠。漁翁日往來。無窮聖賢樂。既醉且啣盃。

觀梅

無事且從容。觀梅富靜中。池塘疎影月。庭院暗香風。  
清潔漢羹勝。剛直唐鄭公。光春調暖律。真宰敢言功。

遣興

71  
懶比休上書。溪泉覓首居。松聲外風細。竹影水邊疎。根喜



時占鵲乘閒日釣魚江山真有味吾亦愛吾廬

富興

一生素多病宦海苦浮沉不負耄耋志初無利達心田園  
原有約泉石好重尋入戶山光紫循除水噴金池蓮紅冉  
又軒竹翠森々乳燕冠溪雪嬌鶯對樹陰詎禾驅黠鼠  
倚杖吟則禽白幘風前岸清盃酒下斟避泥耽謝屐遣  
閑愛聽琴棊向閑中看詩憑醉裡吟陶情隨放逸乘興  
賁登臨得失微休咎興衰野古今書懷聊托詠流水幾音知

觀棊



在天有星宿，在地有山川，布列法地，子森羅象天，兩般分黑白。  
 一試見方圓，得算饒多勝，知幾富萬全，沉潛車武子，矍鑠馬  
 文枰，蹊徑人心際，干戈客眼邊，嚴明師以律，操縱兵行權，用  
 祠哥陳孺，臨危劇謝玄，動時唬猛虎，靜處脫寒蟬，攻守一心  
 上，寧輸萬古前，縱橫迭復衍，爭鬪互看燕，越伯成吳日，秦強  
 并楚年，自誇天下手，何似橘中仙，日月兩來往，乾坤任斡旋，  
 機關都却了，得喪自囂然，莫使鴛鴦臥，休教警鶴眠，誰  
 云堯教子，曾說孔由賢，記要誰才敏，俱亡亦咎延，算未  
 成小數，豈是有真傳，可貴通千變，應羞擲萬錢，縱非



仁智樂未可著饒先

中津館池

錨南池半畝。景占一壺中。溪樹低含碧。江花近映紅。波心來皓月。水面逐清風。雲影濃還淡。天心色是空。周流智者樂。潤澤儒之功。洙泗淵源遠。閩閩脈絡通。誰知潤倒後。障得百川東。

過金海門

洪州形勝地。金海門得名。輶轡挾荆策。喉襟控太平。東來正冰遠。西扼大江清。岸樹水中現。溪禽天外



鳴波光魚出沒山影暮縱橫夕照熹微色漁舟歎乃聲  
 流奔知瀨駛風利覺帆輕浪帖龍眼穩寒多鵝鵝鳴  
 著蒿泥石滑待月夜潮生魚記鯢鵬化困尋鷗鷺鳴盟  
 靜覓潮汐候默會古今情重憶歎江漢何時洗甲兵  
 回頭紅日近依前一輪音明

花崗井

花崗乃古井勝迹流至今近挹江河潤初去鹵瀉侵脉  
 從平地出窺有老人臨清冷比寒玉圓融封雪金紅蓮  
 開水面丹桂浸波心石乳含微溜泉臍洗暝陰夢餅存至



戒勿幕示民歲。篋谷污何鮒。非泥食有禽。養民功甚大。清物  
澤尤深。漚漚由中得。淵源豈外尋。

江樓秋日晚望

江樓秋萬里。暮色正熹微。雨霽千峯見。天空一鴈飛。寒  
村煙薄。遠岸樹依。蓴菜出泥滑。鮓魚上釣肥。龜蛇  
藏石窟。鷗鷺冷苔磯。野寺初聞磬。柴門已掩扉。相融心  
此景。自適樂忘机。行止無牽泥。逍遙任去歸。山翁如蠅  
屐。溪叟一蓑衣。只要得閑散。何勞說是非。窮通皆有命。休

快事多違。



曾記同朝是弟兄。偶來相訪叙交情。慇懃報道無他語。自古成功戒滿盈。

贈石郡公阮倦

道淡身外豈他尋。况又相期意氣深。君父網常千古在。孝忠應不負初心。

與高舍友人別後

相逢亂後老相催。繾綣離情酒數盃。夜靜雲庵誰是伴。一窗明月照寒梅。



## 自述

年方七十已休官。重憶悲栖覓故山。津館日高眠未起。青  
山争似白雲闲。得優游且便優游。心逸神闲日又休。最愛五湖  
風明月一扁舟。

## 富興

一壺別占小乾坤。半畝方塘五畝園。月館雲庵看更好。箇  
中誰說有桃源。風怪雲淡洛河天。景此心融契自然。淺深綠紅春正晚。老

鶯聲外有新蟬。



249  
75  
鶯聲外有新蟬

笛筳成林新筳生翠袍粉籜一般清  
年又春色催人思誰謂東風不世情

花發新枝是舊枝榮枯消長互相隨  
年日溜岸垂煙柳幾度舒眉幾皺眉

觀棗宮興

津亭一弓系餘陰消得英雄幾古今  
自信無心鷗鳥下相爭却恐露机心

古今勝負幾英雄劉項相爭百戰中  
一自固陵驢失路鴻溝



堂復割西東

柴門半掩白雲庵  
靜等羸輶富笑談  
履還不逢危險處  
平居堂復顧民愚

觀棊有感

靜推往復知天道  
細把窮通駭世途  
黑白兩般真莫掩  
錯嫌俗眼大模糊

津亭夏日

萬綠濃陰晝漏長  
津亭日上納餘涼  
天心更與南風便  
吹

起荷花十里香



誰能為我洗囂塵煩。惟有清風時到門。涼入槐亭看更好。  
直將福庇蔭見孫。

桃花

仙種誰將館裡栽。好春一度好春回。雪溪月畔漁舟客。片月殘  
紅惹得來。

白雲庵外碧池東。種得桃花壽日紅。相對醉留余丹在。依然  
萬古笑春風。

紅槿

花中幻出忒中身。暮落朝開肯更新。色即是空又是色。一



枝換得幾番新。

優曇花

碧水池邊長綠陰。老林花好祇禪林。開時不要爭春色。只要如  
 日見休心。

中津館冬菊

一種延年館裡栽。晚香猶向雪中開。寒歲若問故交在。惟有  
 先春數點梅。

春晚煙

煙淡雲闲淑景新。一盃頓遜送餘春。吹花莫恨東風老。



榴火荷香亦可人

新綠成陰日漸長。鶯聲啼老送春光。這般款款可人處。記取薔薇滿架香。

一年又是一清明。誰謂春光怨不平。揉醉莫嫌春色晚。紅蓮翠竹更多情。

春日偶成

陰陽消長互相催。剝往應知復更來。生意暗隨春意足。園林無處不花開。

惜花



翠街花簇軟香坐。紫賦紅嬌最可人。把酒莫嫌春色晚。一枝首是一枝新。

夏暑

火傘當空盡日燒。人心苦熱正焦。一從天外涼風起。萬戶千門暑氣消。

夏景

日長津館小窗明。風約荷花遠益清。無限吟情誰會得。夕陽樓上晚蟬聲。

重九



年又又是一重陽。酒氣薰濃。秋氣涼。莫限金風吹鬢。老菊  
花。獨帶晚來香。

亂後此故園詠梅

萬紫千紅都是春。等閒開謝總紛紛。雪中不改堅貞  
操。惟有寒梅伴主人。

望潮樓

數頃金江數尺樓。滔滔逝水為誰流。寒潮漲退今猶古。  
留得人間幾白頭。

富興



近水茅齋竹數椽。閑中好伴白雲眠。過門行客不相談。  
這裡誰知別有天。

詠蒼檜

西山老檜翠成圓。梁棟人將大用期。莫謂林泉終見  
屈。蟠根已有蛭龍知。

中秋月

此夜年年月色新。到頭白髮易愁人。今來古往已如此。  
畢竟無非醉裡身。

人看此夜月團圓。人在高樓月在天。月影好隨人影。



259  
79  
共年又相對酒樽前

古往今來月一輪。一番秋半一番新。只向今人照。不放清輝照古今人。

長繩誰索好光陰。世事悠々古又今。惟有書樓明月在。年年又照破聖賢心。

富興

誰謂東風不世情。吹花擘柳動鮮明。院深人靜都無事。時向窓間啼鳥鳴。

突兀門前十二峯。煙光欲却露秋容。倚樓一望知山意。



時送青來千萬重。

一天風月弄双清。最是良辰好景并。涼入津亭眠未覺。  
不知日已到窓明。

人間萬事是還非。每限山光與老違。最愛栖前山意好。  
斜陽帶得白雲歸。

寄石郡公

相門中將亦多奇。卷起吳淞四海知。曠喜故家詩礼在。  
勉將畚師帥在吾師。

遇颶風作



川騰谷沸響如雷。屏翳驅雲何處來。誰說天機神竈闢。歎  
楊只為掃氛埃。

觀梅

百花頭上白堊。又到老猶凌眉雪來。獨倚風亭聊賞玩。  
重攜孤艷醉中來。

見白鷺日宿池上枝樹戲作

水邊日夕宿枯枝。肯把泥塵染素衣。急瀨危灘休著腳。  
閑中與我兩忘机。

余於十一月十四日。恒因寒不寐。俄就枕。夢有人誦二



句云一年好景君須記三月春來致太平  
後續成起聯二句云

天地嚴凝物未萌於初動處  
陽生一年好景君須記三月春來致太平

新年戲作

茅庵養拙且安貧新歲新添白髮新  
獨樂園中第一事花香竹色自為春

詠梅二絕

先春曾上百花魁更向風亭傍水濱  
雪裡依然孤艷在



醉吟惹得暗看來

冰肌雪色兩相宜最愛黃昏得月時  
細認暗香浮動處世無和靖又誰知

釣筴遇寒戲作

閒看世故等虛舟釣隱重尋汗漫遊  
依前桐江風月在恨無嚴子一羊裘

功名遂復何求聊富溪泉覓勝遊  
依前五湖煙浪在恨無范蠡一扁舟



全史言

五

引無...  
與...  
郭...  
所...  
...  
無...  
本...  
...  
...



全越詩錄卷第十八

翰林院承旨顏城伯臣黎貴奉

旨編定

莫

甲

字潛夫号節齋鳳眼部計人二十三歲登偽大正戊戌科狀元

北使累陞吏部尚書掌部事兼東閣大學士入侍經筵太保倫郡公進策國公致仕徵有才望以忠直自許順乎正治之回王師東討偽虜幾去徵與莫敦典支吾撐柱莫祚賴以少延所言於成治無非忠謀說倫多不覲唯謝事終於家數年而莫亡所著有古今應答邦交集行于世子徵登偽淳福戊辰科進士

遊休詩二十一首

經藍山偶成



披雲扒霧上藍峯。西徼山河在目中。羅列樓臺前舞鳳。  
江洋湖海右迴龍。四時春色綠楊雨。十里天香紅藕風。  
拄事悠悠多感慨。盤桓空自倚孤松。

休言天險劍為峯。百二山河穩步中。鳥舞音傳疑彩鳳。  
泉琤乍咽訝銅龍。壯遊行客添佳興。首籍居民宛古風。  
些好乾坤饒景致。湖西蕙苒洞邊松。

再疊前韻

峯九口乾坤一夢中。苔甲半封金闕獸雲痕。

長濕石梯龍。御溝自浸三秋月。蓮沼空香九夏風。京邑遷



移時世異蒼々不改歲寒松

訪藍山偶成

征船輻駕訪藍鄉。城郭人民各一方。織布有坊來徇信。種  
蓮誰主忽聞香。鶴栖老柏乾坤古。鳳舞高山日月長。目擊身臥  
碑成感慨。平吳功德對蒼々。

杳靄藍山古帝鄉。仙源想是一蓬方。冬高松徑風喧樂。  
秋爭蓮潭月抱香。世教三才傳祚遠。邦圖九有享年長。

蒼

洞步登高皆帝鄉。人村大半雜蠻方。鶯啼老廟煙花靜。鴈



過幽林草木香。幾度陵遷還谷變。無窮地久此天長。追尋佳  
境知何處。梅月松風巖色蒼。

西都城懷古

怨臺此日祭民仇。堪笑蒲黃不善謀。自謂金湯持身固。豈知歌  
舞破除休。街前春色花長好。山外鶯聲水底流。殘堞望中  
尋往事。雨昏煙鎖欲黃秋。

撫則君人虐則仇。老烏何苦用邪謀。即真情見特誰掩。作  
偽心勞日不休。雲向琴山空北去。花隨馬水自東流。誰將國  
紀書胡字。一字嚴霜萬古秋。



賀禮部尚書阮仲效致仕

德邵年高行可師朝廷柱石世著龜  
殷衡罔處成功日周保先明在讓時  
都外衣冠榮勝戲園中松菊結新知  
儲家况有詩書富留作兒孫仕宦現

簡明左右兩江委官盧孫二指揮

偽崇康八年為宣撫同知  
差往諒山高平與明委

官會勛孫界委官索  
詩因賦此贈之

84  
廟堂深意為邊氓煩屈星軺重此行  
矜育撫寧宣上德咨嗟疾苦灼民情  
首首春老碑標界邊月月秋高鼓臥城  
萬里纓紉民樂業人又歌舞頌昇平



南方赤子共王民。忍使羣貪恣噬吞。中慙動煩廊廟。咄咄客誼  
重。妾幹廉臣。封疆指定砧基首。惠澤霑濡雨露新。功德及  
人應不泯。甘棠蔽芾蔭長春。

鼠牙雀角久難分。訟五欣今覩大人。至中<sup>正</sup>至中。指帝則無偏。  
無党廓皇仁。陰靈殄了乾坤朗。陽律調來草木春。從此北  
南無復事。農桑隨處樂吾民。

戲別明妾官孫盧二指揮

照耀炎郊兩福星。熙和到處盡春生。丰侵巧峻霜逾厲。  
界限分明水至平。上國衣冠應接踵。南方草木總知名。須



知道合情偏重四海初來亦弟兄

佳會彙緣幸哉判平生自覺有餘榮  
衡為中正繩為直金比里剛玉比貞  
坦々宏謀無物我昭々公道有神明  
江山亙古石碑在千載令人說姓名

說夏礼樂又詩書富貴風流有餘榮  
外奇標山仰止積中粹德玉清於鍾  
鼎祈績忠貞首藁芒冰清踐履初

天邊霜雪逐征輪在苒經秋又報春  
諏度堪循周上价勤勞何愧漢忠臣  
貫無改作都仍舊人有良能自作新



民

面奉威嚴出上台。更山歷水小車來。早霖到處宣新澤。砧石從初認首苔。稚孫霜貞姿霜後菊。芳心清韻雪中梅。許多情緒憑誰寫。分付東風自在開。

次韻答程國公阮東謙

籌帷曾聞漢傑三。先生進退更何慚。紅旗黃紙初心淡。碧水青山雅意貪。花筆裁詩春滿案。瑤琴對酒月盈庵。名之喬泰儀型重。後學長昭作指南。

爵兼齒德達尊三。俯仰乾坤兩不慚。滾口詞源堪障倒。稜



大節足廉貪步經墨史詩千首  
檻月窓梅草一庵大  
呂黃鍾存遠韻長留聲價重天南

致仕簡同朝

五世于茲弼聖明徒然玩愒正霜星  
撐扶敢謂擎天  
力精白惟昭貫日誠一德周居殷相疏  
四留不尽采參  
銘喬松歲月年勛旦野老優游樂太平

阮文徵

字清美東岸詠林人偽明己丑科探花仕致禮部尚書致仕子仲綱達善顯績孫教方並登進士

述休詩一首

賀禮部尚書阮仲致致仕



壯行又及老而傳。三達尊兼五福全。邊郡朝廷時倚重。文章德業世稱賢。四田興促章重上。戀闕情深魯屢纏。飲罷胡風吹馬首。後塵快望著鞭先。

裴致永

富川光州人。偽大正乙未科進士。

# 近体詩一首

餞陶儼北使

詞學優長休用諉。皇年妙選屬良才。客程迤邐開前驛。行色逶迤展外梅。脚布陽春消朔雪。囊中詩價重燕臺。以明早報平安信。衣彩堂中獻壽盃。



黃岑

治和萊山人籍桂標偽大正戊戌科探花仕至禮部左侍郎

名福伯

近体詩一首

賀禮部尚書阮仲效致仕

京國衣冠新祖餞  
鄉園松菊

首朋簪韶顏粹德中和酒  
明月清風太古琴

愛憂白髮一丹心

安夏樸

安是真溪人偽廬和辛丑科進士仕至尚書寧溪侯

近体詩一首

賀禮部尚書阮仲效致仕



四十年餘官味。語得兩今日。駕歸驂。都門祖帳饒。酬酢。  
洛社者。莫溢笑談。仕止從容。存道二德。年高邵。達尊三聖。  
朝正切。詢黃髮。廊廟須煩大設參。

阮仁度

鳳眼翁異人。偽永定丁未科進士。仕至吏部左侍郎。  
豐歲候。

述體詩一首

賀尚書阮仲效致仕

四十年餘仕途。皇天有意福吾儒。令名令德朝侵羽。  
知古知今世範模。雲蔭槐庭增長茂。水清桐瀨助康娛。  
臣忠子孝應無愧。洋洒昂藏大丈夫。



吳演 東岸三山人狀元勉紹之子偽景石庚戌科進士仕至尚書  
弟吳懌亦登進士

近体詩一首

賀礼部尚書阮仲效致仕

聖世著龜屬老成木之松栢桑參苓風標特立南天柱位望  
尊昭北斗星樓角軒韶心鳳闕山雲江水笔鷗亭好將清  
白傳家業何必黃金積滿簾

阮亮采 嘉定平吳籍是縣之湛露年二十九登偽景石癸丑科  
狀元仕至礼部左侍郎定岩侯

近體詩一首

賀礼部尚書阮仲效致仕

德業垂爵達三尊惠養重蒙聖主恩台斗復章榮組冕



詩書慶澤裕見孫湖山春光歸春屨桂疎松香入壽樽聞  
道古來平格老心又忠愛本長存

范端良

字淳夫青林賴上人籍安勇奮雷為光室丙辰科進士  
仕至吏部左侍郎掌翰林院事

近体詩一首

賀礼部尚書阮仲效致仕

天為皇家壽至平四朝弼亮一忠誠蓬山碧水留文價  
斗座奎班顯大名治世著龜天下老都門冠蓋大夫  
榮愛君愛國由來志皎日桐江月色明

吳繹

字緯夫東岸三山人狀元勉紹之子為光室丙辰科進士  
仕至參政

近体詩一首

賀礼部尚書阮仲效致仕



仙籍貫科早策名勤勞四紀一忠誠郡朝出入多揚止圭  
組蟬聯極竈崇新邑尚留周大老首園已會宋耆英同  
江月上年月照見鄉情與宦情

梁逢辰

另題夫良才梁舍人爲景有癸丑科進士延成辛巳  
北使仕至尚書少保梁溪侯

近体詩三首

賀礼部尚書阮仲效致仕

山高德水清可知秀氣出奇英  
津梁綿叢儒矜式松栢著龜國老成  
江北田園此宰相城東供張華  
公卿慇懃但爲諸公勉力贊皇家措治平

經蓋山和狀元甲節齋韻



藍山誰為一壘鄉。曾認真人主萬方。朔雪儘隨梅野散。  
西風猶帶桂林香。殿祠廟享春秋古。祖德宗功宇宙長。今  
日追思何處是。平吳勲烈對穹蒼。

次韻賀少保黃仕愷致仕

宦成名立便投簪。易邁那知歲月駸。分外何求忘利達。  
情中為著報高深。江船送月乘輿軒。樞迎風助朗吟。  
清夜有時辰可望。鳳城如昨五更心。

枚功

桂陽桃腮人。左侍郎枚勸之子。年二十四。登偽景初癸丑科。  
進士。奉使還累陞尚書。安常侯以忠直名於時。莫亡殉節。

孫仲和登本  
朝進士



279  
近休詩一首

賀礼部尚書阮仲效致仕

宿儒碩望世無前，踐正花途四十年。  
行篤智高天下老，宦成名立大夫賢。  
同鄉杖屨春長在，帝所鈞韶夢屢纏。  
天為吾皇平格壽，詢猷黃髮有時延。

宋所

膠水武寧人，年二十二登偽光室丙辰科進士，仕至尚書礼溪伯。

近休詩一首

賀少保黃仕愷致仕

儒科相業世冠簪，老鍊那知歲月駸。  
公服侯<sup>圭</sup>崇<sup>主</sup>竈厚仁山，智水夢<sup>主</sup>恢深。  
醉亭滿後須頻酌，樂圃梅邊好索吟。  
黃髮詢咨如見及，愛<sup>主</sup>愛尚勉矢初心。



范維決

字世祿。至靈確溪人。為光室士。成科狀元。仕至左侍郎。兼東閣大學士。確溪侯。

近体詩十首

簡明左右兩江安官孫盧二指揮

偽崇禎八年宣接副使。此甲激往諒山高平。會明委官勘走外事。二委官索吟。因贈以詩。

光風霽月豁襟懷。南境星馳玉節來。礼自敦賓真意發。

仁從愛物至誠開。德沾百姓餘波潤。氣空羣峯障霧推。

直待岩廊調鼎實。隆冬松柏雪梅前。

剛簡溫廉孔德彰。清朝早已列官常。憲邦文武周藩固。

服遠恩威漢祠良。節又羣牝岩尊煌。又爭覩福星光。

曲盡功厚德砧碑在。奕葉行看表卷崇。



天為特生間世英，當官恪守慎勤。清洞民膏澤千尋水，固國藩翰萬里城。義使公私嚴界限，是非怪重有權衡。

襜帷一自出陽南，圖境旄倪拭目看。褐囊周旋來見外，公平中正義行間。遙途自許施騰躋，利器初無避

錯盤盤。名在南邦長景仰，新安山對萬寧山。

因出陽  
葵庄

會論新安  
萬寧事作

拔俗芳標百丈峯，翺鴻步處皆通。梅窗日煖仁風扇，桂嶺秋高瘴霧空。斟酌聖賢憑酒量，品題金鼓器



詩筒公功匪直崖碑刻只在人心感戴中  
 固國藩維賴儉人早教越觀羣祥麟箕裘遺笏甘  
 棠首標格瑤林玉樹新義使

判時彙中理江山到處脚生春南行此日宣周  
 化會見民為直道民

祥風瑞日抱清姿文武全才大用施直操冰霜金玉瑩  
 公心天地鬼神知民蒙喜鴈流行裏士服高談辨論  
 特德澤愈加稱愈久斗樓山水斗樓碑

會西祿年卅  
 後作



朝廷威德奉于宣道指南來快著鞭竹企清標當路  
揭梅憑早信停車傳綉衣朱紱年行色和氣春風  
滿座前

隼旗熊軾還遙程藹又風侵

及物仁是滄海滴

接人節操玉壺明一誠易使豚魚感兩造殊無雀鼠  
爭天地公心真討越永留樹德在蒼生

序屬三秋玉圓臨清風明月式高吟聖賢道理中覓  
學事業權衡上認心點又使星行閣耀聲華再成  
樓沉高名碩望長昭仰公母山高海水深



武權

字純夫良才梁舍人狀元武璩之弟偽光室丙辰科進士以戶部左侍郎北使還累陞尚書香江侯喜吟詩理順辭雅所著有星軺紀行集傳于世姪武玠亦中狀元

近体詩一百首

北使珥河初發

用地名下字起韻

拜了丹庭趨珥河征袍破曉映紅霞江亭繾綣猶  
傾蓋驛路驅馳已止車萬里行又隨侶次九霄恋  
又望京華星軺記取歸期日停砧牆頭日簷花

上強驛

風駕征車到上強山光四顧

穿崖瀝迤千重



險綠洞索紆一路長玉節披衝嵐嶂霧華駟踏破板橋  
霜是行正功完清君命皇威勉奉揚

### 坡壘驛

駢四駱臨坡壘跡涉幾重程迺遲萬仞青攢碧峭  
峯双條玉漱泉泉水林梢午鳥向人啼野館晨鷄脩  
客起賸喜南園貢路通征車北赴迺南指

### 過交關

皇又節使度交關周道逶迤上玉鞍是送儘知南國  
重此行何計北程難目眇巔嶠千重翠心討對神明



一片丹將命功成。遙復命。花期早。報平安。

憑祥驛

卅治及官驛皆在別處。新移于此。卽新卅新驛也。

陸行日半過憑祥。平地通衢。結絲張碧水。索紆溪一面。  
青山翦蔚木。十章村居。仍宿茅為屋。卅治從新土築。  
墻。所至星輟。消霧障。煖然脚下。覓春陽。

念涯偶成

策馬行。又訪念涯。峯恋甲乙。錦屏南。紀程卽景詩。  
千首。破瘴驅寒酒一盃。駐足肯淹留。楚館馳忱直指。  
赴燕臺。功成尚移。回鞭日。好信相傳一點梅。



明江驛

北燕巨鎮是思明，計自南來數日程。  
屈曲江流銀帶抱，岩峒山頂玉簪橫。  
閭閻牆屋民稠密，車馬輪蹄路坦平。  
即次津亭才一夕，詰朝又起客帆旌。

陵山驛

近驛有市，三月一會。青箱記錄云：嶺南村市，虛時多滿，特以又右邊過平江口，江峽自雲南來，至此夾流。

曉移征棹抵陵山，領畧乾坤一眺間。  
砦砢高峯雲沓，靄陰森古樹鳥綿蠻。  
市三月虛隨滿，江西岐來抱又。  
寧一路平安風浪靜，從容北去又南還。

大灘驛



度却凌山即大灘。忽聞耳畔激鳴湍。洎又水勢浪翻  
急。疊又雲牙玉漱寒。釣叟徐移桂月漿。舟人高唱相  
風竿。謙又用利大川涉。直到無憂行路難。

馱柴驛

到此特午日宣朗微風從西北來忽聞響水聲  
即偶成一律

道經馱朴到馱柴。四望煙張界不開。可愛日光當午照。  
不周風信自乾來。泉聲響與琴聲應。水勢牽隨山勢  
回。行色雲端媒客興。索吟且覆掌中杯。

黃范驛

驛在宣化縣右邊有八尺江自安邦來

凌晨轉棹臨黃范。勝景無邊供勝覽。八尺江凌活水來。



數間驛館清流激，蓬窗鹽撒雪花寒。岩洞煙籠雲色

淡，宣化溪魚紙到梁。行將尺素平安探。

火煙驛

驛傍有咸君大祠，屋水邊高山流水多，孔石過綿水洲到卅門。

萬里見光望火煙，四間障霧靚青天。千層疊嶂連雲際，

一簇叢祠壓水邊。石激崩聲搖夢銀，<sup>枕</sup>鏤月色上吟船。試

谷舟子前頭路，笑指東之過水綿。

卅門驛

驛在橫州城外之西南，有月江，東亦有奇峯，對峙。城內有梅棠橋，乃秦少游所作。今但兩碑在，又有進士門樓，題任穀姓名。

橫州城外是卅門，要路通津車馬喧。雲巖數重簪峩

吳月江一帶鏡臨坤，少游橋古碑猶在。任穀名高扁尚



存勝景無邊。濃客興。好將瑤句對金樽。

經烏蛮灘。

灘有五折。号五折灘。

江行此日到烏蛮。萬斛舟經五折灘。片帆花冠翻雪浪。車轉石激響雷湍。有緣偶得天風便。無事何憂水路難。往復定知消息好。高吟滿酌且邀歡。

香江驛。

烏江過了。到香江。國步艱望渺茫。拆漢高峯多得月。枕流古剎幾經霜。人橫短渡近登岸。客上長安遠泛航。預喜梅花風信報。以心萬里逐南牆。



## 懷澤驛

征帆風迤來依澤，薄暮維舟砥石排。  
 園羣山遠送音遠，城一水迤拖白。  
 亭衢曉踏趨虛人，芳波晚橫四  
 洞客觸起鄉萬里心。  
 數聲嘹唳誰家笛。

## 潯陽府門驛

南抵潯陽訪府門，層層城雉四周垣。  
 櫓聲嘔軋中流度，柳色微茫遠岸村。  
 曉市綺羅時會合，亭衢車馬日喧  
 喧。羣庠文廟豐碑在，萬古長昭聖道尊。

## 烏江驛



風車穩駕起烏江散步

日轉方天末數峯排筆

京城中百里列琴堂月汀清夜吟蓬捲風店華朝酒旆  
張別地靈人又傑魁元葉又姓名號

春日過黃丹

星麾曉拂過黃丹春色無邊入筆端日御當天虛見沐風  
帆破浪忽誰彤雲五朵催蓬繡山巔千重柱笏看更憶  
上春祢壽旦萬方臣妾一聲歡

滕江驛

四面山高對峙兩岐水夾交流城中有世科世德門樓

廣西望邑說滕江文物繁花甲一方對峙萬重山物華交流



西泠水源長世登科榜樓顏擢代執桓信扁額光日下記

風土好鳴珂時復憶吾鄉

蒼梧驛

迎驛有鶴覓化竜橋水井田面前桂江水來合九号山封時又有迎仙門首付云名洞賓全日廷于此

東山重鎮說蒼梧城市樓臺景致殊鶴覓俯江留勝迹  
龍橋跨浪達亨衢竹亭水市井吟筆桂水兮山八畫圖  
別有迎仙堪美處登臨恍若一蓬壺

廣西勝景美蒼梧層叠樓臺水墨圖江上橫橋浮蜃  
背城中冠商捲鰓鬚松栢山面千重翠月仰波心一顆珠  
聞道迎仙門最好回翁曾到此間無





× 麟山驛

西經乃漁石過馬鞍山右邊是八萬山有賊名吳雲賊常行劫掠此時稍寧

征帆破曉趨麟山光景無邊眼界寬堤畔千條楊柳翠  
松中萬竹竹平安西來水脚經魚石東望岩腰見馬鞍  
狼逐不煙鯨不心仕吾高臥且加餐

和尚山

山石封川縣形如僧頭名曰僧山

封川瀆巖名和尚竿排雲邊凡幾丈遙望尖巔寶  
伏頭近看圓頂緇禪相塵緣浩向碧流中禪座穩  
苔石上壽得皇圖億萬年外功功德真無量

新村驛

近縣四圍兩岐水夾河有竟母庙像并石碑在前  
水棉大樹



壺天別有一新村，以峯前洞旅驛門四面週迴山峯，得西岐  
交會水潺湲，廟名龍母，真容在碑，豎龜頭勝蹟存，暫  
艤客舟尋往事，小綿樹下日黃昏。

山松臺驛

西廣畢門在焉，中有荔慶硯蹟，斗南書院及崇  
真院旌善亭。

山川形勢壯松臺，西廣畢門次第開，玉削重巒浮硯匣，  
牙懸一壑擁書堆，崇真院引清風至，旌善亭邀霽月來，  
勝景撩人鄉思動，五更又况曉鐘催。

西南驛

從來驛路轉西南，浩渺汀前江會三，淡掃山眉青採黛，



濃涵水色綠接藍<sup>拖</sup>岸緣梅嶺頻移棹程復梧竹穩駕  
 膠欲曙護樓收昼每花鯨声又叩雲庵

眉江驛

傍有三村民俗凶悍常劫傍村及行船廣東兵巡備  
 往又不絕

廣東縣轄內是眉江自古堤封八戍方李柝團喧聞虎  
 旗扣舷歌唱咱漁郎俯流結屋人村近邇岸登舟客路  
 長行李檢來何所有一書篋對一詩囊

迴岐驛

新流直上到迴岐說面東風細夕吹水脚芳河樓白鷺  
 山腰深樹射黃鸝人以遠浦蒲帆掛客趨長安桂棹



移从尺午門箋達後回岐早報歸岐

### 安遠驛

撐舟曳纜臨安遠無限春光佳興違  
疊送青來山頂高暗將綠遠江流淺  
三公廟裏熱香爐千戶門前題墨  
扁更上飛來作勝筵試看往事磨碑鮮

### 飛來寺

山頂上有獅子石寺右掖有是心泉刻石為竜口水由竜口出挹泉亭有蘇東坡詩扁南北使客題詩壁間亦多

原從何處此冠來福地禪天絕點埃  
碧水丹山仙世界綵幡朱像  
伏樓臺嵯峨老石獅形立  
點滴寒泉龍口開南北往還供客  
興壁間詩續大蘇裁



橫石矶 驛在廣州市府清遠縣

破曉撐舟越石矶，惠風習習透征衣。  
清紅水淺魚來少，廣矣天高鴈到稀。  
暘谷遙昭紅日出，太行劇望白雲危。  
寸懷仰伏神明峯，帶得平安二字歸。

× 須陽驛 須一作須

韶洲勝地美須陽，旌驛門當五達康。  
萬仞崔嵬山似戟，三岐浩蕩水如湯。  
世科樓上懸銀角，邑宰衙前繞粉牆。  
滿月江山無限興，陽春況值好風光。

清溪驛 近有磨刀灘彈子矶



征帆破浪趣清溪，小泊通津日已西。  
甫細又來芳草渡，瓦塍又起綠楊堤。  
磨刀灘脚鳶魚躍，彈子矶頭怯鷺棲。  
光景盡邊吟興促，錦囊收拾一詩奚。

濠瀼驛

驛前有虎榜山及漕溪水口，首付有香味，溪上有南華寺塔。

由江旅驛名濠瀼，春色喧妍多景致。  
虎榜峯頭出異形，漕溪水口浮香味。  
樓臺簇簇排穹天，寺塔重重留勝地。  
斷岸鐘聲到客船，每端能起鄉關思。

芙蓉驛

驛在韶州府勝境，有帽峯、空谷、唐外九齡、朱余靖並買于此。

三岐碧水映芙蓉，晚向津亭泊客蓬。  
突兀帽峯平地出，嵒



307  
我宝塔急流中千秋明鑑張賈相四諫名余鉅公景致  
清風物好韶州第一廣之東

平圃驛驛前有母田樓韶石祠又有香爐山

芙蓉過了來平圃明媚乾坤鋪錦繡  
橫野水無人渡母田樓閣幾餘星韶石祠留千萬古別出香爐  
頂峯碧雲片日生煙縷

黃唐驛

沿流遡岸上黃唐江小總容一帟航夜永成樓鳴虎柝日喧  
春樹弄鵲黃薄供旅貺茶三碗淡寫鄉懷酒一盃觴盡



目雲山無限興吟蓬閑倚背斜陽

凌江驛

在任昌縣巡驛有太平橋光霽樓下扁云梅邊春意又有總府行臺及進士坊

凌江驛在右歧江形勝名區厓保昌光霽樓前開卷幃太  
平橋上彫冠梁闕喧車馬行臺府炫耀簪紳進士坊  
最愛梅邊春意好早傳芳信到炎方

經嶺中作

驛扁云度嶺分春夾道多松樹前列梅閣上有掛角寺下有息者亭

度嶺分春是嶺中封疆自古屬南雄日晡松徑竟陰躍雪  
霽梅開馬迹通掛角寺高凌碧漢息肩亭下引清風越  
天萬里回頭望縹緲雲間五字紅



橫浦驛

驛左有鉄漢樓、金魚閣、街坊午門樓、扁云科第付芳。

路由梅嶺來橫浦，試看方輿歸大廈。  
鉄漢冠樓勝迹留，金鰲登閣清漪俯。  
南安城上叩晨鍾，東岳剎中敲暮鼓。  
科第付門扁，新人才能亦商風土。

小溪驛

百姓城臨小又溪，了中城聚屋高低。  
穿苔粉蝶深又見，隔葉黃鸝吟吟啼。  
屈曲水流舡上下，氤氲雲罩樹東西。  
輟暫憩重移棹，肯作閑遊半日稽。

九牛驛



303  
102  
粵西嶼岩起几牛。朝宗一派碧悠又。西來水路經南野。東  
去江城夾上游。下喇黃鸝崖畔樹。一羣白鷺水中舟。逢  
人試把前程問。報道三岐即贛州。

水西驛

穩泛仙舟到水西。日晴風帖必無鯢。城中寇閭凌雲棟。  
江上浮橋踏浪樓。既吳豐宮尊孔聖。有嚴祠宇仰濂  
溪。曉籌更觸祠仙棹。三兩聲聞何處鷄。

收鎮驛

自驛行所經九八灘

迢迢客路來收鎮。幾年怪帆風曉趁。屈曲流分江八灘。嗟



峨壁三山千仞。向陽花綻樹高低。照野燈明家遠近。剛美  
緣崖竹數科。為余先報平安信。

### 五雲驛

十八灘經到五雲。滿城桃李一旂春。尚書門額崇奎組。道  
士樓顏重縉紳。風便客帆投水驛。日斜商舶系江津。客中  
最劇忠堂念。五朵<sup>朵</sup>瑞雲望紫宸。

### 白下驛

驛在太和名白下。城中百里長包誇。幾重地軸後頭來。  
一帶江流前面過。岩畔禽聲弄管絃。溪邊物色宜圖畫。



往還客路慶平安。寄傲蓬窗高枕臥。

白沙驛

驛在吉安府吉水縣驛前有白沙故名。

吉郡亭<sup>新</sup>號白沙。許多勝景占韶華。錦峯繡巖堆天末。  
丹閣紅樓近水涯。百榭好音禽對語。一般生意樹交花。有  
緣最愛東風便。千里迢迢迎客槎。

金川驛

右岸討驛是新金城。又東邊有陶侃讀書堂。并石碑在。

路由玉炎抵金川。無限春光滿目前。新宰琴堂銀扁在。晉臣書  
院石碑傳。三更明月橫漁笛。萬里春風快客船。一路平安歸  
去好。蓬窗無事打乖眠。



華灘驛

驛屬南昌府豐城縣乃雷煥得劍之處有劍氣子石碑在又有尚書第進士坊

華堂名區說劍江地形勝景壓南昌  
彫甍叠棟尚書第冠閣層樓進士坊  
水路如今浮鷁彩斗墟伊昔射鳧光  
廟中神物知何處惟有殘碑臥夕陽

南浦驛

南昌故郡名南浦壤接衡廬封域古  
息壤崇巖迴帝子洲岡密對峙洪都  
府迷津舸艦揭牙橋朴地閭閻同綉戶  
况值陽春景物新綠波碧草供佳句

鄔子驛



鄱陽冰過臨鄔子一簇亭臺登岸嶺近繞江流曲又回遠來  
地軸重又起龍津風利客帆征是渚月明漁棹舫領畧乾  
坤晚眺間無涯清興吟邊倚

### 龍津驛

終到龍津即問津無邊風景一時新青穹店裏聞金甌  
紅縷盤中斫錦麟幾點挂帆收驛客教聲長笛倚樓人外  
百萬里思君念四看龍編入夢頻

### 紫雲驛在饒州府

直上饒州望紫雲物華勝景十分春一苞石起青山頂百



里城臨碧水，津柳店吐花。沽酒客蘭汀，待月釣魚人。神京北望今應近，好作覓光上國賓。

薊溪驛

近驛有尚書太師太保第宅及進士坊凡四十餘棧

紫雲過却到薊溪，迢迢江帆日西排。闔千重山頂起，猶除一帶水銀膏。台衡第宅先令對，科榜門樓甲乙題。風景可人饒客興，詩囊好討酒壺攜。

葛湯驛

曳纜浩涯上，葛陽琳宮滿。岸晚鐘撞暈，流照閣高凌。漢跨浪浮橋，遠過江城裏。絃声來帳枕，樓前月色照蓬窓。



許多佳景供吟興，筆力嫌非鼎足扛。

上航驛

扁云上航水馬驛，城中有五里聚奎樓及五桂樓，後題逐年科名。

萬里星麾趁上航，江城別有好風光。五星樓額科名耀，

雙桂門顏姓字香。坦夕陸程驅馬轡，迢夕水路烏轉牆。

客中第劇鄉思，南極澄光天一方。

灤水驛

在蘭溪城邊，有陸振祠扁，及知縣貫純去思碑。

驛在蘭溪名灤水，層城古塔星週幾。蜿蜒山勢斬蜂腰，

曲折江流分燕尾。陸振芳名首扁題，黃純善政新碑紀。

多情乾鵲傍人兒，預卜凶期先報喜。



富春驛

在建德縣。後有富春山。後有三魁峯。江下有七里灘。顧光耕釣于此。上有客星圖。及双塔。兩岸相對。

建德名區愛富春。壺中世界新。纖塵三魁峯頂雲。千狀七  
里灘頭月。一輪塔對。呼噪簪。排玉樓。重輝映。扁題銀。客星  
閣上。依然在。高節猶稱漢故人。

桐江驛

張公藝貫于此。

富春過了。到桐江。片帆輕帆。皆夕陽。青萬仞。攢山直。矗又碧。  
千尋繞水。夾一絲。嚴子終扶漢。九世張公亦重唐。欲把  
新詩。換好景。匆匆王事更紛忙。

會江驛



會江水會西岐江簇月亭臺枕石砭翠竿層巒山對峙白  
翻巨浪水春撞站城村落雲篴戶栢岸樓船月滿窓一  
陣西風何處起好吹清夢到南邦

### 浙江驛

由會江來趨浙江盪浮萬頃水渴人舟乘風力帆檣快  
窓納潮聲枕簟涼山寺鯨鍾敲曉月沙汀漁網曬斜陽  
放橈直上杭州路馥郁荷花十里香

### 武林驛

在杭州府有涵碧橋湧金樓東則浙江水歸于海口西有孤山而經入西湖心

直上杭州到武林娑娑生意樹交陰臥波橋額稱涵碧得



月樓題號湧金。浙水象流歸海口。孤山一徑入湖心。無端行色相招引。聊為停驂放旅吟。

吳山驛

在杭州府仁和縣

杭州佳致此吳山。無限風光入筆端。煙景江湖饒勝覽。綺羅城市總奇覓。危閣垂珠箔。平地直耀綉。鞍從此座船。應穩泛。搖鞭休問路行難。

皂林驛

在東德縣。傍有尚書門。江津有太學廟并石碑。

崇德名區說皂林。客程萬里玉輶臨。晴川宛轉拖銀帶。佳木葱蘢茂綠陰。太學廟前碑篆石。尚書樓上扁題金。



313  
清風明月無人管，併入蓬窓一朗吟。

西水驛

祠扁云湖天海月，傍有何武去思碑，及唐陸贄  
廟像。

嘉興勝地名西水，海月湖天多景致。幾簇樓臺沸管  
絃，四時城市鋪羅綺。碑書善政漢何侯，廟寫遺容唐  
陸子。

平望驛

107  
江湖好景稱平望，皎月清風無畫興。幾點征帆盡浦  
中，三聲笛弄高樓上。參差玉兔竚侵雲，宛轉石橋  
長破浪。辰殿貼皎日月丹心一片傾葵向。



姑蘇驛 西有寒山寺南有太湖即古之東吳地也

山寺水秀美姑蘇雄誇三江古伯圖藻井紅檣欄削玉  
朱樓鳳閣箔垂珠鐘聲半夜寒山寺月色三更南太湖  
若把方輿風物看北燕名勝道東吳

錫山驛

錫山風景萃湖山臺榭參差積翠間高柳玉簪双塔頂  
淨鋪白練一溪灣司徒首策存門額進士新樓揭扁額  
徙倚江皋勿客思南天萬里憶鄉關

雲陽驛

在丹陽縣門扁云江南水陸第一要衝



雲陽旌底屬丹陽，屈曲回溪一帶長。  
 薊北山川形勝在，江南水陸要衝防。  
 夜深登角聞誰櫓，日旭華鍾叩上方。  
 最愛虹橋月下月，嬋娟依首浸寒光。

### 京口驛

鎮江上名京口，五達亨衢俱輻輳。  
 柳座迎風酒旆張，楓汀待月漁船扣。  
 金山古刹響初鍾，鐵甕層城催曉漏。  
 最是南京形勝區，声名文物原非陋。

### 廣陵驛

在揚州府江都縣，傍有楊柳堤，內有美蓉閣，又有雙亭，乃歐陽修所作種花處，及仲舒故井在焉。

文物繁茂愛廣寒，東南名勝古來稱。  
 綠垂楊柳堤千里，丹旆



客閣覽層永叔首亭花烟慢仲舒故井水澄沙楊州最是  
風光好暫舣行舟試一登

召伯驛

晉謝安築塢於此後人思之如甘棠之思召伯故名後人  
名驛湖北近河中有一烈女露筋祠并石碑在

晉謝政同周召伯昔曾名塢今名驛陰森堤脚樹攢青漱  
灩湖心波湧白一葉輕舟釣月天千尋巨艦覓風客洲中  
別有露筋祠烈女功名長勒石

孟城驛

在高郵縣域中城高四面稍低形如孟故名上有玩珠  
亭

高郵勝處有孟城地上孟形故得名碑石堤邊波蕩  
漾玩珠亭上月分明馬穿柳岸歸南郡舟逐蒲汀趣



317  
109  
北京喚起陽窓清夢裡。水涯啼鳥西三更。

安平驛

星輶萬里赴安平。上國觀光快此行。風靖松梢眠老鶴。  
月稀柳樹啭嬌鶯。漁舟帆掛湖中影。禪寺鐘敲月下  
聲。却訪淮陰何處去。棹夫矢指是前程。

淮陰驛

南京形勢壯淮陰。繚繞江湖作帶襟。漂母祠前流滾滾。  
軒王廟裏樹森森。綠楊堤上嘶風馬。紅蓼洲邊玩水禽。  
萬里乾坤双眼濶。興來得句且高吟。



桃源驛

在淮安府桃源縣。民俗喜種桃，以桃為業。有索河橋，有蜀先生廟在焉。

淮安聞道有桃源，水急奔流巨浪翻。  
釋子是農鍾敲野寺，漁翁夕火照江村。  
索河勝橋猶立，先主遺容廟存。尚實食枝薪民苗俗，  
中別有一乾坤。

鍾吾依古

在宿遷縣。

宿遷首蹟想鍾吾，城郭皆非景不殊。  
外將祠前波浩蕩，楚王臺下草荒蕪。  
英雄已矣成陳迹，山水依然入畫圖。  
賴有清風知客意，長社好為趨檣烏。

下邳驛



由直河來到下邳亭臺一簇俯清漪鯨波萬頃浮天壑  
 鰲背千尋植地維黃石尚遺香火廟素書猶授帝王  
 師斜陽小立尋遺跡聞道杞橋有首碑

房村驛

在呂梁珠之上  
有天子廟及形勝樓

呂梁珠上是房村楊柳低時短垣水足支離危立石江  
 心洶湧急湍奔天妃廟古穹碑在形勝樓前高舊址存  
 還盡瞿塘來坦路玉京直達正陽門

彭城故都

藁尔江東楚故城山麓水急兩無情本根初易開中棄智力



終誰天下爭。戲馬臺前苔蘚合。逝驢路上蔓叢生。漁郎不  
管興亡事。歎乃時聞扣漿聲。

夾溝驛

驛所經六閘。又傍別開水道。形如半月。故曰月閘。江水甚淺。北人諺云。不怕北京遠。只怕金溝淺。

過却彭城河夾溝。平沙地上起高樓。迢迢汶水分文泚。滾滾徐  
河接末流。簾捲風亭迎駐節。版圖月閘放行舟。誰云  
只怕金溝淺。使涉今朝百不憂。

泗亭驛

去驛三十里。到沛縣。沛鄉亭。及歌凡臺。外有琉璃井。又驛東。边有小李村。漢祖少時居于此。

由夾溝來訪泗亭。好人道是沛鄉名。玉簪高插山排闥。白  
練長拖水遶城。小李村中留玉跡。大風臺上想徽聲。經今



不改琉璃升

魯橋驛

征棹侵星赴魯橋。佳風皎月任招邀。  
尼山隱隱千層峙。汶水悠悠一帶朝。  
闌里呼噪牆數仞。喬林蓊蔚樹千條。  
夙心嚮往今欣覩。好向新亭一駐輶。

南城驛

在東山地分有覓園亭并太白樓

東山名勝美南城。一帶江鋪素練平。  
楚月街衢罨綺色。洋風邑里誦絃聲。  
觀瀾亭上清風好。太白樓前皎月明。  
折柳夜深聞笛曲。何人不起故鄉情。



開河驛

此河元時始開故号開河自汶水一條分派一派中流于南一派北流于開河

汶川之北是開河疏鑿從前人力多漢月寇煙臺碧樹消月流水漾  
余波斜陽牧笛身半曲明月魚舟款乃歌萬里江河归客眼許  
多勝致助清哦

安山驛

在安上閘之下右岸有安山湖月北有山行過徐君墓即李杜掛劍處也

高山湖上是安山風景都归眼底看石間重月山有閘源來浩  
月水無灘漁村網晒日差晚伏閣鐘鳴夜向圓却訪處陵懸  
劍處新碑鶴水已苔漫

清陽驛

在清平縣近有魏家庄灣自驛行兩邊皆柳堤夾陸



清平佳致愛清陽。旌底江津短日晴。封畧一歸明統志。繁花在  
魏家庄。柳條煙裊垂堤綠。麥穗雲浮匝隴黃。客路平安無些  
事。蓬牕歌枕午風涼。

清源驛

在臨清縣。水清源上自泰山汶川來至此又分兩岐。前有開門。傍有玄帝廟及鄭公懷亭碑。

泰汶初從上發源。臨清流。水曰沅。冰分水去一條路。流逐  
前祠二洞門。門。玄帝廟高金扁在。鄭公亭古石碑存。無端清  
致撩詩興。第笑長城欠五言。

夾馬營懷古

在高唐府武成縣。

雄跨高唐夾馬營。中藩外殿昔屯兵。年久長照月無事。曲



索回水有情。蔽日旌旗前度影。鳴霄鼓角當時聲。方輿試更分明看。非洛陽城是武城。

梁家莊

驛傍有卅治。首城遺址尚在。西旁民居稀少。止三酒店。右邊有四女寺。

梁家勝也是名莊。水射江田一帶長。百里卅城留首地。西傍村舍梁新塲。瞰流豐宇松庵古。映日青旗柳店張。採曳鄉心槐  
 幄裡。蟬聲新續正斜陽。

連窩驛

在吳橋驛

吳橋旌驛額連窩。千里悠又一帶河。夾道陰留槐。蒼蔚排堤影。弄柳婆娑。觀音寺裏纖埃少。為綉坊中勝際多。好景



欲模、未得、棹移還聽水工歌。

新橋驛

在交以驛

交以聞道有新橋，簇、江、城、勝、致、饒。  
柳、岸、車、登、程、坦、又、蘋、汀。  
棹、轉、路、迢、又、桃、流、玉、觀、懸、金、扁。  
賞、月、青、樓、綺、窗、眼、底、風、光。  
媒、客、思、朗、吟、聊、為、一、停、橈。

磚河驛

新橋度了過磚河，疊、閣、層、樓、並、水、涯。  
野、岸、歲、豔、黃、犢、草、江、津、浩、渺、白、鷗、以、綠、又、兩、送、梅、猶、實、淡、又、風、吹、竹、漸、苦、屈、指、  
客、程、無、甚、遠、日、終、八、九、到、京、年。



乾寧驛

在河間府有昌國里扁云貴戚坊內有廟益商嶢嶢望岳  
引皇后及夫人像

河南名勝美乾寧右驛門前水路程昌國保坊鋪錦綉真人登  
閣賁丹青漁翁釣艇浮鷗渚旅客征帆轉鵬汀朝罷燕臺旋  
玉節短亭過了又長亭

流河驛

驛工夾濇沱河下舟過清海縣傍有酒店以人來客津河下多  
商賈鹽船

往移桂棹趁流河日朗風恬水不波前去退夕臨靜海後來滾  
沙夾濇沱駟傍商店民居少津下鹽船商泊多靡及每懷歸  
旅客濯纓未暇咱漁歌

河西驛



沿新流沂上抵河西風利帆挂不少替匝地雲堆黃麥隴侵  
 天雪點綠楊堤圓通寺裏珠幡裊都會開前玉扁題路起瑤  
 來京期在途早夕達公去

和合驛

在通州外家灣

通州旌邸名和合淺月江灣浮水數刺綉佳人紅袖穿尋芳公  
 子緇塵踏亨衢坦易趨華駟古廟崇沉芳玉鴨直上神京  
 一日程九霄宮殿朝圓闔

會同館

萬國來賓此會同無窮佳致客吟中工媒清興窻前月



好薦微涼檻外風，五朵紅雲金殿北。  
一條碧水玉河東，霜天積  
喜秋期近，客路南還逐塞鴻。

阮仁安

慈廉永幾人進仲士堂之子，偽光寶丙辰科進士奉使仕至侍郎福衍侯卒贈尚書。

近体詩二首

經筵山和狀元甲節齋韻

九月峯岫此一峯，乾坤四顧盡圖中。  
層層石壁山拖虎，滾滾蓬潭水遶龍。  
輦路紅花含宿雨，御溝綠樹弄清風。  
老深古廟遺基在，依舊寒梅伴老松。

再疊前韻



雲遶村墟水遶峯一叢古廟翠微中飲河復見今馳象  
石猶傳昔御龍侵徑黃花欺朔雪饒牆芳草怨東風  
客來巧欲蘇民望未暇歌蘭與酌松

阮明壁

青林仁里人籍至靈之安寧偽光室士成科進士奉使仕至尚書臨川伯致仕

近体詩一首

次韻賀少保黃仕愷致仕

名立功成便解簪  
翩夕日興馬蹄  
駸錦衣照騷江山首  
綠野優游歲月深  
翠柏蒼松坐晚節  
長篇短什逸豪吟  
再中私第  
湖中樂憂愛無忘魏  
淵心

杜道

文江類屋人偽延成庚辰科進士仕至東閣大學士安江侯莫亡被批不屈乞歸田里終於家



近体詩一首

次韻賀少保黃仕愷致仕

仕途踐丕耀華簪，曾詠周詩四駱駘。  
康濟勲濟名山岳，重包容器子海河深。  
耆吳堂上高年會，風月閑中永夜吟。  
飲餞都門無別語，勉將忠孝矢丹心。

阮能讓

武江金堆人，後改能洞，進士拱順之孫，偽光室壬戌科進士，偽  
延成七年甲申克正使，仕至尚書道派侯。

近体詩二十一首

北使驛次新年偶成

觀光忝預大庭賓，況值新春節旦新。  
暖入江山徑使橐，香衝煙霧長詩神。  
滿腔公義期尊主，一片私情劇望親。  
事



331  
116  
清功成歸闕早一番春勝一番春

閑忙四十九年前頓覺今年劇往年晚歲臘寒來北地今年春  
暖似南天尋茅茨道花無數送酒誰知酒有權專討四男子  
事相期忠孝兩俱全

乙酉春旦感懷



鷄年鷄日五更時旅次逢春有所思晉國十分新節好他  
鄉二喜故人知半天風雪詩千卷萬里關河酒一卮

人日每大作



年去年來年又忙，迢迢驛路滿韶光。  
中流桂漿搖明舸，夾岸梅花拂畫墻。  
北地閼河通帝闕，南天日月憶吾鄉。  
功成準拟回輶日，健筆題詩戲彩堂。

凌江驛

昔凌誥所導故名

凌江駟下水涼，又見說凌公道導此江。  
橋傲冬寒青入戶，梅和春暖白當牕。  
南回五嶺雲封迥，西接千峯日夕撞。  
百粵河山千古在，英雄誰是力能扛。

客中寒食

春逢寒食覺寒來，百六佳期信美哉。  
綠漲因風翻柳去，



紅深為雨妬花催。香堆積。飯留陽氣。火試新茶。冷灰。  
文物不殊鄉國異。遣懷且覆掌中盃。

雨晴夜泊羊灘津

夜泊葦江淺。灘蓬牕暖入。却餘寒。客中鄉思那成。  
夢。夢上燈花不厭看。峯北魚翁腔笛曉。塞南鴈子點星。  
殘。夙宵。龜勉完王事。臣道賢勞敢自安。

曲江張丞相祠

越甸精英出鉅儒。一篇金鏡照千秋。



題梅閣

暖入梅邊春色深。蒼松耐老自成陰。蘭城桐柱今何在。  
長使英雄感慨心。

橫浦晚梅

南來嶺嶠瘦梅開。橫浦春深二月寒。清白主人留客住。東  
風又促上長安。

小溪晚景

江天霽景雪低迷。曉趁桡舫過小溪。二月風光無限好。山  
花爛熳野鶯啼。



南塹春花

珠簾高捲擁行人，一段東風似有因。  
紅紫百般都下品，南枝開處若陽春。

憶苗園山林

爭春有李誰為俗，騷俗惟梅不讓春。  
可愛春深含結子，錯教春意却怜新。

劍江驛和副使松<sup>坡</sup>鄧題韻

紫氣寒芒射斗牛，豐城古跡幾經秋。  
從牛津底龍光在，更有何人挽得不。



劍江又上霧橫江。多是龍泉紫氣撞。神物何曾留俗手。  
張生虛道劍成双。

南昌懷古

一帶長江徹五湖。閑雲流水自悠悠。滕王首閣寧王印。今古  
滄桑幾度洲。

清明前遇雨憶花酒漫興得杜牧詩句同韻

清明時節雨紛紛。春思撩人醒後魂。黃鶴樓中空把盞。黃  
花渡口問前村。

又得於禹你句同韻



357  
119  
無花無酒度清陰。旅次凄凉靜亦僧。勘破東風多少意。  
夜來靜坐點寒燈。

經平望

秀水江頭雨乍晴。征帆破曉  
障畝連湖看耦耕。

過松江感張翰歸事

春盡吳江眺晚暉。松江山暖蕨鰕肥。客中却憶張公翰。  
乍聞秋風便去歸。

過姑蘇



平望松江入海湖高臺遺址說姑蘇  
鳴夷肯向逝鳥喙只怕西施解沼吳

鄧題

字晦卿号松坡青林汪上人偽淳福乙丑科進士偽延成七年甲申北使還累陞尚書松巖伯埶學工詩詞章清雅所著有松坡詩集

四卷行于世

述體詩四十四首

北使拜河早發次前年貢部使武公韻

粵辭比閩趣東河在拂征衫鵠彩霞冠蓋江亭人送

客雪梅驛路我登車鍊金鍛鐵布朝國肥馬控裘說

子年記取歸期辰節好春城無處不飛花



339  
120  
到諒山城遇首明承憲二司官同阮二公并弟右

參東溪伯接戲因賦詩留別進退格

人生會面古來難客次相逢此諒山將命我寧千里遠收  
民公要一分寬彈冠結綬歡娛笑際叱馬回車鄭重間杯  
酒臨岐無別語北南隨在共平安

貶次新年次同幹道冰伯阮公能讓韻

五九年猶去歲前今而耳順正新年驅又不屋三千路和煦方  
貼从尺天嵐瘴破除憑酒力江山收拾借詩權皇華四牡吾儒  
事子孝臣喜<sup>忠</sup>兩全



過韶州芙蓉驛

驛在州左邊大江自梅嶺來折入過前

雄麗元來秀氣鍾江山如此玉芙蓉  
三岐綠繞河中塔萬仞青  
環岸上峯余里幾年存巨扁張祠千古想遺容  
客情浩蕩隨春色時復登臨策瘦筇

夜泊羊灘津

使舫春日泊羊灘積雨初晴氣尚寒  
傍水野鳥沙上見隔江漁火霧中看  
夜鍾乍響潮聲急曉箭頻催漏點殘  
行客歸心尚不住夜隨清夢到長安

客中寒食作



341  
121  
寒食未。他鄉客。思信悠哉。娟娟戲蝶。隨風過片。  
又。點花得雨。催何處。漸香新杏粥。誰家將。換首榆灰。年光  
流轉。應如此。且樂餘春。掌上杯。

姑蘇懷古

風流聞說古姑蘇。背引長江面太湖。香徑深。濃又淡。  
花容笑。又有將無。水邊兩部蛙聲吹。城外千行橘。仆奴。  
自古宴安皆酖毒。豈惟麗色。陷解亡吳。

初行過梧。州府蒼梧驛。偶成五言排律。一百六十六韻。  
東南稱重鎮。風土美蒼梧。桂水双流會。藤江一帶紆。坤



維連巖嶠良軸接衡巫綠漲浮雲漢青攢繞亭郊佳奇誇

西廣秀麗敵三吳勝跡名踪在良辰美景俱臘寒吹曙竹

春暖入屠蘇媚夕花風扇寒夕草雨晴天舒柳絮驚日

照桃符宇宙清明旦樓臺昼圖竹亭瑞竹名霜幾點梅

驛雪千株鶴縮冠層漢龍亭有化竜亭跨坦途浮梁橫鎖鉄

桂江有梁浮兩边鉄鎖銅柱高閣掩簾珠

寺名思移鷺山嶺崇學文廟屹龜趺呂院名仙院闲雲淡菜祠菜公祠曉

露濡龍山店名篋瑞靄馬廟有白馬廟茁青藟三界祠尤古四蛇事

匪誣火烽兼火焰水井徹冰壺水井與火相射水色侵銅柱苔痕印石衢風



流稱督道。景致勝京都。蔭宇松千列。盈堦菊百區。蘭畦巢翠羽。荷沼

棟峙凌雲閣。門臨明月湖。金甌開孔雀。

粉壁昼鵲處。春入紫綃帳。香消宝鴨爐。凌煙分蠟燭。光影

照珊瑚。放雀謝楊公。印龜依孔愉。昇調薰弓藥。地普潤

萊蕪。日下娘船滿。花前紅袖扶。清歌兼楚趙。雜戲演巴渝。

消日酣秦弓。臨風仗輓轡。後堂同宴樂。近舍亦歡呼。假嶺

栖禽鷺。晴窓工虎踞。馬街珠灼燦。蛇帕錦模糊。灯火供

丹青。益墨養枕光。以琥珀。羽飭照檐楹。綵燕懸簾幕。華麟入

棟模。山藏堆綉幕。泉浩滿瑤瑜。几淡黃奴。席妍悵。妾蒲細肝



稱瑪瑙切玉美。銀鑿海錯登魚婢。河珍產蟹奴。苞盧洛水鯉。  
 玉鱠松江鮓。鍾乳芋辛韭。陸心米滑菰。幕漿濡凍汁。茶餅截雲  
 腴。琥珀安期棗。玲瓏靈遜榆。交梨銀雪液。乾荔絳羅襦。甜  
 底冰蓮藕。辣中玉突芦。檳榔紫鳳郊。竹筴蒼龍雛。供飽  
 餅蒸麪。辟邪囊貯菜。象姑藏橘史。麝馥梨花姑。拾翠賞  
 心嬌。尋芳悅月姝。玉釵彩茉莉。綉被杏簾蕪。唐置紗幮肆。育征金  
 出租。役傭條馬器。憶友過黃壚。玉窟由來美。叩問不用酤。傾  
 筐邀李杜。倒屣接封胡。清笑揮談麈。高懷手唾壺。北風  
 兼抹月。弄翰又操觚。任賦稱鸚鵡。清詩詠鸛鳩。席延羣老



少鍾鼓響朝脯扶杖叩文詔  
 叩盃樂宗醺桴蒲爭勝負博奕  
 闔盈輸踴躍瓊呼雉憑陵裕  
 唱盧舞雉隨宛轉李陶任柳  
 榆塗出多商旅津迷接舳舻  
 沿流浮漢筏逐浪濟川桴  
 鳳管星軺越紅船貢篚趨玉  
 城鳴鑾杵滿岸弄晴宇蓬捲  
 朝風客簾披納雪徒旗歌吹  
 阿溫收笠著夫須綠洗殘霞  
 綺金裝落月樞櫓聲搖越唱  
 灘響上共飲山瀑泉声咽江  
 寒鴈影徂和煙歸點霧吸沐  
 露嫩陽鴻避晴汀戈鷗鷺晚  
 度鴈鷺鷺棲水鳥魚石宿沙  
 見風景無顧前慚線緩平昔  
 志桑弧辭少賈生傳榮君子  
 夏癯解紛微妙晝經遠之宏  
 謨室鼎



同康瓠瓊瑰混砥砢。趁時甘徇好。銜世謾求活。

采苗焉用揔。周鮒每憂枯。河飲分甘飜。梁居迹類鵠。不材自笑鴈。有智却嫌蛛。頭上君親念。鬚邊歲月流。開河鄉思遠。雲水祇清孤。詩洗心源濁。茶澆骨欲粗。每慚蠅附驥。幸假虎隨狐。專對才奚稱。免光志幸酬。

經鄔子驛夕泊水洪市

湖口鄱陽過。岑頭烏子來。雲怪河影淡。風暖浪花開。落日啣山去。寒檣帶雪回。暫投江市泊。却被野鷄催。

經阜平驛

在浙江衢州府常山縣



昨夜猶依玉，今朝已草萍。山花迎客笑，驛柳向人青。  
浙叟攀仙轍，衢童望使星。鳳麟人要試，爭道幾寧馨。

仁里驛

上強過了來仁里，登寧前牯子山。起我思親千里念，不堪回首白雲間。

諒山城曉發

凌晨進發諒山城，瘴霧嵐煙掃旆旌。去又不堪回首望，五雲深處是神京。

幕府營晚駐



清風風駕雨初晴。使轡宵收幕府營。喚起鄉關千里夢。野鷗  
何處西三声。

磴勒驛

驛名磴勒亦龍州。石巖連延水路紆。別有武盈佳景致。林窮山  
盡見平蕪。

黃巢城

城在左江驛

城頭隱約此江皋。壁壘淒迷古樹梢。遺集已隨流水去。時  
人猶自說黃巢。

凌山驛

近驛有市左右二江合流



市三日會街衢裡江兩歧分左右間借問新寧何處驛見  
 童笑指是凌山

建武驛

驛在南寧府宣化縣門扁云內揖左江外控交南城門題云  
 南邕勝驛

左江內揖外交堤城上高樓字又題最是南邕饒勝驛  
 風光第一廣之西

永淳驛

城上樓臺江水湄永淳曾此駐征麾客中試把輿圖  
 看前面三十十二磯

海棠橋依古

在橫州城西半里乃秦少游謫官時書院橋中多種  
 海棠今有兩碑



宦遊曾寓此橋中。雨過花開幾度紅。橋上主人何處去。海棠依舊笑春風。

經烏蛮灘題馬伏波將軍廟

丹青未入風雲筆。蔓草翻成薏苡珠。千古烏蛮灘上水。流嘶曾洗不平無。

香江驛

烏蛮過了又香江。臘暖天晴水似香。却羨瘦頭茅草綠。枝上生意弄春光。

依澤駟除夕



昭眺江山動興懷。風光試向驛前梅。  
 休言今歲今宵去。且說明年明日來。

藤江驛

西岐江水夾藤江。四顧山光接水光。  
 最是廣西風土好。世侯樓又綉衣坊。

麟山夜泊

夜泊麟山萬里船。月光如水夕如天。  
 晨鷄有意催行客。三四啼聲竹塢邊。

松臺元宵



客中春興暫招邀。肯負千金一刻宵。却笑前人徒怪誕。免燈浪說廣陵橋。

須陽驛

韶州勝槩說須陽。江會三岐水渺茫。滿目雲山媒客興。聊憑詩勢快風牆。

黃塘晚泊

遡流向夕趣黃堂。塘風迎灘聲枕簟涼。著眼春光看  
不盡。小樓松月更蒼蒼。

小溪晚景次道涖公韻

近驛有百姓城  
又驛前有溪



日工孤城曉色迷。春光淡蕩驛前溪。無端喚起鄉闈思。三五嬌鶯兩岸鳴啼。

南野曉泊

停橈南野驛樓前。水國微茫夕照天。春色怱人眠不得。月移花影上吟船。

劍江驛

見說龍光射斗牛。物華天寶劍江秋。張華不識衝霄氣。天上中台識得不。

神物藏踪此劍江。風濤一夕發春撞。龍泉自古能靈化。何



待處平躍一雙

登滕王閣

獨上滕王閣上遊，乾坤萬里一沙洲。  
 枯枝首曲歸何處，風景依然萬古秋。

清明 清陰前一日遇雨憶花酒次日同幹道泚伯阮能讓韻

清明 清陰時節雨紛又，春寢初醒醉裡魂。  
 花酒尋常何處有，不須

村

無花無酒度清陰，閑淡渾如雲水僧。  
 照破幾多心內事，空孤青眼對青燈。



節近清陰<sup>明</sup>細雨紛江山光霽醒吟魂惜花苦欲留春景把  
酒還應問杏村

客裏良辰拭眼陰蕭條隱几似閑僧銀瓶酒盡聊吟菊  
金粟花開且看燈

葛溪晚泊遇雨

驛在弋陽縣西邊有小溪城上扁曰迎薰門

迎薰城上雨淒淒黯淡江天日向西沙鳥不知人意向自來自去  
弋陽溪

江橋村外中聞鷄有感次道冰阮公韻

江國微茫春水生晨鷄何處兩三聲蹴毘且喜鞭先著



希舜應須善必行

上舫夜泊

山青雲白弄晴光，一葦挂舟駐上舫。  
無事閑來春睡足，船頭水月兩茫茫。

亭步晚泊遇天寒感述

亭步村前晚泊舟，天寒不覺上絺裘。  
何時却逐桑榆暖，管取人間一素秋。

富春驛

萬古乾坤此富春，客星一點月孤輪。  
江光山色依然在，猶憶當年



年漢故人

周野當年師父出，漢庭此日故人歸。  
看來俱各時輕重，千載誰將說是非。

經平望次道公韻

清陰四日雨初晴，平望村前綠漲平。

投壺招客飲

布谷喚人耕

過松江憶張翰事偶成

松江月上望斜暉，雨入吳江水漸肥。  
鮪鱸尊美俱適興，季鷹安得不思歸。



何任大

立石屏山人偽象康甲戌科進士仕正祀部尚書嘗畧撮前朝君臣事迹各詠以詩名嘯詠詩集行于世但其書記事多有錯

謬評品失當  
今節錄數十首

近体詩二十五首

黎石

國瓚誰云是少年報恩滅賊志堪憐但知恃勝無憂敗空

使秦王惜道玄

黎礼

伏兵破砲計施工十萬陰兵一旦空勺水豈能滄海竭失机

但振挫吳雄



黎熾

報國忠誠計慮深三朝同渚老臣心  
我乃當代麒麟閣第一功臣說到今

黎魁

宗子生逢泰運同胸蟠兵甲抱奇才  
三朝左右勲名著社稷名臣幾得來

劉仁澍

王師悉已定諸城足遠胡為起援兵  
千載北人閣下過一番說到一番驚



黎凌

忠誠一念在王家，足策魯垺衛社戈。  
霍氏不終公有後，漢家恩薄帝恩多。

陳元扞

大業經營預失謨，坐教伯越又平吳。  
龍顏早設同勾踐，何不扁舟泛五湖。

黎壽域

創守多年歷險浪，餘威猶自懾閭閻。  
土邊有或饒他短，八亂良臣世所難。

聖宗諭



陳真

長驅鉄騎定風塵。宮禁重收制度新。陳有一人誰緘口。孔階  
不談是何人。

阮天縱

德江運迤一條來。地氣鍾靈產異才。仁義飽聞經學唱。國初  
道脉自公開。

阮天錫

國初甲第獨標名。烏府春坡疊寵榮。何事謾思山水樂。  
心猿意馬幾時平。

公詩集中心猿意馬一時平之句。



程清

國初盛送冠時髦，東節乘輅志氣豪。

阮天縱  
贈詩句

正事四朝堅

一節

梁如鵠  
贊語

儒臣事業獨公高

鄧鳴謙

節義由來報自天，一門奕葉世相傳。  
是非公論真良史，到處人爭道脫軒。

阮如堵

登雲刺喜遇明時，高綬班位冢司。  
損益滿盈曾不戒，研硃點易更何為。



武睿

一舉登科少壯時名科事儒<sup>業</sup>世稱奇凌<sup>又</sup>少保心如鉄不負

淳皇音簡知聖宗嘗稱曰他日國家有事必此人當之

譚慎微

學問家庭將相科烏臺斗座帝恩多竭誠報國吾儒事天意  
難回可奈何

吳煥

厄遭陰九厲扶危師訓無忘患難時笑殺榻邊猪犬輩  
富貴果何為時從駕諸人多有思家罵曰猪犬不可同居移其床



## 杜綱

朝綱廢弛政多門服笏忠臣独抗言青史芳名千古在長  
留餘福及兒孫

## 裴允文

吾翰操猷侍從臣周旋羈勒忍忘君古今成敗俱陳迹文九

登第時題壁詩有古今成敗俱陳迹山自青日水自東之句

留取芳名萬世聞

## 賴金榜

成仁取義聖賢書當日偷生愧不如千載錦江橋上路風  
雲長為誦儲胥



阮自彊

路經古廟樹連天，慨想忠臣報國年。  
誰謂孝忠難兩備，得忠便是孝兼全。

阮瑤

一箇基工狎弄臣，科名僥幸倖棲身。  
晚來把得忠臣節，絕勝當年背主人。

吳俊傑

介介廉隅矢靡他，為身念少為君多。  
老妻回視真無愧，笑殺人間五嫁娼。

莫登庸召傑，使老妻抱席隨其後，曰死即  
裹之，遂放歸。



嚴伯驥

武臣才力幾平湖。凜烈忠誠報國秋。千載北人橋上路。回觀往事使人愁。

伯驥於光紹間封平湖伯。

武如蘇

峻德如堯尚土堦。人君安用九重臺。喪邦什斧誰施巧。棉禍知渠有自來。

如蘇為襄翼帝作九重臺。





Handwritten text in blue ink, possibly a date or signature, including the characters "10/10".



全越詩錄

卷十五之十九

四

A 132  
3

A 132  
3